

# بلاغت شانیبه

مکتب مفروق طبعه تقریر اولئانه درملرک خیرصه سیدر

اثر خامه احمد جودت

متملی: کناجمی آراکل

در دنجی طبع

معارف نظارت جلیله سک رخصتیه طبع اولئمشر  
رخصتنامه نومروسی (۹۲۵)

استانبول

نشان بربریان مطبعه سی — اسکی ضبطیه جاده سنده نومرو ۶۱

۱۳۱۵

بلاغت شانیبه

احمد جودت

مکتب مفروق طبعه تقریر اولئانه درملرک خیرصه سیدر

# بلاغت بحیث انبیه

مکتب حقوق طلبه نه تقریر از لئانه در سرك خراسه سیدر

اثر خامه احمد جودت

متملى: كتابى آراكلى

در دنجى طبع

معارف نظارت جلیه سنك رخصتیه طبع اولنشد  
رخصتنامه نومروسی (۹۲۵)

استانبول

نشان بریران مطبعه سی - اسکی ضبطیه چاده سنده نومرو ۶۱

۱۳۱۵

## ﴿ اخطار مہم ﴾

اجزای کلامی تفریق و طوراق محللریله درجه لری تعیین ایچون السنه سائرده سودرت اشارت استعمال اولونور. بری: (؛) درکه «ویرگول»، ایکنجیسی: (؛) درکه «پوآن ویرگول»، اوچنجیسی: (:;) درکه «دوپوآن»، دردنجیسی: (.) درکه «پوآن» ناملریله معروفدر. بواشارتلر، لسان عثمانی ایچون دخی قبول یلونوب اکثر آثار جدیدده استعمال ایدلمکدهدر.

بواشارتلر، خدمتلرینه و مقام استعماللرینه گوره بعض ارباب قلم طرفندن سائر بعض مناسب اسملرده ویرلش ایسهده بزبوراده اکثر محررلر مزله حروفات وکھجیلری، کتابجیلر، سرتبلر و مطبعه لک سائر عملرلرنجه اک زیاده مستعمل و معروف اولان اسملری استعمال ایتدک.

«ویرگول» ایله «دوپوآن» اک طوراق درجه لری پک جزئی یعنی برگوز آچوب اپایه جقی قدردر. «پوآن ویرگول» اک طوراغی دها زیاده جهدر. «پوآن» ککی ه بوندن زیاده جهدر. آتجی لسان عثمانیده اوله بر طوراق و تفریق محلی هها وارددرکه بونلرک هج بری او خدمتی ادا ایدمز. اوگی محللر، یا ویرگول یله گچشدیرلمکده، یا خود بتون بتون اشارتسز براقلمدهدر. بوایشه زیرده ایراد و لنان مثاللردن مستبان اوله جفی وجه ایله اوقویانک ذهنی تشویش، معنای خلال، طوراق حقی قسماً و یا کاملاً غائب ایتک گچی محذورلردن خالی دگلدر. بناءً علیه اوگی محللر ایچون آیری بر اشارتک لزومی حس ایدلمشدر.

واقما او یولده عباره لک سیاق و سیاقندن درحال معنایه انتقال ایده یلن ارباب وقوف، بونک لزومندن مستغنی اوله ییلرلر؛ لکن اوقومغه و معنی چیقارمغه یکی باشلایان اطفال عثمانیه و سائر مبتدیلر ایچون حال بتون بتون باشقهدر. آنلر، درست اوقومق، طوراق محللری طائیفی ایچون یاردیمه، واسطه یه محتاجدرلر. ایشته اوگی محللر ایچون آیری بر اشارتک احداثه اک زیاده بزی سوق ایدن سبب، بو خصوص اولمشدر.

بو باده معلین و محررین کرامتزدن چوغینک رأیلرینه دخی مراجعتزده یوفکرمنه تصویب یورلمشدر. احداث اولونان اشارت ایسه «پوآته ویرگول» اک عکسی دیمک اولان شو(؛) شکلدن عبارتدر. بونک نقطه سی بالعکس اوستنده اولماننه گوره اسمی ده «ویرگول پوآن» تمییه سی مناسب گورلمشدر.

بونک طوراق درجه سی ایسه صانکه «پوآن ویرگول» قدردر. بواشارت،

تعم ايدنجيه قدر وساطت عاجزى ايله نشر ايديلهك آئارده استمال اولونهجى  
كجى اشبو مخطره ده اوئرلك باشلرنده بولونهجقدر .

مثال : انسان، كامل، فاضل، عاقل، منصف، خيرخواه اولمايدر .

بومثالده «انسان» لفظى «مبتدا» وَ «مُسْتَدَّ اَيْله» در . «كامل» ، «فاضل»  
وَ سائر صفتلرده «خبر» وَ «مُسْتَدَّ» درلر . بوراده مذكور اشارتك يرينه  
«ويرگول» قونولسه ، هم «مسند ايله» ايله «مسند» بريرينه قارشمش اولور ،  
هم ده طوراق حتى قسماً غائب ايدلمش بولونور . اشارتسز گچيلسه ، اوخالده ده «كامل»  
لفظى ، «انسان» لفظنك صفتى ظن اولونهرق «انسان كامل» اوقونقى وَ بناءً عليه  
«كامل انسان» آكلاشلىق احتمالى واردر .

مثال ديكر : جناب حق ، سبزه لى ، ميوه لى ، مباح حيواناتى وَ هرنوع  
ارزاقى انسانه نفقه اولقى اوزره خلق بيورمشدر .

بومثالده ده «جناب حق» تعبيرنك اوگنده كى يكي اشارتك يرينه «ويرگول»  
قونولسه ، گرچه ذهنى چوقلق تشويش وَ معنائى اخلاص ايتمز . لكن طوراق حتى  
قسماً غائب ايدلمش اولور . اشارتسز براقليسه هم طوراق حتى كاملاً غائب  
ايدلمش اولور . هم ده «جناب حق» تعبيريله «سبزه لى» لفظى بريرنك مضاف  
وَ مضاف الهى ظن اولونهرق اويولده آكلاشلىق احتمالى واردر .

«خلقت عالم نه در ؟» سؤالنك جوابى اولان شو آتیده كى مثالده دخى  
مذكور اشارتك درجه لى زوى ده ا زياده گوروله جقدر :

جناب حق ، یرى ، گوگى ، انسانلرى ، حيوانلرى ، اوتلرى ، آغاچلرى ، الحاصل  
عالمده گورولن وَ گوروله مەين سائر شيلرى يوقدن وار ايتمه سيدر .

بومثالده جمله اصليله كى برقىسى اولان «جناب حق» اوگنه ويرگول اشارتى  
قونولسه ممتات جمله دن یرى بولوتان «یرى» لفظيله سائر ممتات آره سنده كى  
ارتباط بوزولور ، جمله اصليله يه قارشيره . بوندن باشقه طوراق درجه سى ده حقيله  
ادا ايدلمش اولماز . اشارتسز براقليسه ، اوخالده ده «جناب حق یرى» تعبيرندن  
ايك اوگجه اصافت معنائى ذهنه تبادر ايدر .

کتابچى آراكل

بِسْمِ اللَّهِ الرَّحْمَنِ الرَّحِيمِ

طوائف متمدنه، كندو اسانلرينك قواعدني جمع ايله  
برفن مخصوص اوله رق تدوين ايده كلشلردر. بوكا اك  
زياده اعتبار ايدن، عربلردر. چونكه اساس ديانت اسلاميه  
اولان، وفصاحت و بلاغتك طبقه قصواسنده اولمئله  
معجزات باهره دن بولنان [قرآن كريم]، لسان عذب البيان  
عربي اوزره نازل اولديغندن آنك قواعدني خللدن وقايه،  
بر خدمت دينيه اولمئله علمای عربيه بوكا فوق العاده  
اعتنا ايتشلر ایدی.

لسانك بر باشلوجه مأخذي، لسان عربي اولديغنه مبنی  
بوراده آنك قواعدندن بر آرز بحث ايتك لازمكليور.  
علمای عربيه، لسان عربينك قواعدني جمع ايدرك «علم

نحوی» تدوین ایتشلر ایدی که «کلمه نك احوالندن بحث ایدن بر علم» دیمکدر. صکره علمای متأخرین، بونی ایکی فنه تقسیم ایدوب برینه: «علم صرف»، دیکرینه: «علم نحو» تسمیه ایتدیلر.

علم صرف؛ ذات کلمه نك احوالندن بحث ایدن بر فندر. علم نحو؛ کلمه لرك حین ترکیبنده عارض اولان احوالندن بحث ایدن بر فندر.

بویکی فن ایله کلامک اصل معنای افاده سی کیفیتی بیلنور؛ ایکیسی دخی بر مقصده خدمت ایتدیکی جهتله حقیقت حالده بر علم دیمک اولور.

بعضیلر، مسائل اشتقاقی دخی بر قن مستقل اعتبار ایتشلردر؛ لکن اکثری، آنی قن صرفده داخل قیلشلردر. لسان فارسینک قواعدی قلیل و مضبوط اولوب جمله سی بر فن اوله رق تدوین اولمشدر.

لسان عثمانینک قواعدی، قواعد فارسیه یه نسبتله دهه زیاده در. بعض قواعد فارسیه یی استعمال ایله برابر، بر

چوق قواعد عربیہ دخی رعایتہ مجبورز. و لسان عثمان.  
 نینک صیغ تصریفیہ سی، هر لساندن اوسع و مکملدر.  
 بوجهتله مسائل صرفیہ سی، خلیجہ واسعدر؛  
 فقط مسائل نحویہ سی، لسان عربینک نحوی قدر کثیر  
 و واسع دکلدر. بوجهتله صرف و نحوینی تفریقہ حاجت  
 یوقدر. بناءً علیہ بز دخی لسان عثمانینک قواعد صرفیہ  
 و نحویہ سنی جمع ایله، برفن اولمق اوزره برلشدیروب  
 «قواعد عثمانیه» نام کتابی تدوین ایتشیدک، که لسان عثمانینک  
 قواعدی حقدہ اک ابتدا یازلمش اولان کتاب اودر.  
 بعده آنی اختصار ایله «مدخل قواعد» نام رسالہ یی  
 و صکره آنی تلخیص ایله «قواعد ترکیه» نام رسالہ جکی  
 تألیف ایلدک.

بونلری تدرّس و تعلم ایدنلر، لسان عثمانی اوزره اصل  
 معنای طوغریجه سویلیوب یازمغه مقتدر اولورلر؛ اما  
 فصیحانه و بلیغانه افاده مرام ایده بیلک ایچون «علم  
 بلاغت» ی بیلک لازمکلور.

قواعد عثمانیه نك آخرنده بلاغت عثمانیه نك تدوین  
و تألیفی وعد اولنمشیکن حال وزمان، بو وعدك انجازه  
مساعد اولدی.

بعده معارف عمومیه ناظری ایکن، مکاتب عمومیه  
و خصوصیه نك درس جدوللرینی ترتیب ایچون تشکیل  
ایلدیکم قومسیون طرفندن تألیفی عهدده مزه تحمیل  
و تکلیف اولنان کتابلردن بری ده لسان عثمانی یه مخصوص  
اولق اوزره بر «فن بلاغت» کتابنك تألیفی ایدی. بو  
کتابلردن بعضیلرینك تألیفنه موفق اولدیغم حالده اشبو  
«بلاغت» کتابنك تدوین و تألیفنه موفق اوله مدم.

مکر قوه دن فعله کله جک بر چوق نوادر آثار ایله برابر،  
بو دخی اریکه پیرای خلافت و جهانبانی پادشاه حقایق  
اکتناه بی مدانی ﴿سلطان عبد الحمید خان ثانی﴾ افندیمر  
حضر تارینك عصر محاسن حصر همایونلرینه مرهون  
ایمش. ایشته شمدی اول وعدك انجازه ابتدار اولنمشدر.  
علمای عربیه، بلاغت ایچون یکی فن یاعشاردر. بری:



«علم معانی» در، که آنکله کلامک مقتضای حاله کیفیت  
تطبیق بیلنور. ایکنجیسی: «علم بیان» در که ادای مرامک  
طرق مختلفه سنی بیلدیرر. یعنی: تشبیه، مجاز و کنایه دن  
بحث ایدر.

سجع و جناس کی کلام بلیغه زینت ویرن بر طاقم وجوه  
تحسین کلام واردر که آنلره ده: «صنایع بدیعه» دنیلور.  
آنلری تعریف ایچون دخی علم بلاغته ذیل اولمق اوزره  
بر فن یاپوب «علم بدیع» تسمیه ایتشلردر.

ادبای عربیه دن بعضیلری، بو اوچ فذک مجموعنی: «علم  
بیان» تسمیه ایدوب بعضیلری دخی اولکنه «علم معانی»،  
دیگر ایکیسنه. یعنی: بیان ایله بدیعه «علم بیان» و اوچنه  
بردن «علم بدیع» دیمشلردر. بعضیلر دخی معانی ایله بیان  
«علم بلاغت» دیرلر.

بز، اوچنی بر علم اعتبار ایدرک «علم بلاغت» تسمیه  
ایلدک. اول اعتباره کوره شممدی بو علمی تعریف ایده لم.  
«علم بلاغت»، کلامک مزایاسنی بیلدیرن بر فندر.

کلامک مزایای، مقتضای حالہ تطبیقی و تشبیہ و حجاز  
و کنایہ لرینک حقیلہ اداسی و «صنائع بدیعہ» ایلہ تزیینی  
خصوصاً صلیدر.

لسان عثمانی اوزرہ اشبو علم بلاغتی بیان ایچون بو  
رسالہ یی بر مقدمہ ایلہ اوچ بابہ تقسیم و بمنہ تعالیٰ باب  
اولده: «فن معانی» یی، باب ثانیده: «فن بیان» یی و باب ثالثده:  
«فن بدیع» یی بیان ایدہ جکر.

بودہ معلوم اولسون کہ علوم عربیہ، اون ایکی فن  
اولوب بونلرہ «علوم ادبیہ» دخی دنیلور. بونلرک سکزی،  
«اصول» دردی «فروع» در.


اصول ثمانیہ: لغت، صرف، اشتقاق، نحو، معانی بیان،  
عروض و قافیہ فنلیدر. فروع اربعہ: انشا، عروض،  
شعر، محاضرات و خط یعنی: املا فنلیدر. بونلرک تفا-  
صیلی، «بیان العنوان» نام رسالہ مزده اولمغله اورایہ  
مراجعت اولنه.

قواعد عثمانیہ ده، لسانلرک: مسائل صرف، اشتقاق،

نحو؛ و اصول املاسی مندرج اولمغله، اصول ثمانیه دن،  
اوچنی وفروع اربعه دن برینی حاویدر.

در دست تدوین اولان «علم بلاغت» دخی معانی و بیان  
فنلرینی مشتمل اوله جفی و جهله بوا یکی فنده: «فنون اثنی  
عشر» دن، آلتیسی مندمج اوله جق دیمکدر.

من الله التوفیق وعلیه التکلان





فصاحت، الفاظک تلفظ و استماعی طاتلو، معناسی ظاهر، یعنی:  
تلفظ اولور ایکن معناسی ذهنه متبادر اولقدر. بونک علامتی دخی  
الفاظک قواعد لسانه موافق و السنه ابداده کثیر الاستعمال اولسیدر.  
چونکه اهل لسان اولان ادباء، لسانی اینجه الکنن کچوروب او  
مثللو الفاظی تحریری و انتخاب ایدرلر. لسانه ثقیل، قولاغه کریمه کلان  
و معناسی آکلامق ایچون لغت کتابنه و فکر ایله ذهنک اتباعنه محتاج  
اولان الفاظک استعمالندن اجتناب ایدرلر. «کلامک احسنی اودرکه  
عوام آنک معناسی آکلار؛ خواص دخی فضل و مزینتی تقدیر ایلر»  
دیرلر.

بلاغت - سوزک فصیح اولوق شرطیله - مقتضای حاله مطابق  
اولسیدر.

فصاحت ایله، کلمه و کلام و متکلم متصف اولور. بلاغت ایله  
یالکز کلام و متکلم متصف اولور. بونلرک ماهیتلرینی کرکی کبی  
ایضاح ایچون هر برینی بشقه بشقه تعریف ایدهلم:  
کلمه نک فصاحتی، کلمه نک تنافر حروفدن، غرابندن و قیاسه  
مخالفتدن سالم اولسیدر.

تتأخر حروف، کله نك لسان اوزره ثقلتنی وَ تَلْفُظْكَ عَسْرَتی  
 اِجَاب ایدن برکیفیدر، که حس وَ ذوق ایله بیلنور. «مرتفع» معنانه  
 «مستشزر» وَ ایستانتیق کله لری، «ایشسز، کوجسز» لفظلری کی.  
 غرابت، کله نك وحشی اولسی، یعنی: مأنوس الاستعمال وَ ظاهر  
 المعنی اولماسیدر.

مثلاً: «آتش» لفظی، مینانه مزده زبانزد اولمشدر. عربیسی  
 اولان «نار» لفظی دخی مستعملدر. اما اصل ترکیجسی اولان «اود»  
 لفظی مهجور اولمغه آنده غرابت وارد. شمدی استانبولده «اود»  
 دینلسه اکثر ناس آکلاماز.

کذلك لسان عربیده: «اجتناب» وَ «تجنب» بر معنایه کلور ایسه ده  
 لسانمزده «اجتناب» لفظی، مأنوس الاستعمال اولوب «تجنب» لفظی  
 زبانزد دکلدرد.

کذلك آینه نك اصل ترکیسی اولان «کورکی» لفظی، مهجوردر.  
 عربجه: آینه یه «مرآت» وَ «سجنجل» دنیلور. لسانمزده ایسه  
 «مرآت» لفظی مستعملدر. «سجنجل» لفظی ایسه لغات غریبه دندر،  
 ﴿لَا إِلَهَ إِلَّا اللَّهُ﴾ عبارة شریفه نك اصل ترکیجسی: «یوقدر  
 طابه حق چالابدرا نحق» عباره سیدر. ترکیجه «چالاب» لفظه جلاله نك  
 ترکیجه سیدر؛ لکن شمدی لسانمزده مستعمل دکلدرد.

قیاسه مخالفت، کله نك قواعد عثمانیه و اهل لسانك استعماله  
 مخالف اولمسیدر.

«کلدك» یرنده: «کلدق»، «یازدق» یرنده: «یازدك»، «ادبزلک»

یرنده: «ادبسنزلق»، «اویغونسزلق» یرنده: «اویغونسزلک»، «بندک» یرنده: «بندکیت»، «یازمه‌ماز» یرنده: «یازمه‌بیلز» «تحریرات وارده» یرنده: «تحریرات موروده»، «اهالی ساکنه» یرنده: «اهالی مسکونه»، «مطبوعات موقوته» یرنده: «مطبوعات موقته» دینلک کبی که «برالسام» یرنده: غلط اوله‌رق «بریه‌السام» یازمغه باشلان‌دینی ائشاده بویله بر چوق غلطلر، اوراق رسیمه‌ده کورلمکه باشلامشدر.

«منضم اولدی» دنیله‌جک یرده: «انضمام ایتدی»، «منقضى اولدی» دنیله‌جک یرده: «انقضا ایتدی» دینلک دخی بوقبیل‌دندر؛ چونکه انفعال بابی، دائماً لزوم و مطاوعت ایچوندر. بناءً علیه «اولق» ماده- سیله ترکیب ایدر. «ایتمک»، «ایتک»، «ایلیق»، «ایلیق»، ماده‌لریله ترکیب ایتیز. مکرکه مجازاً بر بشقه معناده مستعمل اوله. نته کم: «انکسار» لفظی، بددعا معناسنده مستعمل اولدینی خالده، «انکسار ایتدی»- دینلور. اما قیرلیق معناسنه اولدینی خالده «منکسر اولدی» دینلور. «انکسار ایتدی» دینلر.

کلامک فصاحتی، اجزاسی اولان کلمه‌لر فصیح اولغله برابر تنافر کلامدن، ضعف تألیفدن و تعقیددن سالم اولمیسدر. تنافر کلمات، بعض کلماتک اتصالاتندن لسانه ثقلت کلمکدر. مثلاً: «چوق کاسه یلسر آنک نان خوارخوان نعمتیدر» عباره‌سنده‌کی کلمه‌لر هپ لسانمزه مأنوس الاستعمال ایکن بریره کلدیکلرنده، زیاده تنافر حس اولنه‌یور.

«آشچی آتش پشمشی» عباره‌سی، «اللی لیرا» ترکیبی، و:

میلن اول سرورواتک سوی اعیاره کوروب  
 المش مشیاش زبان حال ایله ایهام صو  
 بیتنک مصراع نایسی دخی بوقیلدندر. بومثلو تنافر الفاظه بین-  
 الشعرا مذموم ایسهده بعضاً هجو و تزئیف مقامنده استعمال ایدر.  
 نته کیم: [سروری]ء بویولده:  
 قاره قوری قاری آلدی نعمان  
 تاریخنی سونلشدر.

علمای عربیه دن بعضیلریء کلامک فصاحتنده علی الاطلاق تتابع  
 اضافتدن سالم اولسنی شرط ایتمشلردر. بعضلریء «تتابع اضافات»  
 اکثریا تنافری ایجاب ایله فصاحتی اخلاص ایدر» دیمشلردر. لسا-  
 نمزده تتابع اضافاتک فصاحتی محل اولدینی درکاردر.  
 تتابع اضافاتء اوچدن زیاده کله لک متوالیاً بر برینه مضاف  
 قلمسیدر. «فلانک قوناغنک قبوسنک کلیدی» کی که درت کله یکدیگره  
 مضاف قلنهرق اوچ اضافت متوالی اولمغلهء فصاحتیه خلل کلشدر.  
 [فضولی] آنک «حدیقه السعدا» ده:

ایکارانجمء تاب نظاره مصائب خواتین حرامسرای نبوتء کتوره میوب  
 پردهء حجاب کیردی.

عباره سنده: آتی کله بر برینه مضاف قلنمغلهء فصاحتدن دوشمشدر.  
 ضعف تألیفء کلامک ترکیبی قواعد عثمانیه و بین الادبا مرعی  
 اولان اصوله مغایر اولمقدر.

چونکه انسانک لسانیء قلبک ترجانیدر. عرض و مرمانی افاده  
 ایچونء مناسب کوردیکی عبارهلری ذهنتده فصل تصویر ایدرایسهء

الفاظی دخی اکا کوره ترکیب و ترتیب ایلر. ایشته قواعد لسانه  
الفاظک بو وجهله تراکیبی بیلدیرر. قاعدة تقدیم اولنه جق  
کله لرك تأخیری و تأخیر اولنه جق کله لرك تقدیمی ایله کلامک سبکنه  
خلل کلور؛ زیرا الفاظک ترکیبی، معاینک ترتیب ذهنیسنه مخالف  
دوشر. بوجهتله عباره، ریک اولور. نه کیم: «پازاره کیتدم» دنیله  
جک یرده: «کیتدم پازاره» دینلک کی که متعلقات فعلک تقدیمی،  
قاعده لسانمز اقتضاسندن ایکن، بوراده مفعول الیه، تأخیر اولنمشدر.  
[نهالستان ترکیبی] دیباجه سنده کی: «خامه حمامه موزون ترانه  
دلکش اواز معرفت پرداز» عباره سنده، مشبهک مشبه به مضاف  
قیلمسی، قاعده به مخالفدر؛ زیرا لسانمزده مشبه بهک مشبه اضافتی  
شایع اولوب اما عکسی، معروف دکلدر. بناء علیه بو عباره، فصاحتدن  
عاریدر. و اگر «حمامه موزون ترانه دلکش آواز خامه معرفت  
پرداز» دنیله قاعده لسانه موافق اولور.

کذلک [شفیق نامه] نک «سلطان هفت اقلیم زرین دیهم آفتاب»  
عباره سی دخی ریکلدر؛ چونکه «زرین دیهم» ترکیبی، سلطانک صفتی  
اولدینی حالده، آره لرینه سلطانک مضاف الیه گیرمشدر؛ حالبوکه  
«سلطان زرین دیهم هفت اقلیم اولان آفتاب» دینلسیدی، عباره  
رکا کتدن سالم اولوردی.

[ضیا پاشا] نک: «دلربار بویله دامنکش دکلدی بزمدن» هر کچه  
عاشق آرارلر ماهرولر و ارایدی، بیتنده «آرارلر» کله سی، ماهرولرک  
صفتی ایکن جمع لسانی، قاعده لسان عثمانیه مخالفدر.



«درمیان ایتمک»، «درپیش ایتلک» یرنده: «درمیان ایله»، «درپیش ایله» و «رخصت کامله» یرنده: «رخصت کامل» دیتلک و «لاجل الفروخت» عباره سنده اولدینی کی کله فارسیه اوزرینه لام تعریف کتورمک دخی ضعف تألیف قیلندندر.

[تصویر افکار] غزه سنک: «پرتو ذکا نوع بشرک باشه قونش» «برنورانی همدارکه سایه سعادتت تعمیم ایدم جک واسطه بولماز؛ الّا که لزومی قدر نهال مطبوع الاندامی حکمنده اولان صحائف مطبوعه نك وسعت وانتشاریدر. شهبال دکل او بر برات اقبالدرکه قنی ملته مقارن اولسه رفته رفته ظلم جهالتک زنجیر اسارتندن آزادینه حجت اولور» مقاله سنده کی «اندام» کله سی، فارسی اولدینی حالده اوزرینه لام تعریف کتورلسی، فصاحتی اخلاص ایتمشدر. «آزادینه حجت اولور» ترکیبی دخی «درمیان ایله» قیلندندر.

بروجه بالا متعلقات فعلک تأثیری سنک عباره یه خلل کتورمکله کلام مشورده جائز اولماز ایسه ده اشعارده جائز و شایعدر.

چونکه شعرای روم اوزان فارسیه یی استعمال ایتدکلی کی قواعد فارسیه یه توفیقاً اشعارده فعلک فاعلی و متعلقاتی اوزرینه تقدیمی دخی تجویز ایتمشدر. نه کیم:

شهد راحت کسب ایدر تدبیر منزل ایلان  
آلدی ارباب حکم بو عبرتی زنبوردن

ییتنک مصرع اوئسده: «کسب ایدر» فعلنک فاعلی، تأخیر و مصرع ثانیسده: «آلدی» فعلی، کندی فاعلی و مفعوللری اوزرینه تقدیم اولمشدر.

۱۰ اشعار عثمانیه بومثللو تقدیم و تاخیر لر، کثیر و شایعدر؛ فقط موجب تعقید اولور ایسه نثرده جائز اولدینی کی شعرده دخی تجویز اولنماز.

تعقید، ایکی قسمدر. بری: تعقید لفظیدر، که بوجه بالا عبارتک سبکنده واقع اولان خللدن ناشی کلامک معنای مراده دلالتی ظاهر اولما مقدر.

«سنی کوردکده پک زیاده ممنون اولیورم» دنیله جک یرده «پک زیاده سنی کوردکده ممنون اولیورم» دینلک کی، که «زیاده» لفظی، «ممنون اولیورم» فعلنک قیدی اولدینی حالده آنک یاننده کتورلیوبده متعلق اولان «کوردکده» جمله سنک اوست طرفه کچورلمکله کلام، معقد اولمشدر.

تلخ ایدر آدمک ایله مذاق عیشتن  
باده نوش ایله بوکون ایله فکر فردا

بیتندن شاعرك مرادی، «باده نوش ایله بوکون ایله فکر فردا» که فکر فردا آدمک مذاق عیشتی تلخ ایدر» دیمکدر. حالبوکه «تلخ ایدر» فعلی بیتک اولنده و «فکر فردا» ایله فعلندن صکره آخرنده بولنمغله کلامنده «تعقید لفظی» واردور.

فهم اقدینک:

شرایدر دیهرک صوندی یا که ساقی جام  
حواس خمس ایله حس اولندی باده تمام

ییتی دخی بو قییلندر، که شراب اچیلور ایکن طعم و رایحه سی طویلور. رنگی کورینور و قدح اله آلدنقدده صانکه حس لمس دخی

حصه دار ایدلش اولور. یالکز حس سیم محروم قالور ساقی «شرابدر»  
 دیجک اودخی حصه سنی آلور. بوحالده باده، حواس خمسہ ایلہ حسن  
 اولنمش اولور. لکن بومعانی افاده ایچون «قدحی المہ آلدیم و شرابی  
 کورہ رک و رایجہ سنی طویہ رق ایچدم» دیمک لازم کلور. یوخسہ  
 بوجملہ لر ہب محذوف اولدینی حالده یالکز «شرابدر دیہ رک» سوزندن  
 بومعنا لرہ انتقالده صعوبت اولدیندن کلامک معقد اولدینی درکاردر.  
 تعقید معنوی، بحسب اللغہ منفہم اولان معادن، متکلمک مرادی  
 اولان معنایہ، یعنی: معنای حقیقیدن، معنای مجازی یہ، یا معنای کنائی یہ  
 ذہن سامعک انتقالده واقع اولان خللدن ناشی کلامک معنای  
 مقصودہ دلالتی ظاہر اولما مقدر.

درکہ لطفکہ کلیم زیرا  
 سنی ہر دم کورہ بیلک دیلم

ییتندہ اولدینی کی کہ جانانک درکاهنہ کلک، اورادہ بولنامنی اقتضا  
 ایتدیکنہ مبنی، کلکی نفیدن دائماً اورادہ بولنق معناسی مراد اولنمشدر؛  
 یعنی: «سنک درکاهکدن آیرلم؛ زیرا استرم کہ دائماً سنی کورہ بیلیم»  
 دیمک اولور؛ لکن اورایہ کلکی نفی ایتمکدن اورادہ بولنامنی نفی  
 ایتمک، یعنی: «داًماً اورادہ بولنق» معناسنہ انتقال ایتمک، بک بعیددر.  
 کذلک:

المشکن و صلاک اقرار ایلہ اسحاقہ کرم  
 واری اول لطفی مجال انکارہ اللہ عشقنہ

ییتندہ دخی وصلی اقراردن، آتی وعد ایتمک معناسی مراد اولنمشدر؛  
 چونکہ بر حق اقرار ایدن کیسہ، ضمناً آنک ایفاسنی وعد ایتمش

دیو آدعا اولته بیلور؛ لکن ذهنک بومغنایه انتقالنده صعوبت واردر؛  
چونکه «اقرار» ثقلی، «چکمشده برحاک و قوعنی اعتراف» دیمک  
اولوب «آتیده ایفاسنی وعد» یرنده قوللانماز. وَکذلک :

صبحاه قاله شمعز یوسف آسا اولمه دامنکش  
بزم انکشتزدن دستمز ای ماه کوتهدیز

یتندن شاعرک مرادی، «بز عاجرز. بزدن بیهوده دامنکش اجتناب  
اوله» دیمکدر. چونکه صباحه قارشو مومک اوست طرفی یانمش  
اولور وَ دبی قیسه قالورکه شاعر آنی دسته وَ اول حالده اوزانان  
فتیلنی دخی انکشته تشیه وَ دستک قیسه لغنی عجزدن کنایه ایتمشدر؛  
لکن بونده پک زیاده تعقید واردر. تنافر حروف وَ کلمات، ذوق  
وَ حس ایله بیلنور. غرابت ایسه، علم لغته، قیاسه مخالفت، فن صرفه،  
ضعف تألیف ایله تعقید لفظی، فن نحوه عائددر. خارجه تعقید  
معنوی قالب آکا دخی علم بیان متکفل اولور؛ چونکه تعقید معنوی،  
معانی مجازیهِ وَ کنایه ده بولنور. بونلر ایسه علم بیان ایله بیلنور. ✕  
متکلمک فصاحتی، برملکه درکه آنکله متکلم، کندو مقصدینی  
الفاظ فصیحه ایله افادهیه مقتدر اولور.

متکلم فصیح، ابتدا کلمات فصیحیهی تحرّی وَ انتخاب ایله. ثانیاً  
هرکلهی، مشاکل وَ مناسبی اولان کله ایله مزج وَ ترکیب ایدر؛ چونکه  
کله لر، ذاتاً فصیح اولمدیغنی حالده حسن ترکیب ایله کلامه فصاحت  
کیز. متناسب اولیان کله لر، ذاتاً فصیح اولسه لر بيله یان یانه کتو-  
رلدکری تقدیرده بربرندن متنافر اولورلر. بوايه «تنافر کلمات»

دیمک اولہرق کلامک فصاحتی اخلال ایدر وکله لر تقدر متناسب  
اولورلر ایسه کلامک سلاستی، اوقدر زیادہ اولور .  
سلاست، کلامک لسان اوزرہ سہولت ایلہ جریان ایدیشیدر .

(بیت لمحررہ)

پیور مجلس انہ ای مست ناز  
فی ومی میہا کجان دنلواز

کجی .

مرحوم فہیم اقدینک :

علی الصباح جهان خلقی کار وبارہ کیدر  
بلاکشان مجتہدہ کوی یارہ کیدر

بیٹی دخی سلیسدر؛ فقط «کوی یارہ کیدر» عبارہ سندہ ایکی یاء متحرکہ  
بربرینہ مقارن اولسہ دہا سلیس اولوردی .  
بعض ادبای عربیہ نک بیانہ کورہ، کلمات فصیحہ، ایکی قسمہ منقسمدر  
وہر قسمک موقع مناسبی واردر .

قسم اول، «الفاظ جزلہ» یعنی: قالین و آغر لفظلردر، «جلادت»،  
«خطابت»، «قضا»، «اقتضا»، «تیغ غدر» کجی .

قسم ثانی، «الفاظ رقیقہ» یعنی: لطیف، خوش، نازک و ملایم  
لفظلردر . «زلف سمنوی»، «سروناز»، «ماہ سیما» کجی .

الفاظک قولاغہ طوقونسی، اشخاصک کوزہ کورنسی کیدر .  
شوہلہ کہ: الفاظ جزلہ، وقور و مہیب اشخاص کجی تحیل قلنور . حرب  
و ضرب و تقریع و تہدید کجی مقابلرہ یاقیشور . الفاظ رقیقہ، مزاجی  
لطیف و مشربی ملایم اشخاص کی تحیل اولنور و تغزل، تلطیف،

جلب مودت و استعطافه دائر اولان کلامره یاقیشور. بناء علی ذلك،  
فصحادن بعضیلرینک الفاظی، سلاحلرینی طاقمش، حربه حاضرلش  
انسانه بکزر. بعضیلرینک الفاظی، کوزل کیمش، انواع حلی طاقمش  
نساء حسانه بکزر. اولکی صنفدن اولنلر، الفاظ جزله استعماله  
مألوف اولوب اویولده کسب ملکه و سائر تفوق و تقدّم ایدنلر دیمک  
اوله رق، متین قصیده لر سویلرلر؛ لکن غزل طرزنده کلاملری،  
اوقدر اعلی اولماز. صنف ثانیدن اولنلر، الفاظ رقیقه استعماله  
مأنوس اولوب اویولده کسب ملکه و تقدّم ایدنلر دیمک اوله رق،  
لطیف غزللر سویلرلر؛ لکن متانجه کلاملری، اول مرتبه اعلی اولماز.  
قرآن کریم ایسه ایکی یولده دخی فصیحایی عاجز قیلشد. زیرا  
الفاظ جزله و رقیقه دن هربری، مقامیله متناسب اوله رق مستعملدر.  
مثلاً: «یوم قیامت» و «عذاب جهنم» کی شدت مقامنده، الفاظ جزله  
و رحمت، مغفرت، لطف و تسلیت مقامنده، الفاظ رقیقه وارد  
اوله رق، اولکی صورتده اولان آیات کریمه، غایت متین و ایکنجی  
صورتده اولان آیات کریمه، غایت لطیفدر.

کلام متین، اول کلامدرکه الفاظ جزله دن ترکیب ایدر. و ترکیبی  
مفرغ اولور، یعنی: قالیدن دوکمه کی، کله لر بربرینه طبیعی مربوط  
کورینور؛ دوکوک صاحیق اولماز. نفعتینک:

دکدر کهکشان جلاد قهری تیغ عدلیله  
چالوب چاک ایلدی فرق سرچرخ ستمکاری

بیتی کی.

کلام لطیف . اول کلامدرکه الفاظ رقیقه‌دن ترکیب ایدر . وطبعه  
انبساط ویره‌جک معانی متضمن اولور . فغانیک :  
شمیم کاکن آلمش نسیم کلشنده  
دیمشکه سنبله‌سنده امانت اولسون بو  
بیتی کی .

سلاست ، بعضاً متانت ایله و بعضاً لطافت ایله مجتمع اولور . ننه‌کیم :  
فهم افدینک :

کثرت حرص وامل خاطر پیرانده در  
مارو مورک یومسی خانه ویرانده در

بیتی هم سلیس و همده متیندر . و آگاهک :  
نه شیشه‌یم نه سبوی میم نه آینه  
دوشری سنک ملامتدن احتراز بکا

بیتی ، هم سلیس و همده لطیفدر .

سلاست و جزالت ، یارقت و متانت ، یا لطافت حسبیه کلامک  
درجات مختلفه‌سی واردرکه حس و ذوق ایله بیلنور .

قرآن کریمک اصل اعجازی ، اگرچه معنای اعتباریه‌در ؛ لکن  
الفاظ قرآنی ، درجه قصوای فصاحتده اولوب سلاست و متانت  
و یا لطافتی اعتباریه دخی فصاحت<sup>صفا</sup> عربی بی عاجز قلمشدر . X

کلامک بلاغتی ، مقتضای حاله مطابقتدر . یعنی : مقامه مناسب  
اولان وجهله تصویر و ترتیب اولنمیسدر ، فقط فصاحتی دخی شرطدر .  
فصاحت بولنمیان کلامده ، بلاغت دخی بولنمز .

ادیب اولان کیسه ، شاعر اولسون ، منشی اولسون ، قیوجی به

بکزر؛ نصل که قیو محی، حلیاتدن برشی یابه جق اولدینی حالده اولا :  
 درر وجواهری سچر، ثانیاً : آنلرک متناسب اوللرینی یان یانه دیزر  
 ایسه ادیب دخی کلمات فصیحی سچر و آنلری یکدیگرندن متنافر  
 اولیه جق وجهله دیزر. ایشته آنک بوا یکی ایشی، فصاحت دیمکدر؛  
 فقط قیو مجنک بروطفه سی دها واردرکه یابه جفی شینک نره یه طاقیله -  
 جقتی بیلوبده آکا کوره ایشلسیدر. یوخسه کردلک بچمندره بریوک  
 کوبه یاپار ایسه ایشه یاراماز. ایشه بوامر نالک دخی مقتضای حاله  
 مطابقک مثالیدر .

بوراده حالدن مراده، حاصل معنای افاده ایله برابر برخصوصیتی  
 اعتباره سبب اولان شیدر. که آکا «مقام» دخی دینور. کلامک اولیه  
 بروجه مخصوص اوزره ایراد اولتمسندن مقصود اولان اغراضه :  
 «معانی» توانی و ترکیبک مجموع مدلولاتنه : «معانی» اول «دنیلور» .  
 مثلاً : برخواجه، چوجققره عقاید دینه تعلیم ایدرکن «انسان  
 اولدکن صکره دیریله جکدر» دیر و بوخصوصده چوجققره خالی  
 الذهن اولدققرندن کلامی تأکید دیریله محتاج اولیوب بویله اطلاقی اوزره  
 براغوز؛ اما آخرتی منکر اولان کیسه یه خطاب ایده جک اولدینی  
 تقدیرده : «انسان اولدکن صکره البته دیریله جکدر» دیو کلامنی  
 تأکید ایلر. بوصورتده «الته» قیدی، اصل معنی اوزرینه زائد  
 برخصوصیتدر و مجموع عبارته نالک مدلولی، معانی اولدندر و مخاطبک  
 انکارینی رد ایتیک، معانی توانیدندر؛ که کلامک مؤکد اوله رق  
 ایرادندن غرض اودر و مخاطبک انکاری، مقام تأکیددر؛ یعنی :



کلامک تا کیدینه سبب اولان بر خالدر و کلام مؤگده بوخال و مقامک مقتضاسیدر.

کذلك، مخاطبك فطانت و غیاوتی بر خالدر، که هر بری کلامک بوجه مخصوص اوزره ایراد اولنمی اقتضایدر. شویله که: فطین اولان کیمسه به بر طاقم دقیق و نکتهلو سوزلر سویلنورکه غی به سویلنمی مناسب اولماز. هر برینه مناسی وجهله سوز سویلک، مقتضای حاللیدر. [کلوا الناس علی قدر عقولهم] حدیث شریفی، بودقیقه به اشارتدر.

شهریلر ایله قرویلری دخی خطابده بووجهله فرق و تمیز ایتک و هر برینه، درجه فهم و ادراکری قدر سوز سویلک لازم کلور. کذلك سوزی بعضاً ایجاز، بعضاً اطناب ایتک دخی بر حال و مقامک مقتضاسیدر.

متکلمک بلاغتی، برملکه در که متکلم، آنکله تألیف کلام بلیغه مقتدر اولور.

کلامک حدّ ذاتنده حسنی و عندالبغا مقبولیتی، مقتضای حاله مطابقتی حسیه در. مقتضای حاله مطابقت و مصادفهی تقدیر اتم اولور ایسه او مرتبه بلیغ و اعلی اولور. حسن و مقبولیتده انحطاط درجه سی دخی بو خصوصده اولان نقصانی ایله متناسبدر. مقتضای حاله مطابق اولیان کلام ایسه، عندالبغا «اصوات حیوانات» قییلندن عد اولنور.

علمای عربیه نیک بیان ایتدکری وجهله بلاغتک ایکی اوجی

وارد در. بری: اے آشانی درجہ سیدر کہ آنک مادونی، بلاغتن عاری  
 دیمک اوله رق، عندالبغا اصوات حیواناته ملحق اولور. دیکری:  
 اے اعلا درجہ سیدر کہ قابل تنظیر اولیان. درجہ سی دیمک اوله رق،  
 قرآن کریمه مخصوصدر. الفاظک سلاستی و جزالت یا رقتی دخی  
 موجب فضیلت و مقبولیت اوله رق، بوجه بالا امر اعجازی مؤید اولور  
 ایسه ده قرآنک اصل اعجازی بو خواص معنویه ایله در. ایسته بویکی  
 اوجک آره سنده بلاغتک درجات متفاوتہ سی وارد در. بعضاً بر مضعونی  
 برقاج شاعر، یا منشی بیان ایتدکلرنده، کوریلور کہ یکدیگره درجہ  
 درجہ تفوق ایدرلر، بو درجہ لر، کلامک مقتضای حاله مطابقتی  
 حسبیلہ تعین ایدر؛ چونکہ اشخاص فصل کہ صور مخصوصه لر یله  
 مشخص و متمیز اولور ایسه کلاملر دخی خواصیلہ متمیز و ممتاز اولورلر.  
 کلامک خاصیتی ایسه معانی اولی، فہمندہ معانی ثوانی یه انتقال  
 اولته بیلہ جک صورتده تصویر و الفاظی دخی آکا کوره ترتیب  
 ایتمکدر. بودخی کلامی، مقتضای حاله تطبیق دیمکدر.  
 کلامک مقتضای حاله کیفیت تطبیق، «فن معانی» ایله بیلنور.  
 دیمک اولور کہ اصل بلاغتی بیلدیرن، فن معانیدر؛ فقط کلامده  
 تشبیہ، مجاز و کنایه بولنور ایسه آنلرک دخی حقیقه ایراد اولنمسی  
 لازم اولور؛ بو ایسه «فن بیان» ایله معلوم اولور.  
 چونکہ طرق ادای مراده اوجدر. حقیقت، مجاز، کنایه در.  
 حقیقت، موضوع لهنده مستعمل اولان لفظدر. مجاز، موضوع  
 لہی اولان معنائک اراده سی جائز اولیبوب دیگر مضاده مستعمل

اولان لفظدر. کنایه، اول لفظدرکه موضوع لهی اولان معنای  
اراده‌سنه برمانع اولمدینی حالده، آندن دیگر معنی اراده اولتور.

ساده‌جه و دوزجه حقیقت وجهله مقتضای حاله مطابق اوله‌رق  
ایراد اولسان کلام، بلیغ اولور؛ فن بیانیه تعلق ایدر جهتی اولماز.  
اما بعض مختلات ایله کلامی زنکین ایتک ایچون بعض تشبیها  
کتوریلور ایسه قواعد بیانیه توفیق لازم کلور. تشبیهاده نیجه  
لطائف و نکت بیانیه بولتور و تشبیه، برنوع کنایه قیلندن عد  
اولتور. مثلاً: «فلانک یوزی بدر کیدر» دینلده، اگرچه بومو-  
ضوع لهنده مستعمل ایسه ده مفهوم وضعی مراد اولیوب بلکه  
«یوزی پک کوزل و غایت لطیف» معنای اراده اولتور. کنایات  
و مجازات ایسه هب بومثللو نکت و لطائفه مبتنیدر.

الحاصل معنای حقیقیدن بشقه برمعنا اراده اولندینی حالده کیفیت  
دلائلک اصوله رعایت اولتحق لازم اولوب بو دخی «فن بیان» ایله  
یلتور.

فن بیانجه، معنای حقیقه، «معنای اول» و تشبیه، کنایه و مجازات  
ایله ازاده اولتان معنای «معنای توانی» عد اولتور. بناء علی ذلك،  
بعض علمای عربیه، بلاغتی: «متکلم تأدیة معناده خواص ترا کبک  
حقنی ایفا و انواع تشبیه، مجاز و کنایه بی حقیقه ایراد ایده بیله جک  
حدّه بالغ اولسیدر» دیو تعریف ایشدر.

تفصیلات سابقه دن آکلاشلدی که فصاحت ایله بلاغت ییتنده  
عموم و خصوص مطلق واردر. هر بلیغ فصیحدر، اما هر فصیح بلیغ

اولسی لازم کتر. نیجه فصیح آدملر وازدرکه سوزی مقتضای حاله تطبیق ایتیوب زائد، ناقص و صددن خارج سوزلر سویلدکری جهته آنلره بلیغ دئیلر.

بروجه مشروح، کلامک حسن ذاتیسی، بلاغیدر. و ارتفاع شان و اعتباری بلاغتی حسینله در. سمیع و جناس کی صنایع بدیعه دخی ترینات قیلندن اولوب کلام بلیغه، «حسن عارضی» کتورر؛ اما حسن ذاتیسی، یعنی: بلاغتی اولمیان کلامی، صنایع بدیعه ایله ترین ایتک، برچرکینه حلی کرانها طابق کیدر.

اسلاف ادباء، بلاغته زیاده اعتنا ایدوب صنایع بدیعه یه پک اوقدر اعتنا ایتمز لردی. متأخرین، بونلره زیاده اهمیت ویردی. صکره لری بلاغته قوت و مهارت آزالدجه صنایع بدیعه یه لزومندن زیاده اعتنا ایدیلور اولدی. اشعار و منشآت، هپ طائسز طوزسز صنایع بدیعه ایله طولدی. بوکا سبب دخی ادبامزک میدان بلاغته راجل اولمایدرکه قصورلرینی ستر ایچون کلاملرینی ترینات بدیعه یه بوغارلر. بو بچاره لره ظن ایدرلرکه صنایع بدیعه تقدیر چوق اولور ایسه کلام او قدر کوزل اولور. ادبا ایسه دیمشلدردرکه: «صنایع بدیعه، یوزده کی بنلر کیدر؛ براییکی اولور ایسه کلامه حسن ویرر. چوق اولور ایسه قبیح اولور.»

برده، لفظ، معنایه تابع اولق لازم کلور ایکن، نیجه منشیلر، عکسنی التزام ایله سمیع بولق ایچون تکلیف و معنایی، محسنات لفظیه فدا ایدرک بلاغت کلامه خلل کتوررلر.

قالدی که کلام مسجع، شعر کبی خیالی و مصنوع حکایات و اخوانیات، یعنی: اخوان و یاران آرمسندہ تعاطی اولان مراسلاته یا قیشور؛ اما علوم و فنونه دائر اولان کتب و رسائل، فرمانلر، عمومہ خطابا یازیلان اوامر سلطانیه و سایر محررات رسمیه، صکوک شرعیه و قانونیه، هب ترسیل یولنده یازمیلیدر.

چونکه علوم و فنونه دائر اولان کتب و رسائلده مقصد، آنجق مسائلی اک واضح یولده تعلیم و تفهیم اولدیغدن بونلرده ترینات لفظه یا قشماز. و سجع، برنوع تکلف دیمک اولدیغدن علو جناب سلطنت آندن ابا ایدر. صکوکده ایسه قواعد شرعیه و قانونیه نك مقتضاسی نه ایسه آنی عینله یازمق لازم کلور. زیاده و نقصان قبول ایتمز. بو دخی کلام مسجعه الویرمز. بناءً علی ذلک بونلرده سجع مکروهدر؛ مکرکه طبیعتله بر سجع دوشمش اوله. منشیان و کتابمز ایسه بروقتدنبرو شاهراه بلاغتی اونوتدیلر. محررات رسمیهده هب طریق تسجیمی التزام ایتمدیلر. بناءً علیه سلطانیات ایله اخوانیاتک اصول سبک عبارتله لر، بربرندن تفریق ایدلمز اولدی. بو سجع مراقی، محکمه لره دخی سرایت ایدوب بوجهتله نیجه حجج شرعیه نك اصول صکی بوزولدی. ایشته بو حاللر، لسانمژک بلاغجه کپرو قالمسنه سبب اولمشدر.



## ❦ لاحتقه ❦

کلام، بر نسبت تامه به دلالت ایدن جمله در: شویله که: بر حال وصف  
بر شیئه نسبت اولنور و مخاطب آندن فائده تامه حاصل ایدوب  
آنک اوزرینه سکوت ایتک صحیح اولور. ایسته اونسته اسناد  
و طرفیندن برنجیسته، «مسند الیه» ایکنجیسته، «مسند» دنیلور.

کلامک مدلولی اولان اشونستک خارجه مطابق، یا غیر مطابق  
اوله جنی بر نسبت واریسه اول کلامه: «خبر» و «جمله خبریه» دنیلور.  
مثلا: «خواجه افندی مکتبه در» کلامی بر خبر در که خواجه،  
فی الواقع مکتبه ایسه بو کلامک مدلولی اولان نسبت خبریه، آکا  
مطابق اولور، دکل ایسه مطابق اولماز. اگر او یله بر نسبت خارجه  
بولماز ایسه «انشاء» و «جمله انشائی» دنیلور.

مثلا: «کلسون»، «کلسیدی» کی طلب و تمنی فعللرینک مدلوللری  
اولان نسبتدن قطع نظر ایله خارجه بشقه بر نسبت یوقدر. صیغ  
عقددن اولان «آلدم» «صاتم» فعللری دخی انشاء اولوب اگر چه  
بونلرک مدلولی اولان نسبتلردن بشقه خارجه دخی نسبتلر وار  
ایسه ده بو نسبت خارجه لر، اول صیغه لر ایله ایجاد اولنور؛ یوخسه  
آنلرک مدلوللری اولان نسبتلرک مطابق اولوب اولیه جنی نسبت  
خارجه دکلردر. اما «دون فلان مالی صاتم» ذیلدکه دون واقع  
اولان عقد بیعی حکایه دیمک اوله رق «خبر» اولور و دون او یله  
بر عقد بیع واقع اولمش ایسه بو خبرک مدلولی اولان نسبت، آکا

مطابق وَا کَر واقع اولامش ایسه غیر مطابق اولور.  
کذلک «صانارم»، یا «صاتیورم» ویا خود «صاته جغم» صیغه لرئ،  
اخبار اولمغله بونلرک مضمونی اولان نسبت ذهینه دن بشقه زمان  
حالدہ، یامستقبلہ بر عقد بیع بولنق لازمکلور.

«نسبت خبریه» کہ برشی واقعدر، یا خود واقع دکلدر، یعنی: «برشی  
دیگر شیئہ ثابتدر.» یا خود «ثابت دکلدر» دیمکدر. بونسبت، اگر  
نسبت خارجیہ یہ مطابق ایسه «صادق»، دکل ایسه «کاذب» دنیلور.  
بناءً علیہ «خبر»، صدق وکذب محتمل اولان کلامدر» دیو تعریف  
اولنور.

«نسبت خبریه نك ایکی جهتی که وقوع ولا وقوعدر. اگر عقل  
بوجهتلردن برینی ترجیحاً تصدیق ایلر ایسه «یقین» تسیمه اولنور.  
و خبر، اگر ظنی مفید اولور ایسه، «قضیه ظنیہ» و یقینی مفید اولور  
ایسه، «قضیه یقینیہ» دنیلور.

قضیه ظنیہ، قرائن و اماراتدن مأخوذ اولان قضیه در، که عقل  
آنی ظن غالبه مبنی حکم ایلر ایسه ده تقیضی دخی تجویز ایلر. بوجهتله  
ظنیاتک جمله سی نظریدر. اما قضیه یقینیہ، یا «بدیهیه» ویا خود  
«نظریه» در.

نظریه، عقلک بر دلیل ایله تصدیق ایلدیکی قضیه در، که دلیلک  
مقدماتی هب یقیناتدن ایسه «یقینیہ» والا «ظنیہ» در. مثلاً: کیجه  
قراکلقدہ طولاشان بر شخص حقندہ: «بو آدم خرسزدر؛ زیرا کیجه  
قراکلقدہ طولاشیور. بویله قراکلقدہ طولاشان کیسه خرسزدر.»

دنیلدکده عقل، اول شخصک خرسز اولدیفنه حکم ایلر ایسه ده  
تقیضنی دخی تجویز ایلر؛ چونکه قراقلقده طولاشمی بر سبب  
فوق العاده یه مبنی اولوق دخی عقلاً محتملدر. بوجهتله دلیل «ظنی»  
اولغله اول قضیه دخی «ظنی» در.

اما «برمثلک اوج زاویه سی، ایکی قائمه یه مساویدر» قضیه نظریه -  
سینی اثبات ایدن برهان هندسینک مقدماتی هب یقیناتدن اولغله  
بو «قضیه نظریه» دخی «قضیه یقینه» در. «قضیه بدیهه»، دلیل ایله اثباته  
محتاج اولقسزین عقلک جزماً حکم و تصدیق ایلدیکی قضیه در، که  
ایکی قسمه منقسمدر. بری: «بدیهه عقلیه»، دیگر ی: «بدیهه حسیه» در.  
بدیهه عقلیه، اول قضیه در که عقل، آنک تصدیقده خارجه دانشماز  
و حواسک توسط واعانه سنه محتاج اولمز؛ بلکه مجرد موضوع و محمولی  
تصور ایلدیجک، بنلرنده کی نسبت حکمی یی جزماً تصدیق ایدیوروز.  
بونلره: «علوم متعارفه» دنیلور.

مثلاً: «کل، جزئندن یوکدر»، «کل، مجموع اجزاسنه مساویدر»،  
«برمقداره مساوی اولان مقدارلر، متساویدر»، «دائر، مربع  
دکدر»، «بر، ایکینک یاریسیدر»، «بر، اوج دکدر»، «اوج، بر اوله مز»،  
«برشی، کندندن بشقه برشی اوله مز» قضیه لری کی.  
قدما، بدیهیات عقلیه یی ایکی قسمه یعنی: «اولیات» و «فطریات» ه  
تقسیم ایدرلر. شویله که: «اولیات»، اول قضیه لر در که مجرد طرفینی  
«تصور ایله عقل، آنلرک بیننده کی نسبت حکمی یی جزماً تصدیق  
ایلر. بالاده مذکور اولان علوم متعارفه کی. «فطریات»، اول



«قضیہ لردرکہ عقل، آنلرک طرفینی تصوّر ایدرکن ذہندہ حاضر  
«اولان برحد وسط واسطہ سیلہ نسبت حکمیہ بی جزماً تصدیق ایلر.  
«درت، چقتدر» قضیہ سی کی، کہ «درت» و «چفت» مفہوملرینی  
«تصوّر ایدن کیسہ، متساوینہ منقسم اولمق مفہومنی دخی برابر  
«تصوّر ایدر. و «درت، متساوینہ منقسمدر» و «متساوینہ منقسم  
«اولان ہرشی، چقتدر.» دیو ذہندہ طبیعی ترتب و تشکّل ایدن  
«قیاس خفی ایلہ دردک چفت اولدیغہ حکم ایدر» دیرلر.

حالبوکہ «بر» ایکینک یاریسیدر» قضیہ سندہ دخی اویلہ برحد وسط  
بولنور. «بونی، اولیّیدن و آنی، فطریّاتدن عد ایلک، تحکمدر.» دیو  
اعتراض وارد اولور؛ فقط مثالده مناقشہ اولماز. مرام، آنجق ایضاح  
مادہ در. بو «قیاس خفی» ایسہ بونده آندن دھا واضح صورتده ذہنہ  
لاچ اولور. بناء علیہ «بو، اولیّاتہ و او، فطریّاتہ مثال کتورلمشدر،  
دنیلہ بیلور. بو بحثی نظر تدقیقندن کچوردیکمزده کوررزکہ دیگر  
بدیہیات سابقہ دہ دخی بویلہ برر «قیاس خفی» بولنور. مثلاً: «اجتماع  
نقیضین، محالدر» دیدیکمزده نقیضلر مجتمع اولسہ «برشی، کندندن  
بشقہ برشی اولمق و بوتقدیرجہ دخی برشی، ہم وارہ ہم یوق اولمق  
لازم کلور» دیو ذہندہ طبیعی قیاس خفیلر تشکّل ایدر. بونلرہ  
«تنبیہ» دنیلور کہ حقیقت حالده قیاس و دلیل اولیوب بلکه دلیلہ  
بکزر برطاقم ایضاحاتدن عبارتدرلر.

چونکہ علوم متعارفہ، برطاقم بدیہیات متداخلہ درکہ یکدیگری  
ایضاح ایلر و جملہ سی، بر «بدیہیہ اساسیہ» یہ طیانورکہ «برشی، ہم

واقع، ہم غیر واقع اولہماز» یعنی: ہم وار، ہم یوق اولہماز قضیہ بدیہہ سیدر.

بو بدیہہ اساسیہ دن بش «بدیہہ عمومیہ» تولد ایدرکہ «واقع، واقعدر» و «غیر واقع غیر واقعدر» و «واقع اولان، غیر واقع دکلدر» و «غیر واقع اولان، واقع دکلدر» قضیہ لرلہ «برشی، یا واقعدر، یا غیر واقعدر» قضیہ سیدر. «واقع، واقعدر» «وار ایسہ واردر.» «غیر واقع، غیر واقعدر» «یوق ایسہ یوقدر» دیمک اولہرق بو ایکسی موجبہ لک مرجعیدر.

«واقع اولان، غیر واقع دکلدر» «وار ایسہ یوق اولہماز» و «غیر واقع اولان، واقع دکلدر» «یوق ایسہ وار اولہماز» دیمک اولہرق، بو ایکسی دخی سالبہ لک مرجعیدر.

«برشی، یا واقعدر، یا غیر واقعدر» «واردر. یا یوقدر» دیمک اولہرق، ہم صیادق، ہم کاذب بر قضیہ نک ممکن الوجود اولدیغی افادہ ایلر و شرطیات منفصلہ یہ مرجع اولور.

بناءً علی ذلك، سالف الذکر «بدیہہ اساسیہ»، بالجملة علوم متعارفہ نک معیاری «دیمک اولور. ایشته «اولیات» دینک شایان، آتجق بو «بدیہہ اساسیہ» ایله آندن تولد ایدن «بدیہات عمومیہ» خمسہ در. دیگر «بدیہات عقلیہ» ده، درجه درجه دلیله بکزر تنبیہلر بولنور.

اما «بدیہات حسیہ»، مشاهدات، حدسیات، مجربات و متواتراتدر. «مشاهدات»، اول قضیہ لر دزکہ مجرد حس ایله جزماً تصدیق اولنور.

«آتش، یاقچدر» «قار، صوغوقدر» «تیمور، یوشاق دکلدر» قضیه لری گی.

«حدسیات»، اول قضیه لر در که بعض مشاهدات اوزرینه حدس ایله دفعه، یعنی: سنوحات قیلندن اوله رق ذهنده حاصل اولان قیاس خفی واسطه سیله عقل آنلری جزماً تصدیق ایلر. «قرک ضیاسی، کونشدن مستفاددر» قضیه سی کی که قرک، کونشه نسبتله اوضاعی تبدل ایتدجه تشکلات نورانیه سنک اختلافی مشاهده اولنه جق. «اگر قرک نوری، کونشدن منعکس و مستفاد اولسه، اوضاعی تبدل ایتدجه تشکلات نورانیه سی مختلف اولمز ایدی» دیو دفعه قلبه سنوح ایدن قیاس خفی واسطه سیله عقل، اول قضیه یی جزماً تصدیق ایلر.

«مجربات»، اول قضیه لر در که تکرر مشاهده ایله عقل، آنلری جزماً تصدیق ایلر. «مغزیا، مسهلدر» قضیه سی کی. که لدی التجربه هر نه زمان مغزیا ایچلسه، اسهال ایلدیکی کوریلنجه، عقل، آنک «مسهل» اولدیغی جزماً تصدیق ایدر.

متواترات، اول قضیه لر در که آنلری کذب اوزرینه اتفاقلری عقلاً محال اولان جم غفیر خبر ویرمکه جزماً تصدیق اولنورلر. [مکه] و [بغداد] ی کورمدن، موجود اولدقلری تصدیق ایتک کی. «بدیهیات عقلیه» ده حکم، آنحق موجود ذهنی و مفروض اوزرینه اولوب موجود خارجی و محقق اوزرینه دکلدر. مثلاً: «دائرة، مربع دکلدر» دید بکمزده، دائرة نك خارجه موجود اولوب

اولماسی آرانموب، دائرہ موجود اولسون اولسون، موجود اولدینی تقدیرده «مربع دکدر» دیمک اولور. بناءً علیہ بدیهیات عقلیہ ده محمولک موضوع ایله اتحادی، یاخود عدم اتحادی، عقلاً ضروریدر. نقیضلری، محال عقلیدر.

اما «بدیهیات حسیه» ده حکم، موجود خارجی اوزرینه اولوب محمولک موضوعه ثبوتی بویله ضروری دکدر. عقلاً استثنا قبول ایدہ بیلور؛ کیتلری ملاحظه کوتورر. بوجهتله نقیضلری، محال عایددر؛ چونکه مشاهداتده غلط و خطا احتمالی وارددر. مثلاً: پر پارچه سی صو ایچنده بولنان دگنک، قیریق کبی کورینور. بو ایسه غلط حس بصردر. بناءً علی ذلك مشاهداتده، نظره اولایه آلدانموب حقیقت حالی تحرری و تحقیق ائلك لازم کلور. حالبوکه بالذات مشاهد اولان شیلرده بویله غلط و خطا احتمالی اولنجیه، تجربه واسطه سیله مشاهداتدن مأخوذ و منتزع اولان قضایای کلیه بی کافه احتمالات عقلیه دن قورنارمق مشکلددر. مثلاً: مغزیانک مسهل اولدینی مجزوم ایکن، بعض موانع حیولتیه حکمی تخلف ایتمک، عقلاً ممکندر.

براهین حسابیه و هندسیه، هب علوم متعارفیه مستند اولوب بدیهیات حسیه ایله مخلوط اولماز. بناءً علیہ پرکار ایله مساحه ایدرک بر مسئله نك اثباتی قبول اولماز؛ زیرا پرکارک عمل واستعمالنده عقلاً غلط و خطا احتمالی وارددر. بوجهتله مسائل حسابیه و هندسیه، اصلاً محل شبهه و تردد اوله ماز.

اما «حکمت طبیعیہ» برهانلری، «بدیهیات خارجیہ» ایله مخلوطدر.

بو جہتلہ آنلر، «براہین ہندسیہ» قوتندہ دکلر در۔  
 بعض «قضایای نظریہ» وارد در کہ آنلری جملہ ناس، یا خود بر  
 طائفہ تصدیق و اعتراف ایتمکله اثباتہ محتاج اولمازلر۔ بونلرہ:  
 «مشہورات» دنیلور۔ «عدل، حسندر»، «ظلم، قیجدر»، «فقراہ  
 بافق، لازمدر» قضیہ لری کبی کہ بونلرہ جملہ ناس بینندہ مشہور در۔  
 «حیوان بوغازلق قیجدر» قضیہ سی کبی کہ ہندلولر بینندہ معروف در۔  
 بعضاً شہرت بر مرتبہ وارر، کہ علوم متعارفہ ملتبس و مشتبه  
 اولور۔ وینلری شو و جہلہ فرق اولنور کہ انسان، کندوسنی عقلنک  
 خارجندہ اولان جمیع امور دن خالی فرض ایتدکدہ، مجرد عقلیہ  
 علوم متعارفہ بی قطعاً تصدیق ایلر؛ اما مشہوراتی بو و جہلہ تصدیق  
 ایلر۔ بو قضیہ لرک شہرتی؛ مصلحت عامہ، یا خود مرؤت انسانہ  
 منیدر؛ یا خود عادات و آداب و شرایع مقضاسیدر۔ بو جہتلہ  
 جو غی مقبولانہ داخل اولور۔

«مقبولات»، انبیاء عظام و اعزّہ کرام کبی بیوک ذاتلر دن مروی  
 اولان کلاملر در۔

ہر نہ و جہلہ اولور ایسہ اولسون، مخاطبک اعتراف کردہ سی  
 اولان قضیہ لرہ: «مسلمات» دنیلور۔ متکلمک کرک مصدق اولسون،  
 کرک اولسون۔

«مخیلات» دنیلور بر طاقم قضیہ لر دخی وارد در کہ کاذب اولدقلری  
 معلوم ایکن مجرد ترغیب یا تنفیر ایچون استعمال اولنورلر۔ «بادہ،  
 یا قوت سیالہ در»، «بال، برنوع قوصحو قدر»، قضیہ لری کبی۔

بونلردن بشقہ بردہ: «وہمیات» دنیلور قضیہ لر واردر کہ قوۃ و اہمہ نک عقلیاتدہ، محسوساتہ قیاساً اختراع ایلدیکی قضایای کاذبہ در۔  
 نتہ کیم: ہر جسمک مکانی اولادیغہ قیاساً: «ہر موجودک مکانی واردر»  
 دیو حکم ایتسی کبی۔ بردلیک ایرادندن غرض، تحصیل یقین ایسہ  
 ہب «مقدمات یقینیہ» دن ترکیب اولنور و «برہان» تسمیہ قنور۔  
 برہانلر، ہب یقینی مفید اولور؛ فقط بروجہ بالا: «بدیہیات  
 خارجیہ» ایلہ مخلوط اولنلردن ایسہ، «براہین ہندسیہ» کبی ہب  
 بدیہیات عقلیہ یہ مستند اولنلر دہا اقوا واجلادر۔ و غرض، اگر  
 مجرد مخاطبی اسکات و براہینی ادراکدن عاجز اولنلری اقناع ایسہ،  
 «جدل» تسمیہ اولنور۔ بوندہ نفس الامر ملتزم اولیوب مقدمہ لرینک  
 عندالمخاطب مسلم اولسی کافیدر۔ بناءً علیہ «دلیل جدلی»، مشہورات  
 و مسلماندن ترکیب اولنور۔ بونلرک ایچندہ «مقدمات یقینیہ» بولنسہ  
 بیلہ، مجرد مخاطبک عندندہ مسلم اولدیغی جہتلہ قوللانیلور۔ آخرہ  
 تعدی ایدن کسنہ یی، «ظلم، قبحدر» دیواقناع ایتک؛ و حضرت عیسیٰ  
 (علیہ السلام) ک باباسز اولدیغی انکار واستبعاد ایدن بریہودی یی،  
 حضرت آدم (علیہ السلام) ک ہم باباسز، ہم آناسز اولدیغی بیانیہ  
 اسکات ایتک کبی۔

و غرض اگر ناسہ وعظ و نصیحت ایسہ، «خطابہ» دنیلور۔  
 و مقبولات و ظنیاتدن مرکب اولور۔ واعظ و خطیبلرک نطقلری کبی۔  
 خطابتک، ناسہ حسن تأثیری اولوق حبیبیلہ فوائد عظیمہ سی واردر۔  
 و غرض، اگر قوۃ نطقیہ ایلہ ترغیب، یا تنفیر یولندہ مخاطبک

دھندہ بر تائثر حاصل ایتک ایسہ، مخیلاتدن ترکیب اولنور. واهل منطق اصطلاحجه: «شعر» دنیلور؛ کړك منظوم اولسون، كړك منشور اولسون. اما علمای عربیہ اصطلاحجه، شعرک، موزون و مقفا اولسی لازمدر. موزون و مقفا اولدینی خالدہ مخیل اولسه بیلہ «شعر» دنیلوب «نثر» دنیلور. بویلہ مخیلاتدن مرکب اولان نثر لردہ، اکثریا سبع و جناس کبی «صنایع بدیعیہ» یه رعایت اولنور. وھیاته کلنجہ: متکلم، اکر بونلری عن اعتقاد در میان ایلر ایسہ، آنلردن مرکب اولان دلیلہ، «سفسطہ» دنیلور. واکر مجرد مخاطبی تغلیط ایچون سویلر ایسہ، آنلردن مرکب اولان دلیلہ، «مغالطہ» دنیلور. بوبخثرہ، «علم منطق» مسائلندن اولغلہ تفصیلی ایستیانلرہ، «معیار سداد» نام رسالہ مزہ مراجعت ایلسون.

مغالطہ، مذمومدر. سفسطہ ایسہ، «جهل مرکب» دیمک اولدینی جهتلہ آندن تخلیص نفس ایتک چارہ سنہ باقلیدر. مخیلات، تشبیہ، مجاز و کنایہ قیلندن اولغلہ «علم بیان» ه عائد مسائلدندر.

خطابه نك، ناسه حسن تأثیر حاصل ایتسی ایچون هر فقره سنك مقتضای حالہ تطبیقی الزمدر. واکثریا «ترسیل» یولندہ ایراد اولنوب «سبع» التزام اولنماز.

جلدہ، یقینات آرا نماز. برهاندہ، ظنیات قبول اولنماز؛ بلکه مجشك ایجابنه کوره یقیناتک نوعنه دخی دقت اولنحق لازم کلور. مثلاً: «حکمت طبیعیہ» دلیللرنده، «بدیہیات حسیہ» یه استناد اولنور.

اما «براهین ہندسیہ» نك، كافۃ علوم متعارفہ مستند اولسی لازمدر. «برهان ہندسی» ایله بر مسئله اثبات اولنہ جق یرده «پرکار» ایله اثباتہ چیشیلور ایسه صددن چیشلش اولور.


چوق دفعه دلیللك بعض مقدماتی طی اولنور. بو دخی «فن معانی» نك ایجاز بحثنه دائر اولان مسائلدندر.

«علم منطق»، مجرد افكارك میزانی اولمق حسبيله علوم لسانیہ دن دكلدر. اما «علم بلاغت»، مزایای كلامك کیفیت افاده سندن، طرق اداسندن و كلام بلیغك وجوه تحسینندن باحث اولمقله، علوم لسانیہ دندر. دیباجه ده اشعار اولندینی اوزره بو رساله، اوچ بابہ منقسمدر.

باب اول: كلامك مفتضای حاله تطبیق کیفیتنی بیلدیرر.

باب ثانی: «تشبیہ» «مجاز» و «کنایه» دن بحث ایدر.

باب ثالث: «صنایع بدیعیه» بی تعریف ایلر.





# بَلَاءُ عَمَّانِيَّةٍ

## باب اول

كلامك مقتضای حاله مطابقی مقدمه اولوب بر مقدمه ایچری فصلی مستمدر

### ﴿مقدمه﴾

ترکیب، ایکی قسمدر. قسم اول: «ترکیب ناقص» و قسم ثانی: «ترکیب تام» در.

ترکیب ناقص، نسبت ترکیبیه یی مفید اولان ترکیبدر. نته کیم: «کوله رک کلان افندینک اوشاغی» عباره سنده کی «حال ترکیبی» و «ترکیب وصفی» و «ترکیب اضافی» کی.

ترکیب تام، نسبت تامه یی، یعنی: اسنادی مفید اولان ترکیبدر که بالاده بیان اولدینی اوزره «کلام» تسیمه اولنور. و آکا «جمله» دخی دنیلور.

فقط «جمله» ایله «کلام» بیننده عموم و خصوص مطلق وارددر. شویله که: ترکیبک متضمن اولدینی اسناد، اگر مقصود بالذات ایسه ایکسی مجتمع اولور. دکل ایسه یالکز «جمله» دنیلور، «کلام» دنیلز. مثلاً: «عدالت کوزلدن» ترکیبی، هم کلام، هم جمله در. اما

[فضولی] نك :

«او ماهیلر که دریا ایچره در، دریایی ییلزلر»

مصراع، ایکی جمله‌نی متضمن بر کلامدر. و مقصود بالذات اولان اسناد، آنجق «بیلز» فعلنک «ماهیلز» ه اسنادیدر. و «دریا ایچر مدر» جمله‌سی، ماهیلرک صفی اوله رق اسنادی مقصود بالذات اولمادیغندن آکا «کلام» دنیلز.

کذلک: «فلان اقدی، جمله احکام عدلیه او قور ایکن چوق چالیشوردی» ترکیبی، ایکی جمله دن مرکب بر کلامدر. و مقصود بالذات، آنجق «چالشق» فعلنک مسند الیه اسنادی اولوب «جمله او قور ایکن» ترکیبی، بر «جمله حالیه» اوله رق اسنادی، مقصود بالذات دکلدر.

بعضاً جمله لر، مفرد ایله ماول و مفرد لر کی نسبت تقييديه یی مفید اولور. «صیغه صله» کی.

کلامک اجزاسی، «عمده» و «فضله» دیو ایکی قسمه تقسیم اولتور. «مسندالیه» ایله «مسند»، «عمده» در. آنلرک «مضاف الیه» و «صفت» کی قیدلری ایله، «متمات جمله» دخی «فضله» در.

کلامک متضمن اولدینی اسناد دخی - بالاده بیان اولدینی اوزره - «خبر» و «انشاء» قسملرینه منقسمدر. کله لر یکدیگری اوزرینه عطف اولدینی کی جمله لر دخی بعضاً عطف ایله یکدیگری نه وصل و بعضاً یکدیگرندن فصل اولتور. و لکته سوز، بعضاً اوزون و بعضاً قیصه سويلتور.

ایشته بو موادک هربری، ان شا الله تعالی بشقه بشقه فصللرده بیان اولنه جقدر.

## ﴿فصل اول﴾

احوال مسند الیه بیانده در.

مسند الیه، کلامک برنجی رکنیدر. برقاعده، مسند اوزرینه  
تقدیم اولنور. بعضاً «قصر» معناسی افاده ایچون تأخیر قیلنور.  
نته کیم: «اودر بوکا سبب» دنیلور که «سبب آنجی اودر» دیمک  
اولور و بعضاً وزن و قافیه ایچون تأخیر ایدیلور.

مصراع لمحرره:

«یا قشماز اهل کمال و وقاره فرط مزاح» کبی

بعضاً دخی قرینه ظاهره یه منی، مسند الیهک ذکر ی عبث کور یله رک،  
حذف اولنور.

نته کیم: «فلان آدم نصلدر» دیو سؤال اولتدقده، مسند الیه حذف  
اولتهرق «ایدر» دیو جواب ویریلور.

بعضاً مسند الیهک استخی مخاطبک بشقه سندن کتم ایتک، یا خود  
لدی الحاجه انکاره بحال اولمق کبی بر نکته یه منی حذف اولنور.  
نته کیم: بر مجلسده حضاردن بری، بر ذاتک ورودینه منتظر اولان  
کیسه یه: «کلدی» دیر؛ سائر حضاردن کتم ایتک ایچون مسند الیهی  
ذکر ایتمز.

کذلک بر مجلسده موضوع بحث اولان بر کمنه حقده حضاردن  
بری، «فاسق و فاجر در» دیوب لدی الحاجه «بنم مرادم او دکل  
ایدی، بشقه سی ایدی» دیه بیلک ایچون مسند الیهی ذکر ایتمز.

کذلک آوجیلردن بزی، بر آهو کوردکده: «بو آهودر؛ صید ایدیکز» دیه جک یرده ضیق وقت حسیله مسند الیهی حذف ایدرک «آهودر» دیر.

مسند الیه، بر فعلک فاعلی اولوبده ذکر ی استنلیدیکی حالده، «معلوم» صیغه سی، «مجهول» صیغه سنه تبدیل اولنور.

نته کیم: «حیدودلر صلب اولندی» دنیلور؛ چونکه مقصد اصلی، حیدودلرک دفع مضرقتی اولدیغندن صلب ایدنلرک ذکرینه حاجت کورلیوب مجهول صیغه سیله ایراد اولنور.

بعضاده قرینه پک ظاهر اولدینی حالده، مسند الیه تعظیم و یا اسمیه تبرک، یا خود تلذذکی بر نکته یه مبنی ذکر ی التزام اولنور. مثلاً: «یاوز سلطان سلیم کیمدر؟» دنیلدکده: «یاوز سلطان سلیم، برنجی خلیفه عثمانیدر» دنیلور. و «عبدالقاهر جرجانی کیمدر؟» دنیلدکده: «عبدالقاهر جرجانی، علم بلاغتک امامیدر» دنیلور.

کذلک مجالس مصاحبت احباده متکلم، اکثریا سوزی اوزاتمق ایستکله مسند الیهک ذکرینی التزام ایلر.

کذلک بر شخصک استنطاقده - برامری آتیده انکاره مجال قلامق اوزره - سوزینی تسجیل ایچون مسند الیهک ذکر ی التزام اولنور.

ضمیر فعلی و نسبیلر، مسند الیه دلالت ایتدکلرندن، متکلم و مخاطب صورتلرنده اکثریا مسند الیه ذکر اولغاز. نته کیم: «کلدم» و «کلورسک» دنیلور.

بیت لمحرره :

بی وجودم چون نگاه اما یرم وار دیده ده  
سایه بخت سیاه آلتنده بولدم رفعتی

دخی بوقبیلندرکه «بن بی وجودم» و: «بن بولدم» دیمکدر.

بعضاً مسند الیهک شاننه اعتنا و اهتمام ایچون ذکر ی التزام

اولنور. نته کیم: «ایشته بن کلدیم» و: «ایشته سن بویله یاپارسین»

بیت لمحرره :

دنیلور.

سن کتور باری ستانبولدن حوادث ای صبا  
جامه کار ایتدی؛ زیرا خار زار انتظار

دخی بوقبیلندر.

مسند الیهده اصل اولان، معرفه اولمقدرد. نته کیم: «فلان افندی»،

یاخود: «او افندی کلدی» دنیلور.

بعضاً نکره اولور. و بر وجهله تخصیص اولنور. نته کیم: «بو

کون براقندی کلدی»، یاخود: «سوز آ کلار بر آدم کلیور» و یاخود

«بر محکمه محضری کلش» دنیلور.

بعضاً ادات تعریف و تنکیردن عاری بر اسم عام اولور. «انسان،

غافلدر» دنیلدیکی کی.

بعضاً بر اسمک بعض افرادینه دلالت، یاخود کافه افرادی

احاطه و استغراق ایچون اولته ادات سور کتوریلور. نته کیم: «بعض

ناس، ناکس اولور» دنیلدیکی کی.

استغراق، ایکی قسمدر. «حقیقی» و «عرفی» در. استغراق حقیقی،

لفظک بحسب اللغه شامل اولدینی جمیع افرادی احاطه در. «هرکس

کندی فائده سنی آزار «قضیه سنده اولدینی کبی . استعراق عرفی، بحسب العرف لفظدن منفهم اولان افرادی احاطه در . نته کیم :  
«هر قیوجی بوالماسی کوردی» دنیلورکه : «بلده مز قیوجیلرینک هر بری کوردی» دیمک اولور.

ضمیر لر، اسم اشارت لر ایله عللر یعنی : اسم خاصلر، هپ معرفه در .  
وَ اسم عامک اولنه «او» کتوریلور ایسه «معرفه» وَ «بر» کتو-  
ریلور ایسه «نکره» اولور . مثلاً : «اوشی» وَ «اودات» معرفه، وَ «برشی» «برذات» نکره در .

بعضاً «او» یرینه «معهود» لفظی کتوریلور . «معهود خواننده»  
کبی که «سَنک بیلدیکک خواننده» دیمک اولور . وَ اسم عام، معرفه یه  
اضافله «معرفه» اولور . وَ نکره یه اضافه ایله «تخصیص» اولنور .  
مثلاً : «فلان اقدینک خزینه داری»، معرفه، وَ «بر اقدینک خزینه-  
داری»، «نکره» مخصّصه در .

تعریف وَ تنکیرک اسبابنه کلنجه : مسند الیهک ضمیر اوله رق ایراد  
اولنسی، مقامک، تکلم، یا خطاب، وَ یا غیبت موقعی اولسنه مبندر .  
شویله که : مفرد متکلم ایسه، «بن» جمع متکلم ایسه، «بز» وَ مفرد  
مخاطب ایسه، «سن» جمع مخاطب ایسه، «سز» دنیلور .

اما غائب صورتنده : ضمیر غائب، یا اسم اشارت، وَ یا خود اسم  
خاص، وَ یا اسم عام کتوریلور .

ضمیر غائب، آنجق ذکر ی سبق ابتدیی تقدیرجه ایراد اولنور .  
ننه کیم : اولجه اسمی سولنمش اولان کیسه حقنده «او» دنیلور .

وَ اسم اشارت اوله رق ایراد اولنسی، حاضر و مشاهد اولدینی تقدیر جه در.

بودخی آنی اکمل وجه اوزره تمیز ایچوندر. نته کیم: محکمه ده حاضر اولان مدعی و مدعا به اشارت ایله «شو مال، بو آدمکدر» دیو شهادت اولتور.

بعضاً تعظیم، یا تحقیر و یا ترسم ایچون اولور. نته کیم: تعظیم مقامنده: «فلان محاربه بی، ایشته بو قوماندان قازاندی.» دنیلور. تحقیر مقامنده: «شوحریقمی بزمه بحث ایده جک؟» دنیلور. ترسم مقامنده: «بو بیچاره لر نلر چکدی» دنیلور.

بعضاً مسند الیه، متکلم ایله مخاطب بیننده معلوم اولدیغندن «او» دیو تعریف اولتور. نته کیم: ورودینه انتظار اولنان بر آدم حقنده: «او آدم کلدی» دنیلور. بونده دخی تعظیم، تبرک، تحقیر کی معنار قصد اولتور. نته کیم: «او ذات»، یا خود «او ذات شریف کلدی» و یا خود «او حریف کلیور» دنیلور.

مسند الیهک علیتله تعریفی: یعنی: اسم خاص اوله رق ایراد اولنسی، آنی دفعه بعینه یعنی: جمع مشخصاتیه سامعک ذهنته کتور یویرمک ایچوندر.

مدح و ذمی مشعر اولان لقب لردن، بعضاً مدح و ذم دخی قصد اولتور. نته کیم: «ابوالخیر افندی، خیری سور بر ذاتدر» و «قره چلی غداردر» دنیلور.

وَ اضافتی، بر وجه بالا تعریف، یا تخصیص ایچوندر. و بعضاً

تعظیمی، یا تحقیری مشعر اولور. «فلان پاشانک اوغلی» و «محلّه بکچیسنک اوغلی» کی. بعضاً دخی مجرد «تشریف» ایچون اولور. «بیت الله» کی. قاعده ترکیه اوزره مضاف الیه، دائماً مضاف اوزرینه تقدیم اولنور؛ فقط بعضاً وزن ایچون تأخیر قیلنور:

آیاغندن بو بزمک ال چکوب دور اولماز یکدر

مصرعنده اولدینی کی.

اما مسند الیه تنکیری، وحدت ایچوندر. «برکشی کلیور» دنیلیدی کی.

بعضاً تفخیم، یا تصغیری مشعر اولور. نته کیم: «آکا بر حال اولدی» دنیلور که «بیوک حال اولدی» دیمک اولور. «آنک برسوزی، سنی احیا ایدر» دنیلور و «چوک سوزی» اراده اولنور.

سیاق نفیده «تکره»، عمومی افاده ایدر. مثلاً: «جیمده برپاره یوقدر» جمله سی، «قضیه سالبه کلیه» در. و بعضاً مؤکد اوله رق «هیچ بر» دنیلور.

چونکه کلامده: مسندک، مسند الیه ثبوتندن فضله هر نه درلو قید بولنور ایسه، مناط حکم و غرض اصلی او در. بوجهته نفی دخی قیده توجیه ایدر. بناءً علیه «هرکس کندو فائده سنی آرار» جمله سی، «قضیه موجه کلیه» اولدینی حالده «هرکس ناکس دکلدیر» جمله سی، رفع ایجاب کلی قیلندن اوله رق «قضیه سالبه جزئی» در.

تعریف و تنکیردن عاری اولان اسم عامدن، بعضاً ماهیت مجرد



قصد اولنور. «طول عرض، و عمقی اولان شیر» دیو تعریف اولنان مفهوم جسم کی.

و بعضاً افراد مطلقه ضمنده تحقیق مراد اولور. نته کیم: «انسان بر، ایچر» دنیلدیکی کی.

و بعضاً قرینه حالیه ایله «فرد معین» قصد اولنور. نته کیم: اوشاغنی بر محله کوندروبد و رودینه منتظر اولان اقدی: «اوشاق کلدی» دنیلده «او اوشاق کلدی» دیمک اولور. ینه بوقیلدن اوله رق بر اقدی، خدمتکارینه: «چانطه یی کتور» دیوبده بیلرنده معلوم و معین اولان چانطه یی مراد ایلر. شویله که: چانطه اگر میدانده ایسه «شو چانطه یی کتور» دیمش اولور و اگر بشقه محله ایسه «معهود چانطه یی کتور» دیمش اولور.

مسند الیهک توصیفی، بعضاً مجرد تخصیص ایچون اولور. «شاهد عادل» «بیوک چانطه» «اوزون بویلی آدم» «توتونچی احمد اقدی» ترکیبلی کی.

و بعضاً مجرد کشف و ایضاح معنی ایچون اولور. «طول، عرض و عمقی اولان جسم» دنیلدیکی کی.

و بعضاً وصفدن، مدح، یا ذم و یا ترسم قصد اولنور. «درایتلو ذات» «جاهل حریف» «بیچاره آدم» کی.

صفت، ایکی نوعدر. نوع اول: وصف ذاتی یعنی: موصوفک کندی صفتیدر. آنف الذکر مثالدرده اولدینی کی.

بو مقامده بعضاً «ضمیر وصفی» قولانیلور. «اوده کی بازار، چارشویه اویماز» مثلنده اولدینی کی.

و بعضاً دخی « فرع فعل » قوللانیلور. « مکتوبی یازان » « یازیلان مکتوب » « ولی التعم » ترکیبلی و « روزکارک اوکنه دوشیمان آدم، یوریلور » مصرعنده کی « دوشیمان آدم » ترکیبی کی .

نوع ثانی: وصف سبیدر. یعنی: موصوفک کندی صفی اولیوب بلکه بر صفت اعتباریه در. بودخی ایکی صنفدر. صنف اول: بر شبئی مضافک وصفیه توصیف ایتکدر. « یوزی قاره اولان کیمسه » ترکیبی کی که قاره، یوزک وصف ذاتیسی اولوب آنک سبیلله صاحبی دخی توصیف اولنور. « صاحی اوزون » « اخلاقی کوزل » ترکیبلی دخی بو قیلنددر. بو مقامده فرع فعلدر دخی قوللانیلور. « صاحی قیرقلش » « قویروغی کسک » « مقطوع الذنب » « ستوده صفات » « ممدوح الشیم » صفتلری کی . « طالعی یار اولانک یار صارار یاره سنی » مصرعی دخی بو قیلنددر.

صنف ثانی: فاعلی، متعلقات فعلدن برینک وصفیه توصیف ایتکدر. ایشته بو مقامده « صیغه صله » استعمال اولنور. « بیلدیکم ذات » « عطیه ویردیکم اقدی » « اوروج طوتدیغمز وقت » ترکیبلی کی.

بیت لمحرره :

تجلی خانه خولاده قالدی جودتا آنجی  
باقوب مرأت رخسارینه حیران اولدیم برلر

دخی بو قیلنددر.

ذکر اولسان اوچ صورتده دخی صفتلر، بعضاً جمله اوله رق فارسیدن مأخوذ اولان « که » اداتیه موصوفه ربط اولنور.

نته کیم: «اوماهیلرکه دریا ایچره در دریایی بیلزلر» مصرعنده  
 «دریا ایچره در» ترکیبی، «آنلر دریا ایچره در» دیمک اوله رق، ماهیلرک  
 وصف ذاتیسی اولان برجه اولوب «که» ایله ربط اولنشد. و بو  
 جمله وصفیه نك معناسی، «دریاده کی ماهیلر» یاخود «دریاده اولان  
 ماهیلر» دینلکله دخی ادا اولنه بیلور. و «شهر شهر استانبول که  
 هواسی فوق العاده لطیفدر؛ اهایسی اونستنده ذکی و ظریفدر»  
 دیدیکمزده: «هواسی لطیف اولان استانبول اهایسی ظریفدر»  
 دیمک اوله رق وصف سبینک صنف اولندن اولور.

«شهر شیرین استانبول که آتی ابتدا ۱۲۵۵ سنه سی اوائلنده  
 کوردیم؛ الله دها زیاده شن و آبادان ایلسون؛ چوق صفاسنی سوردم»  
 دیدیکمزده «ابتدا فلان تاریخده کوردیکم استانبولک چوق صفاسنی  
 سوردم» دیمک اوله رق، وصف سبینک صنف نائیندن اولور.  
 طویل الذیل اولان صفتلر، اکثریا بو اسلوب اوزره ترکیب  
 اولنهرق: «که» اداتیه موصوفلرینه ربط اولنور.

نته کیم: [ترکیسی] نك «پادشاهلرکه وجود بهودلری، جود مصور  
 و همیشه کار و کردارلری، بذل زروسیم و ایثار تحف و کهردر؛ عند  
 التحقيق سکان هفت اقلیمک جمیع اعمار صدساله لرنده بذل و نثار  
 ایتدکلری مجموع اموال، تحت نشینان سلطنتک بر لحظه ده کهر فیره  
 ایثار ایتدکلری اندک عطیه لرینه برابر اولیوب فی نفس الامر آثار  
 حسان احسان، اول سعادتیناهیلرک لازمه شان سماحت نشانلری  
 اولدیفندن آه» فقره سی، وصف سبینک صنف اولندندر.

وینه [ترکیسی] ناک

شهر خوش آب و هوا یعنی استانبول که اگر  
طرحی کورسه بهشتی اونودردی آدم

محط رحال قرار و بهانه ملازمتله چند روز منزلکه کار بارمن اولدقه  
آه فقره سنده کی «خوش آب و هوا» صفتی، وصف سبینک صنف  
اولدن و «که» اداتیه ربط اولنان «جمله» شرطیه، وصف سبینک  
صنف نایسنددر.

ترکیب وصفیله، بر وجه بالا تعریف و تنکیردن عاری اوله رق  
ایراد اولندقلری کی بعضاً دخی ادات تنکیر و یا تعریف ایله ایراد  
اولتورلر.

شویله که: ادات تنکیر ایله ایراد اولندقلری تقدیرده، اگر فارسی  
و عربی ترکیبی ایسه، ادات تنکیر، دائماً تقدیم اولتور. «براسب  
کرانبها»، «برشاهد عادل» ترکیبلی کی.

و اگر ترکیب ایسه بعضاً ادات تنکیر کذلک تقدیم اولتور.  
«برکوزل آت» «بروسعتلو خانه» «برسودیکک ذات» ترکیبلی کی.  
و بعضاً وصفک شاننه اعتنا و اهتمام ایچون ادات تنکیر، تأخیر  
قلنور «کوزل برآت» «واسع برخانه» «سودیکک برذات» ترکیبلی  
کی.

ادات مبالغه ایله، یا خود ادات تفصیل اولان: «دها» لفظیه  
ایراد اولنان صفتلر دخی کذلک ادات تنکیر اوزرینه تقدیم اولتور.  
«یک کوزل برآت کتور» «بوندن دها کوزل برآت ویر» ترکیبلی  
کی.

وَادَات تفصیل اولان «اِک» لفظیله ایراد اولنان صفتلر، دائماً مهمل براغیلور. «آنلرک اِک کوزلی بودر» ترکیبی کبی.

«که» اداتیله ربط اولنان وصفلرده، ادات تنکیه، دائماً تقدیم اولنور. مثلاً: «برشی که» «بر ذات که» «بر کیسه که» دنیلور. اما ادات تعریف اولان «او»، هر حالده تقدیم اولنور. نته کیم: «اوشاهد عادل» «او کوزل آت» «اوسودیکک ذات» «اوشی که» «اوذات که» دنیلور.

«او» یرینه بعضاً «اول» یاخود «شول» کتوریلور. «اول شاهد عادل» «شول کوزل آت» کبی.

و بعضاً ضمیر مبهم، مسندالیه اولوب «که» اداتیله ربط اولنان بر جمله ایله توصیف و تعریف ایدیلور. «اولکه واقع الحالدر؛ حضور عالیرینه اعلام اولندی» عباره سنده اولدینی کبی. بعضاً دخی موصوف حذف اولنهرق صفی اولان فرع فعل، آنک مقامنه اقامه اولنور. بو دخی اکثریا تعمیم ایچون اولور. نته کیم: «دنیا به کلان کیدر» دنیلیرکه «هر کیم اولور ایسه اولسون» دیمک اولور.

و بعضاً مسند الیهک ذکر ی قبیج اولدینی ایچون بویله حذف ایله صفت آنک مقامنه اقامه ایدیلیر. یاخود «شی» کبی بر لفظ اعم کتیریلیر. نته کیم: «سبیلندن چیقان، نجسدر» یاخود «چیقان شی، نجسدر» دنیلیر.

مسند الیهک بر منوال مشروح فرع فعل، یا صیغه صله و یاخود جمله ایله توصیف و تعریف، اکثریا مخاطبک عندیده بشقه وجهله

معلوم اولدیغندن ناشی اولور. نته کیم: «دون فلان یرده بزه سلام ویرن کیسه، عالم و فاضل بر ذاتدر» دینیایرکه مخاطبک عندنده اول کیسه نك بشقه حالی معلوم اولدیغندن متکلم آنی اولوجهله تعریف ایلر.

و بعضاً حکمک سینی مشعر اولور. «تحصیل علم وهنر ایدن، مسعود اولور و ایتین خائب وخاسر قالیر» عباره سنده اولدینی کبی. و بعضاً بر خطایی اقرار ایچون اولور.

کندو الله یاره کسوب و بردیکم قلم  
فتوای خون نا حقمی یازدی ابتدا

یتنده اولدینی کبی.

یاخود مخاطبک خطاسنی اخطار ایچون اولور. نته کیم: «دوست صاندیغک آدم، باق سکا نلر یایدی» دینیایر.

بعضاً دخی دیگر نکته لر ملاحظه اولنور. مثلاً: «برفی بیلیان آدم، اوقندن بحث ایده بیلمی؟» دنیلایکی صره ده: «فقه بیلیان آدم، فقهدن بر کتاب یایدی یا» دنیلیر و حکم خبرک تزیینی قصد اولنور. مسند الیه بعضاً تا کید اولنور. نته کیم: «ستری یی برماهر درزینک دیکدیکنی افاده سیاقده: «بوستری یی فلان درزی دیکدی.» دنیله جک اولسه شاید که مجازا آنک شاگردی دیکمش اولوق معناسنه حمل اولنه دیو مؤکد اوله رق: «فلان درزی کندو دیکدی» دینیایر. کذلک: «فلان مکتبک طلبه سی کلدی» دنیله اکثر طلبه مراد اولوق محتمل اولدیغندن مؤکد اوله رق: «فلان مکتبک طلبه سی کافه کلدی» دنیلیر.

بعضاً دخی مسند الیه مقامنده بر لفظ کتیریلوب بعده آندن بدل اوله رق حقیقت حاله مسند الیه اولان اسم کتیریایر. نته کیم: «برادریکز علی اقدی کلدی» دینیایر که مقصد اصلی، علی اقدینک کلدیکی خبر ویرمکدن عبارت اولدینی حاله: «برادریکز لفظی، توطه اوله رق ذکر اولندقدن صکره اسم خاصی ذکر اولنمشدر. کوکلر اوغریسی بریار بی امام وار

مصرعی دخی بوقیلندیر. و بعضاً بالعکس اصل مسند الیه ذکر اولندقدن صکره آنی بیان وایضاح ایده جک بر اسم کتیریایر. نته کیم: «سودیککز فلان اقدی کلدی» دینیایر که مقصد اصلی، مخاطبک دوستی اولان بر ذاتک کلدیکی اخبار اولوب آنحیق ایضاح ایچون آلت طرفده اسمی ایراد اولنور. و بعضاً مسند الیه «یعنی» الیه تفسیر اولنور. نته کیم: «دون واپور الیه کلان مأمور یعنی: فلان اقدی ذکی بر ذاتر» دینیلیر.

مسائل سابقه کلامی هب مقتضای ظاهر حاله کوره ایراد ایلک ایچون مصرعی اولان قواعددرکه اول صورتلرده مقتضای حال الیه مقتضای ظاهر حال-مجتبع اولور. و بعضاً مقتضای حال بشقه اولغله ظاهرک مقتضاسی ترک اولنور. شویله که: بعضاً متکلمک عظمت شاننه منی، ضمیر مفرد متکلم برنده ضمیر جمع قوللانیایر. نته کیم فرمانلرده «بن، برنده، بز» دینیلیر.

و بعضاً متکلم، کندوسندن بر شخص تجرید الیه آکا یعنی: کندو کندویه خطاب ایلر. بوکا تجرید دینیلیر، [فهم] اقدینک:

خواهشك واردر قباى جاه و اقباله فهم!  
بن سنى تحقير ايجون كيدم ملامت جبه سن

بيننده اولدينى كى.

بو مقامده شعرای فارس و روم، اکثراً کندو کوکلرینی شخص  
آخر فرض ایدرك آکا خطاب ایدر لر.

بیت لمحه ره :

ندن اولدك بوقدر یأسله نالان كوكل  
بوقى عالمده سنك دردیكه درمان كوكل

كی.

تواضع، هضم نفس و مخاطبه تعظیم ايجون متکلم، کندوسندن  
براسم ایله تعبیر ایلر. نته کیم: «بنده کز» یا خود «داعیکز» و یا خود  
«بو فقیر» و یا «بو عبد عاجز» دینیلیر. و بعضاً مخاطبی تهدید ايجون  
ضمیر مفرد متکلم یرنده اسم قوللانیلیر. نته کیم: قوماندان، برعسکره:  
«قوماندان سکا بویله امر ایدر» دیوب «امر» مخالفت ایدر سهك  
قانون عسکریمجه جزا کوررسین» دیو آتی اخافه و تحذیر ایلش  
اولور.

و بعضاً تعریض ايجون خطاب مقامنده ضمیر متکلم قوللانیلیر.  
نته کیم: درسنه چالشیان برچلبی یه نازکانه نصیحت ايجون خیر خواهلرندن  
بری، «سن نيجون بویله تنبللك ایدیورسین» دینه جک یرده «بن نيجون  
بویله تنبللك ایدیورم؛ بنم حالم نه یه منجر اوله جق» دیر و آنک تقصیرینی  
کندوسنه عزو ایلر.

و اکثراً مخاطبه تعظیم و احترام ايجون ضمیر، جمع مخاطب قوللانیلور.



«سن» یرنده «سر» دنیلور. ودها زیاده تعظیم. قصد اولتور ایسه ضمیر مفرد مخاطب یرینه، بر اسم کتوریلور. «ذات عالیکز»، «افدیمز» دنیلدیکی کی.

و بعضاً قابل خطاب اولان هر کیم اولور ایسه اولسون هر یرینه فرداً فردا شامل اولمق اوتوره مفرد مخاطب ضمیری قوللانیلور. کوردک زمانه اویمادی؛ سن او ی زمانه یه مصر عنده اولدینی کی.

و بعضاً اشارت عقیده، اشارت حسیه منزله سنه تنزیل اولته رق ضمیر غائب مقامنده اسم اشارت قوللانیلور. مثلاً: «علم معانی بیلن» مقامه مناسب سوز بولور و «علم بیانده ماهر اولان» طرق مختلفه ایله ادای مرام ایده بیلور «صنایع بدیعه اوکرنلرک سوزی مزین اولور» «ایشته بونلر» فن انشاده کسب کمال ایده بیلورلر «دنیلدکده: «بونلر»» «اول اوصاف ایله موصوف اولنلر» دیمک اولور. بناءً علی ذلک، علمای عربیه، «ضمیرلر» یالکز ذاته واسم اشارتله ذات مع الوصفه دلالت ایدر» دیرلر.

و بعضاً مشارالیه بعید اولدیتندن اسم اشارت یرنده: «او» قوللانیلور و براوزاق شیئه اشارت ایله: «اوشی» دنیلور. بعضاً دخی مشارالیه قریب اولدینی حالده متکلمک مجهولی اولدینی جهتله غائب منزله سنه تنزیل قیلنور. نته کیم: «مخاطبک الله کی شیئه اشارت ایله: «اوندر» دنیلور.

و بعضاً مسند الیهک ذکر ی سبق استدیکنه نظراً ضمیر غائب ایله

تعبیر اوله جق ایکن، سامعک ذهتده زیاده تمکین و تثبیت ایمون اسمی تکرار اولنور. نته کیم: «الله تعالی عادلدر.» «الله تعالی عزیز و متقمدر» دنیلور.

الحاصل، اسلوب کلام، اوچدر: تکلم، خطاب و غیتدر. و مقام تکلمده، ضمیر متکلم، مقام خطابده، ضمیر مخاطب و مقام غیتده، ضمیر غائب یا خود اسم کتوریلور. مکرکه مقتضای ظاهرک خلافتی موجب بر نکته اوله. و بر اسلوب اوزره ایراد کلام اولنور ایکن دیگر اسلوبه انتقال اولنور ایسه «التفات» دنیلور. بودخی کلامده تفنن ایله سامعک نشاطی تازه ملک و دقت نظرنی جلب ایله آنی ایفاظ ایملک کی نکت و لطافه منی اولور.

نته کیم: «بن سزه چوق نصیحت ایتم دکلمدیکر» دیکدن صکره تکلمدن غیبه انتقال ایله: «سز بوفقیرک قدرینی صکره آکلار سکر» دنیلور.

کذلک «نه موطلو بزلزه که بویه بر پازشاه حمید الحاصلک انواع نعم و فیره سیله هر آن متنم اوله یورز و علوم و معارفک هر درلو اسباب تحصیلنی آماده بوله یورز» دنیلک کدین صکره غیتدن خطابه التفات ایله [پادشاهم چوق یشا] دنیلور.

### استطراذ

مقتضای ظاهرک خلافته ایراد کلام ایملک، مسند الیهک احواله منحصر اولیوب بعض نکات و لطافه منی دیگر موقعلرده دخی واقع اولور.

بونلردن بری: کلامی، متکلمک مرادی اولیان معنایه حمل ایتکدر.  
 نته کیم: مقام تهدیدده «باق بن سکا نلر ایده جکم» دین کیمسه یه: «لطف  
 واحسانکز مبذولدر؛ سزدن چوق غنایتلر اومارز» دنیلدکده  
 «سزه لایق اولان بودر؛ فنالق ایتک شانکز یاقشماز» دیمک اولوز.  
 سائلک سؤاله مطابق جواب ویرمیوبده حاله موافق جواب  
 ویرمک دخی بوقیلدندر. نته کیم: «صیق پرهیز اوزره بولنان خسته،  
 بادنجان ساده یاغ ایله می پیشورتملی؟ یوخسه زیت یاغیله می؟» دیو  
 سؤال ایتدکده طیبیک: «بوکون ساده صویه چوربا ایچکزده یارین  
 باقلم ات صوی ایله پشمس چوربا ایچه بیلور میسکز؟» دیو جواب  
 ویرمی کی. ینه بوقیلدن اوله رق برشینک سینی سؤال ایدن کیمسه یه،  
 فائده سنک بیانیه جواب ویریلور. نته کیم: «بلوتلردن یاغمور لرك  
 نه وجهله حاصل اولدیغی سؤال ایدن چقچی یه: «یاغمور فائده لی  
 شیدر؛ آنکله اکیلر بیور، چنلر تازه لنور» دیو جواب ویریلوب،  
 «سک حکمتدن دم اورمق نه که لازم؛ سن یاغمور دن استفاده ایتمک  
 یولی دوشون» دیمک اولوز. قلب، یعنی: کلامک اجزاسندن برینی،  
 دیکرک مقامنه قویق دخی مقتضای ظاهرک خلاقه ایراد کلام ایتک  
 قیلدندر. نته کیم: «صوی آته کوستردم» دنیه جک یرده، «آتی  
 صویه کوستردم» دنیک و یارمغمی یوزوکه کچوردم» دنیه جک یرده،  
 «یوزوکی یارمغمه کچوردم» دیمک کی.



## ﴿ فصل ثانی ﴾

احوال مسند بیانده در

مسند الیه کی مسند دخی قرینه ظاهره به منی حذف اولنور. نته کیم:  
 «بومکتوبی کیم یازدی؟» دین کیمسه به جواباً: «علی افندی» دنیلور.  
 ویازدی لفظی حذف اولنور.

بیت مؤلفه:

کذلک

خویان یروفا کی دهر دسیسه باز  
 ناز اهله نیاز ایدر اهل نیازه ناز

بیتک آخری «ناز ایدر» تقدیرنده اولوب اوست طرفنده «ایدر»  
 لفظی، عیناً مذکور اولمق قرینه سیله ایکنجی جمله دن حذف اولمشدر.  
 وبعضاً قرینه پک ظاهر اولدینی حالدیه برنکته به بناءً مسند ذکر  
 التزام اولنور. نته کیم: بر کیمسه غایت کوزل یازو یازان بر چوک  
 چوجفک یازوسنی کور ویده «بونی کیم یازدی» دیو سؤال ایتدکده  
 «بر چوجق» دیمک کافی ایکن سننه نظراً اول یازو آنک اولدیفنه  
 ایتانلیه جق مرتبه کوزل اولدیفندن تعجب ایچون «ایشته بوچوجق  
 یازدی» دنیلور.

کذا: «عالی کیم یاراتدی؟» دین کیمسه به جواباً: [الله تعالی] دیمک  
 کافی ایکن سائلک غاوتنه تلمع ایچون: «الله تعالی یاراتدی» دنیلور.  
 وکذلک «سوتی کیم دوکدی؟» دین کیمسه به: «بن» دینک جواب  
 کافی اولور ایکن: «نه یابه ییلور سین؟» مقامنده تهدید ایچون: «بن،  
 دوکدم» دنیلور.

کذلک بر کیمسه طلبه دن برینه : «درسکه چالشیمورسین» دیمکله او  
 دخی «کیم؟» دیجک : «سن» کافی ایکن توینچ ایچون : «سن چالشیمورسین»  
 دنیلیدیکی کی .

مسند، اکثریا ادات تعریفدن عاری اولور. «علی اقدی کاتبدر»  
 «حسن اقدی شاعردر» جمله لرنده اولدینی کی .  
 وبعضاً فائده اتم اولق ایچون اضافتله یاخود وصف ایله تخصیص  
 اولتور .

چونکه کلامده خصوصیت نقدر زیاده اولور ایسه فائده او قدر  
 تمام اولور .  
 نته کیم : «فلان اقدی محکمه کاتبدر» یاخود «کاتب ماهر در»  
 ویا «کتابنده مهارتی مسلم بر ذاتدر» یا «پک سودیکم بر آدمدر»  
 ویاخود : «اول ذاتدرکه دون سیر یرنده بزه سلام ویرمشیدی»  
 دنیلور .

و بعضاً ادات تنکیر ایله ایراد اولتور. بودخی وحدت ایچون  
 اولور. نته کیم : «بو قلمتراشی یاپان، بر آدمدر» دنیلور که ایکی دکلدور  
 دیمک اولور .

یاخود تفخیم ایچون اولور .

عاشقه طعن ایتک اولماز مبتلادر نیلسون  
 آدمه مهر و محبت بر بلاددر نیلسون

ییتنده کی : «بر بلا» لفظی کی که «بیوک بلا» دیمک اولور .  
 ویاخود تصغیر ایچون اولور. نته کیم : «بنی احیا ایده جک سنک

برسوز کدر «دنیلورکه» «چوک سوزک» دیمک اولور.  
و بعضاً مسند الیه کی مسند دخی معرفه اولور. شویله که: برجتهله  
معلوم اولان برشیئک اوزرینه دیگر برجتهله معلوم اولان برشی ایل  
حکم اولنور.

مثلاً: مخاطب، برافندیئک اسمی و برذاتک کیندیکنی بیلوب آتجق  
اوافندیئک، اوکیدن ذات اولدیغی بیلز ایسه «فلان افندی، اوکیدن  
ذاتدر» دنیلور. و بالعکس برذاتک کیندیکنی اوکرنوبده کیم اولدیغی  
بیلز ایسه «اوکیدن ذات، فلان افندیدر» دنیلور.

و بعضاً ادات تعریف و تنکیردن عاری اولان بر اسم، مسند الیه  
اولوب آکا بر معرفه مسند قیلنور. نته کیم: [نفی] نك:

باطل، همیشه باطل و یسوده در ولی  
مشکل بودر که صورت حقندن ظهور اید

یتنده اولدیغی کی.

مسند الیه کی مسند دخی بعضاً «کندو» لفظیله تأکید اولنور.  
نته کیم: «بوکا سبب اودر» دنیله جک یرده: «سبب کندودر» دنیلور.  
و بعضاً «عین» کله سنک اضافیله تأکید اولنور. نته کیم: «او،  
بونک عیندر» یا خود «اراده کر، عین کرامتدر» دنیلور.

بیت مؤلف

نزل، عین رفعتدر؛ انکچون صنع یزدانی  
مقام کاکلی بالای چشم عزت ایتشد

بو قییلندر.

مسند الیه جاری اولان بدل، بیان و تفسیر اصولی، مسندده

دخی جاری اولور. نته کیم: «اوکلان ذات، برادریکز علی افدیدر»  
یا خود: «دوستکز علی افدیدر» و یا خود: «برکوزل آدم یعنی علی  
افدیدر» دنیلور.

مسندک مجرد مسند الیه اثبات و اسنادی مراد ایسه امثله  
سابقه ده کورلدیکی اوزره مسند، اسم اوله رق ایراد اولنور و بوندن،  
اعانه قرآن ایله اکثریا دوام و استمرار معناسی دخی مستفاد اولور.  
نته کیم: «فلان اوزوندیر» یا «قیصه در» یا خود «عالمدر» و یا «کاتبدر»  
و تکبر و عظمت، الله تعالی حضرتلرینه مخصوصدر» دنیلور.

و اگر مسند الیه ثبوتندن بشقه زمان حدوثی و صیغ افعالک  
متضمن اولدینی سائر خصوصیتلری مجملأ و مختصراً افاده قصد اولنور.  
ایسه «فعل» اوله رق ایراد اولنور. نته کیم: «درسمی او قودم» «مکتوب  
یازیورم» «قله کیده جکم» «بن لایحه اعتراضیه می یازیوردیم» «اوباقه  
قالدی» دنیلور.

و بعضاً فعل مضارعدن «استمرار تجدیدی» معناسی قصد اولنور.  
نته کیم: «فلان افندی کوزل یازار» دنیلور که «هروقت کوزل یازار»  
دیمک اولور؛ فقط یازمق، دائماً تجدید ایدر بر عملدر.

صیغ افعالک خواصنه پک زیاده دقت اولنمق لازمدر. مثلاً: لسان  
عربیده فعل ماضی صیغه سی، ماضی شهودی ایله ماضی نقلی ییتده  
مشترکدر. لسانمزده ایسه سماعاً معلوم اولان بر فعلک بیانی ایچون  
ماضی شهودی صیغه سی کتورملک غلط و لسان عربینک بویولده  
ترجمه سی خطادر. شوقدر وارکه موثر خلر، بیان ایتدکری وقایع

تاریخچه بی کورمش و اینچنده بولتمشجه سنه سختی ادعا ایدرک اکثریا  
ماضی نقلی مقامنده ماضی شهودی قوللانورلر .

و فعلء اکر نکره یه مسند اولور ایسه جنسه یا خود واحده تخصیصی  
افاده ایدر . نته کیم : « برسواری کلدی » دنیلده کده « کلان سنو ایدر ،  
پیاده دکدر » یا خود « کلان بردر ، ایکی دکدر » دیمک اولور . مقامنه  
کوره بویکی معادن بری قصد اولنور و دیگرکی مسکوت عنه کی  
قالور .

مفرد و جمع اولقدهء مسندک مسند الیه مطابقتی لازمدر . فقط  
جمع غائب صورتنده بومطابقت شرط دکدر . نته کیم : آنلر کلدیلر  
دنیلدیکی کی . مفرد صیغه سیله « آنلر کلدی » دیمک دخی جائز اولور .  
و برده مسند الیه مفرد اولدینی خالده مسند بعضاً تعظیم ایچون  
جمعلور . نته کیم : « اقدیمز تشریف بیوردیلر » دنیلور .

تکلم و خطاب و غیبتده دخی مسندک مسند الیه مطابقتی شرطدر .  
مکرکه بری دیگرینک اوزرینه تغلیب اوله . تغلیب ، ینلرنده تناسب  
واختلاط بولنان ایکی شئک برینی آخرک اوزرینه تغلیب و ترجیح الیه  
تعبیرده آکا تابع قیلقددر .

لسان عربیده بوتغلیب ، چوق واقع اولور . نته کیم : والد و والده یه ،  
« والدین » ، و « ابوین » و شمس الیه قرهء « قرین » ، و ابوبکر الیه عمرهء  
« عمرین » و حسن الیه حسینّه ، « حسنین » و سعد الدین قنقازانی الیه  
سید جریانی یه ، « سعدین » دنیلور .

لسانمزده دخی بعضاً بوتغلیب اصولی جاری اولور . نته کیم :



«بندہ کن یا زارم» دنیلور کہ بندہ، غائب صورتی اولدینی حالہ معنی، متکلمدن عبارت اولدیغندن جانب معنی، جانب لفظہ ترجیح، یعنی: تکلم صورتی، غائب صورتی اوزرینه تغلیب اولتور.

کذلک خطاب صورتی، غائب صورتی اوزرینه تغلیب ایله: «افندیمر احسان ایدرسکر» دنیلور.

ینہ تغلیب قیلندن اوله رق بر طائفه نك مبعوثلرینه: «سز شویله یادیکنز» دنیلور و خطابدن اوطائفه نك مجموعی قصد ایدیلور.

### فأله

ظرفلر، مسند مقامنده بولندیغی حاله مسندالیه اگر معرفه ایسه «موجود» یا «واقع» و یا «کائن» کی بر فعل تقدیر اولتور و بوکا «ظرف مستقر» دنیلور. مثلاً: «حسن افندی قوناقدہ در»، یا خود «دکدر» دنیلده «قوناقدہ موجوددر»، یا خود «موجود دکدر» دیمک اولور. و مسندالیه اگر نکره اولور ایسه ظرف آنک اوزرینه تقدیم اوله رق «وار»، یا خود «یوق» لفظلری مسند اولور. نته کیم: «قوناقدہ بر آدم وارددر»، یا خود «یوقدر» دنیلور.

ادات تعریف و تنکیردن عاری اولان اسم عاملر حقنده دخی اکثریا نکره کی معامله اولتور.

### مهر مؤلفه

ظن ایتمه همان چهره زردمده اثر وار  
هجران المندن دل زارمده نلر وار  
تقریر ایده م سوز دل و درد درونم  
سویاتمہ بنی خاطر زارمده کدر وار

یوق حالمی عرض الملککہ تاب و توانم  
جودت سرشورمده بودم درد سفر وار  
و بعضاً اسم عام، ظرف اوزرینه تقدیم اولنور و اول حالده قصری  
مفید اولور. نته کیم:

دولت، رجالی راحت هیچ کورمامکده در  
راحت، رجال دولتی هیچ کورمامکده در  
یتنده «راحت» لفظنک تقدیمی کی.

### فصل ثالث

متمات جملہ بیاننده در

متمات جملہ، کہ حال، تمیز و متعلقات فعلدر، کلامک بونلر ایله  
تقییدی، تزیید و اتمام فائده ایچوندر.  
چونکہ برکلامده نه قدر چوق قید بولنور ایسه فائده اوقدر اتم  
اولور؛ فقط بو بایده مخاطبک حالنه نظر اولنور. مخاطبک مقصدی  
اگر مجرد مسندالیه ثبوتی و یا عدم ثبوتی اوکرتمک ایسه متماتدن  
برشی علاوه اولتماز. اگر مقصدی برفضله قید ایسه اول قیدک  
علاوه سی لازم کلور. و فصل اولده بیان اولندیغی اوزره، کلامده  
مناط حکم، اول قیددر. و منفی ایسه نفی دخی اول قیده توجه ایدر.  
مثلاً: بوغاز ایچی واپورلرندن برینه بنمک اوزره ساحله طوغری  
سکردن کیسه نک غرضی، آنجق واپورک قالقوب قالمدیغی اوکرتمکدر.  
آکا: «واپور قالمدی»، یاخود «قالمدی» دنیلور. بشقه سوز علاوه

اولنور ایسه مقتضای حالہ مطابق اولماز. اما برواپورک یوم حرکتی  
اوکر نیک ایستین کیسه یه، «واپور فلان کون قالقه جق»، یاخود  
«قالقمیه جق» دنیلور.

قیدلر متعدد اولدینی حالده مناط حکم، صکره کی قیددر. نته کیم:  
«فلان افندی بو کون عربہ ایله بک اوغلنه کیتدی» دنیلدکده مناط  
حکم، اول کیسه نیک سمت عزیزیمتیدر و «کیتدی» دنیلسه نفی دخی  
آکا توجه ایدوب اول کیسه اول کون عربہ ایله بشقه سمت کیتش  
اولسه، بوقضیه سالبه، کاذب اولماز.

حال، یا فاعلک هیئتینی مبین اولور. «فلان افندی یاغموردن  
ایصلانمش اولدینی حالده کلدی» کلامنده اولدینی کی. و یا مفعولک  
هیئتینی مبین اولور. «بن آئی سرخوش اولدینی حالده کوردم»  
کلامنده اولدینی کی.

و بعضاً دخی فعلک حالت صدور و تعلقی مبین اولور. نته کیم:  
«بن اسکله یه واردم؛ حالبوکه واپور هنوز قالقمامشدی» یاخود  
«واپور ایسه هنوز قالقمامشدی» و «ساعت بشده ایکن واپور قالقدی»  
و «ساعت بشه کلامش اولدینی حالده واپوری قالدردیله» دنیلور.  
و حالک وقوعی چندان مأمول دکل ایسه، «حالده» یرینه، «تقدیرده»  
کتوریلور.

نته کیم: «فلان افندی بورجینی ویرمدیکی تقدیرده بن ویریم»  
دنیلور، که «بورجینی ویرمه سی مأمول دکل ایسه ده شاید که ویرمز  
ایسه بن ویریم» دیمک اولور.

فاعلك هيئتني مبین اولان حالء اكثر يا حال تركيبي صيغه سيله  
ايراد اولنورء كه حالك زماناً فعله مقارنتي افاده ايلر. نته كيم: «فلان  
افندی يا غوردن ايصاله رق كلدی» و «كوله رك كيتدی» دنيلور.  
و بعضاً بر اسم عرينك آخريته تنوين علاوه اولنه رق حال  
تركيبي مقامنده قوللا نيلور. نته كيم: «آله جقي نقداً آلدی»، «منونا  
كيتدی» دنيلورء كه «نقد اوله رق» «منون اوله رق» ديمك اولور.  
و حالء بعضاً مكررا اولور. «بو كتابي جزء جزء باصديره جغز»  
تركيبنده اولديني كي.

و فعل التزامينك «صابه يول» تركيبنده اولان «صابه» لفظي كي  
صفت اوله رق استعمالی نادر ايسه ده مفرد غايء چوق دفعه مكرر  
اوله رق حال اولور. و عملك تكرريني افاده ايلر. نته كيم: «كوله كوله  
كيتدی»، «چاليشه چاليشه مرانی حاصل ايتدی» دنيلور.  
صفت كي حال دخي بعضاً «سبي» اولور. نته كيم: «فلان افندی  
آياقلى بربرينه طولاشه رق كلدی» دنيلور.

ذی الحاله نسبتله حالء موصوفه نسبتله صفت كيدر. شوقدر  
واركه ذی الحالك فعله مباشرتی حالدهء حال ايله اتصافی قصد اولنور.  
بو جهتله فعلك كيفيت وقوعنی بيان ايدرك فعلك قیدی ديمك  
اولور. صفتدن مقصود ايسه موصوفك فعله مباشرت و يا عدم مباشر-  
تندن قطع نظرله وصفك آكا ثبوتيدر.

حال ايله صفتء ايكيسي ده مسنده بکزرلر. شوقدر واركه بونلرك  
نسبتلریء مقصود بالتبع اولغله «نسبت قییدیه» در. مسندك مسنداليه

نسبتی ایسه مقصود بالذاتدر. بوجهته «اسناد» دنیلور.  
 تمیز، بعضاً اسنادك قیدی اولور. نته کیم: «بن آکا معلوماتجه  
 فائقم» دنیلور. بعضاً برنسبت تقیدیهك قیدی اولور. نته کیم:  
 «بنم آکا معلوماتجه تفوقم مسلدر» دنیلور.  
 و بعضاً جملهله، «صیغه صله» ایله تمیز مقامنده ایراد اولنور.  
 تفصیلی، قواعد عثمانیه ده در.

متعلقات فعلك تفصیلاتی دخی قواعد عثمانیه ده مندرجدر.  
 تکرار تفصیله حاجت یوقدر؛ فقط علم بلاغته عائد اولان مسائلک  
 ایرادینه بوجه آتی ابتدار اولنور.  
 شویله که: بعضیلرینك قرینه ظاهریه مبنی ذکر ی عبث کبی  
 کوربلهرك حذف اولنور.  
 نته کیم: «سن بغداده کیتدکی؟» دین کیمسه جه جواباً: «کیتدم»  
 دینلور، که «بغداده کیتدم» تقدیرنده در.

کذلک «اوطه یه نه چوق کیروب چیقیورسین؟» دنیلور که «اوطه یه  
 نه چوق کیروب اوطه دن نه چوق چیقیورسین؟» تقدیرنده در.  
 حذف، بعضاً بعدالابهام بیان ایچون اولور. نته کیم: «بن امر ایتدم؛  
 اویازدی» دنیلور که «یازمنی امر ایتدم» تقدیرنده در و «امر ایتدم»  
 فعلنك مفعولی حذف ایله مبهم براغیلوب بعده «یازدی» فعلیله بیان  
 اولمشدر.

و بعضاً تعمیم ایچون اولور. «الله تعالی حضرتلری، دارالسلامه  
 دعوت ایدیور، جمله سی کبی، که «هرکسی دعوت ایدیور» دیمک اولور.

و بعضاً لدی الحاجه انکاره مجال اولوق کی دیگر نکته لره مبنی اولور .

و بعضاً مجرد اختصار ایچون اولور. «کتور کورهیم» دنیلدیکی کی .  
بعضاً دخی فعل متعدی، فعل لازم منزله سنه تنزیل قیلنور .  
شویله که : فاعلک مفعول به تعلقندن قطع نظر اولنهرق مجرد فاعله اسنادی قصد اولنور و اول حالده مفعول به تقدیر اولغاز . نته کیم :  
«بیلن ایله بیلین بردکلدر» دنیلور . و بیلنک بر مفعوله تعلق ملاحظه اولنیوب مجرد فاعله اسنادی قصد اولنور .

مسندالیه معرفه ایسه متعلقات، فعل اوزرینه تقدیم اولنور .  
نته کیم : «فلان افندی دون بورایه کلدی» «فلان افندی بوکتابی بکا ویردی» دنیلور .

فقط بعضاً قصر ایچون مسندالیه تأخیر قیلنور . نته کیم : «دون بورایه فلان افندی کلدی» دنیلور، که «بشقه سی کلدی» دیمک اولور . و «بوکتابی بکا فلان افندی ویردی» دنیلور، که «آجق او ویردی» دیمک اولور .

بعضاً دخی مسندالیه متعلقات فعلدن برینه عائد ضمیر اولدیغندن ناشی تأخیر قیلنور . نته کیم : «فلان افندی بی پدری تکدیر ایلدی» دنیلور .

اما مسندالیه معرفه اولمدینی حالده هپ متعلقات، فعلدن صکره کتوریلور . نته کیم : «دون بورایه بر افندی کلدی» «بوکتابی بکا بر افندی ویردی» دنیلور .

مفعول به دخی معرفه اولدینی حالده مفعول الیه اوزرینه تقدیم اولنور. مثلاً: «بن اوکتابی سکا ویردم؛ سنده بوکتابی بکا ویر» دنیلور.

و بعضاً قصر ایچون تأخیر قلنور. نتهکیم: «بن سکا بونی ویردم» دنیلور، که «سکا ویردیکم آتجق بودر» دیمک اولور. «بن سکا بو سوزی سویلدم» دنیلور، که «بشقه سوز سویلدم» دیمک اولور. و بعضاً مفعول بهده مفعول الیهه راجع ضمیر بولندیغندن تأخیر قلنور. نتهکیم: «فلان ذاته ایشلیدیکی جرمی عزو ایتشلر» دنیلور. بعضاً دخی وزن وقافیه ایچون تأخیر اولنور:

### بیت لمرره

ای شانه قیل وقال ایله تل قیرمدن واروب  
شرح ایله یاره حال پریشانی موبمو

کبی .

اما مفعول به معرفه اولدینی حالده تأخیر قلنور و علامت مفعول. لیت اولان کسره دن عاری اوله رق فعله وصل اولنور و فعل، آنکله ترکیب ایدرک افعال مرکبه دن اولور. نتهکیم: «بن سکا یاردم ایدرم»، «سندن یاردم ایسترم» دنیلور.

بو منوال اوزره مرکب اولان فاعل ترکیبی فسح اولنه رق ایکی جزئی آره سنه متعلقانندن بری کیرر ایسه قصری مفید اولور. نتهکیم: «یاردمی سکا ایدرم» «یاردمی سندن ایسترم» دنیلده که آتجق معناسی مستفاد اولور.

برده اسم عامدن قرینہٴ حالہ ایلہ بر فرد معین مراد اولنور  
ایسہ فعل ایلہ ترکیب اولنہ ماز۔ مثلاً: متکلم، علی الاطلاق کتاب  
ایستر ایسہ «بکا کتاب ویر» دیر۔ اما مخاطب ایلہ بینلرنده معلوم  
اولان کتابی ایسترسه «کتابی ویر» دیمسی لازمکلور۔

بعضاً فاعلک هیئتیی مبین اولان حال دخی وجه مشروح اوزره  
فعل ایلہ ترکیب ایلر۔ نته کیم: «یایان کلدی.»، «راجلا کلدی.»،  
«یالکز کلدی.»، «آنسزین کلدی.»، «بغتہ کلدی.»، «دنیلور۔»

### بیت لمحرره

ضبط اولنماز عنان آہ سحر  
چاره سز کشف راز ایدر کوکلم

دخی بوقبیلدندر۔

بومثللو افعال مرکبہ نک موقع استعمالی، یک مختلفدر۔  
شویله که: جزء اولی، بروجه بالا بعضاً مفعول به حال اولدینی کپی  
بعضاً دخی اسم مصدر اوله رق اصل فعلی مؤکد اولور۔ نته کیم:  
«بر اوروش اوردی که تعریف اولنماز» دنیلور۔

بعضاً اصل فعلک وصف و نوعی مبین اولور۔ نته کیم: «کوزل  
یازدی» «سرعتلی یورییور» دنیلور۔

و بعضاً تأکید ایچون فعل مرکبک جزء اولی تکرار قنور۔  
نته کیم: «احسان ایت افندم احسان» دنیلور۔

مسندالیه ایلہ مسنده جاری اولان بدل، بیان و تفسیر اصولی،  
متعلقات فعلده دخی جاری اولور۔ نته کیم: «برادریکز فلان افندی بی



استانبولده شهزاده باشنده کوردم»، «دوستکز فلان افندی به فلان محله تصادف ایتدم»، «دون سیر یرنده، یعنی: کاغد خانه ده فلان افندی به راست کلدیم» دنیلور.

متعلقات فعل، دائماً فعل اوزرینه تقدیم اولنور؛ فقط مقدمه ده بیان اولندیغی اوزره اشعارده، تأخیرلی جائز اولور.

نته کیم:

انساندر مرر وقوعات نیک و بد  
صبرایت کمال محنته این نیز بگذرد

ییتنده مفعول الیه اولان «محنت» ک تأخیر اولندیغی کجی.

وبرده نادرأ فعلک شاننه اعتنا واهتمام ایچون تقدیم اولنور.

نته کیم: تعجب مقامنده «شاشارم سنک عقلکه» دنیلور.

تمه

افعال شرطیه، برر جمله خبریه ایسه ده اسنادلری مقصود بالذات اولمادیغندن کلام اولیوب جمله جزایه نیک قیدی کییدر. بلکه شرط ایله جزاء، ایکسی بر قضیه در. مثلاً: «کونش طوغار ایسه کوندوز اولور.» دنیلده «کوندوزک وجودی، کونشک طلوعنه لازمدر، دیمک اولور.

«الله نصیب ایدرسه بر بلاغت رساله سی یازه جغم» جمله سی دخی بو قییلدندر.

شرط، «حالی» ایسه، حال مقامنده بولندیغی جهته مابعدنده کی جمله نیک قیدی در. نته کیم: «فلان مأمورک اگرچه بعض تقصیراتی

وار ایسہدہ ایشنہ مقدم اولدینی جہتلہ شایان عفودر» دنیلورکہ جزئی  
قصوری اولدینی حالہ بیلہ شایان عفودر» دیمک اولور .

قضیہ شرطیہ، بر منوال سابق «مطلق» اولور ایسہ، «قضیہ مہملہ»  
و «ہر نہ زمان» و «دائمًا» کبی بر قید ایلہ مقید اولور ایسہ، «قضیہ»  
کلیہ و «بعضاً» یا «اکثریاً» کبی بر قید ایلہ مقید اولور ایسہ «قضیہ»  
جزئیہ اولور.

«صیغہ توقیتیہ» دخی کلیہ مقامندہ قوللانیلور.

«طوبیلاز لطف واحسانہ، قناعت کلز انسانہ

کرم کوردکجہ ای باقی! کدالردن رجا آرتار»

ییتندہ اولدینی کبی، کہ «ہر نہ زمان کرم کورسہ» دیمک اولور .

و مدخل قواعددہ بیان اولدینی اوزرہ «چہ» یرینہ «دہ» کتو.

ریلور ایسہ علی الاطلاق وقتہ دلالت ایدر. و بو حالہ «قضیہ مہملہ»

اولور. نتہکیم: «موسم بہار کلدکدہ سیرہ کیدرز» دنیلدیکی کبی. ۷

بو مقامدہ بعضاً «صیغہ صلہ» قوللانیلور. «آنلر بورایہ کلدہ

کلرندہ بزہ مسافر اولورلر» دنیلدیکی کبی.

الحاصل، «صیغہ توقیتیہ» ایلہ «صیغہ صلہ»، «صیغہ شرطیہ» یرینی

طوتار. شو قدر وار کہ صیغہ شرطیہ، وقوعی مشکوک اولان

شرطلردہ و آنلر ایسہ وقوعی مجزوم اولان شرطلردہ قوللانیلور.

نتہکیم: «تموزدہ یا غمور یا غار ایسہ سکا شو قدر قیہ سبزہ و یریرم»،

«روز حضر کلدکدہ سکا شو قدر غروش و یریرم» و «حاجیلر

عودت ایتدکلرندہ سکا بر تسبیح آلیو یریرم» دنیلدیکی کبی.

بعضاً «تجاهل» کبی بر نکته یه مبنی، مجزوم الوقوع اولان شرطده، «صیغه شرطیه» قوللانیلور.

نته کیم: بر قوناغه بر مسافر کلوبده: «افندی ایچروده میدر؟» دیو خدمتکاردن سؤال ایندکده: افدینک قوناقدہ اولدینی خدمتکارک معلومی ایکن افندیسنندن خوف ایله: «قوناقدہ در» دیمیوبده «باقیم» اگر ایچروده ایسه، سکا خبر ویریرم» دیدیکی کبی. کذلک، موسم بهار حلول ایتیشیکن هوالر آچلدیغندن جانی صیقیلان کیسه، «اگر بهار کلور ایسه شویله یاپارز» دیر. کذلک، مخاطبک جزمی اولدیغنه مبنی متکلم، کندوسنجه مجزوم اولان شرطک افا- ده سنده: «صیغه شرطیه» قوللانیلور. مثلاً: «کندوسنک صدقنه اینانیمان کیسه یه: «اگر صادق چیقار ایسم نه یاپارسین؟» دیر.

بعضاً شرطک وقوعی جزم ایدن مخاطب، علیه عامل اولد- یغندن، متکلم آنی جاهل منزله سنه تنزیل ایله «صیغه شرطیه» استعمال ایلر. نته کیم: «باباسنه اذا ایدن کیسه یه: «اگر باباک ایسه اذا ایتمه» دنیلور.

بعضاً «جمله شرطیه» حذف اولته رقیالکیز جزاسی ذکر اولنور. نته کیم: «درسه چالیش! فیض آلورسین» دنیلور، که «چالیشور ایسه ک فیض آلورسین» تقدیرنده در. کذلک «وقتکی بیهوده ضایع ایتمه! نادم اولورسین» دنیلور، که «ضایع ایدرسه ک نادم اولورسین» تقدیر- ندیه در. و کذلک «قوناغکز نره ده در؟ زیارتکزه کلورم» دنیلور، که «نره ده اولدیغنی بیلدیرر ایسه کز، زیارتکزه کلورم» دیمک اولور.

بعض «جمل شرطیہ، معنای تعقیبی متضمن اولور۔ [نفی] نك:

«اسنجه باد قهری، بحر و بر یکسان اولور؛ زیرا  
اورر بر بیرینه امواج دریا کی کھساری»

بیننده اولدینی کی۔

افعال شرطیہ نك انواعی، قواعد عثمانیہ مفسلاً مذکور اولوب  
هر بری، موقع مناسبه کوره استعمال اولنق لازم کلور۔ بوراده  
تکراره حاجت یوقدر۔

### تذیب

بالاده مواقع متعدده بیان اولدینی اوزره، مسند الیهك وَحق  
تقدیمی اولان بعض متعلقات فعلك تأخیری، قصره دلالت ایدر۔  
بو دخی فحوای کلامك دلالتیدر۔ دلالت وضعیه دکلدر۔

بعضاً قصره موضوع اولان ادات حصر قوللانیلور، که حکمی،  
مدخولنی اثبات ایله ماعداسندن نفی ایدر۔ نته کیم: اسکداره کیتد۔  
یکنی وَ بشقه سمتہ کیتدیکنی افاده ایلر۔

بعضاً بو اثبات وَ نفی تصریح اولنور۔ نته کیم: «اسکداره کیتدی  
بشقه یرہ کیتدی» دنیلور۔

بعضاً بو مقامده ادات اضراب اولان «بلکه» قوللانیلور۔ نته کیم:  
«بز بو کون بك اوغلنه کیتدك؛ بلکه اسکداره کیتدك» دنیلور۔

بعضاً بومعنی، استثنا طریقیله ادا اولنور۔ نته کیم: «فلان افندی  
بو کون اسکداردن بشقه (یا خود) اسکداردن ماعدا محله کیتدی»  
دنیلور۔

کذلك اوزاقدن بر شخص کورندکده «بودکل، الا فلان افندیدر»  
دنیلور.

کذلك «فلان افندی هیچ درسی ترک ایتمز؛ مکر منحرف المزاج  
اوله» دنیلور.

### بیت لمحرره

شمس رخ یاره نه ممکن نظر  
عینک رنکین اوله کوزده مکر

بیتی بو قیلدندر.

«مکر» ایله استثنا صورتنده بعضاً مستثنا منه مقدر اولور.

ینه مؤلف حقیرک:

مکر سرمایۀ شادی ایمش کوی دلاراده  
سرشکم تقدینی خاک ایله مغشوش ایتدیکم دملر

بیتمده اولدینی کبی، که «اودملر هیچ دکل، الا سرمایۀ شادی ایمش»  
دیملکر.

قصر، بر موصوفی بر صفتنه، یاخود بر صفتی بر موصوفه حصر  
و تخصیص ایملکر.

نته کیم: «فلان افندی کاتبدر؛ شاعر دکدر» دنیلده مسندالیه  
کاتبک صفتنه حصر ایدلش اولور.

و «بو حقه، کومشدر. فاقفون دکدر» دنیلده حقه، کومش  
اولقی وصفنه حصر ایدلش اولور.

«بو بلدهده شاعر، آتبحق فلان افندیدر» دنیلده شاعریت  
صفتی، اول افندی به حصر ایدلش اولور.

قصر، یا حقیقیدر، یا اضافیدر. قصر حقیقی، حقیقت حاله و نفس الامرده مقصورک مقصور علیهن ماعدایه تجاوز ایتمه مسیدن.

نته کیم: بر بلده ده یالکز بر شاعر بولندیی حاله: «بو بلده ده شاعر، آنجق فلاندر» دنیلیدی کی.

بعضاً بشقه شاعر لر بولندیی حاله مبالغه آنلر شعرادن عد و اعتبار ایدلیه رک «شاعر، آنجق فلاندر» دنیلور. ایسته بوکا: «قصر حقیقی» ادعائی، دنیلور.

قصر اضافی، اوچ قسمه تقسیم اولنور. شویله که: مخاطب، اگر بر شیک ایکی شیده اشتراکی معتقد اولوبده برینه حضر اولنور ایسه: «قصر افراد» دنیلور. نته کیم: مخاطب بر ذاتک: هم کاتب، هم ده شاعر اولدیغی معتقد اولدیغی حاله آکا: «او ذات آنجق شاعر در» دنیلیدی کی.

مخاطب، اگر حکمک عکسنی معتقد ایسه، «قصر قلب» دنیلور. نته کیم: بر حقه نک کومش اولدیغی اعتقاد ایدن کیسه نه: «بو حقه فاقفوندر؛ کومش دکدر» دنیلیدی کی.

مخاطب اگر متردد ایسه «قصر تعین» دنیلور. نته کیم: بر حقه نک کومش و یا فاقفون اولدیغنده شک و ترددی اولان کیسه نه: «بو حقه فاقفوندر؛ کومش دکدر» دنیلیدی کی.



## فصل رابع

اسناد خبری بیانده در

اکثریا اسناده دلالت ایدن، آنجق هیئت ترکیبیه در؛ فقط اسناد خبرینک غائب صورتنده اسناده دلالت ایتمک اوزره ادات خبر قوللانیلور. و فعل ماضی نقلی و مستقبل ایله فعل وجوبینک غائب صورتلرنده تأکید ایچون ادات خبر علاوه اولنور.

نته کیم: «فلان آدم کلش» دنیلور ایسه: «مجرد کلدیکنی ایشتم» دیمک اولور. «کلشدر» دنیلور ایسه: «البته کلش اولمق کر کدر» دیمک اولور. کذلک «کله جکدر» دنیلد کده: «بهر حال کلور» دیمک و «کلیدر» دنیلد کده: «البته کلسی لازمدر» دیمک اولور. «وار»، «یوق» لفظلری دخی اکثریا ادات خبرسز مسند اولور لر.

### لمحره

زبان بیتاب و دل پر تاب و چشم حیرتم بخواب  
مجال اشتکا یوق ناله شکیر وار دله

بیتنده اولدینی کبی.

و اسنادک تا کیدی مراد اولندینی حالده: «وار در»، «یوقدر» دنیلور. نته کیم: «بنم او ایشدن خبرم یوقدر» دنیلدیکنی کبی. اسناد خبری، بر مفهومک دیگر مفهومه ثبوتی، یا خود عدم ثبوتی ایله حکم ایتمکدر. بوندن مقصد دخی مخاطبه معلومی اولیان بر حکمی، یعنی: بر شینک وقوع و یا عدم وقوعنی خبر ویرمک، یا خود آنی

بیلدیکنی بیلدیرمکدر. اولکیسنه: «فائده خبر»، ایکنجیسنه: «لازم فائده خبر» دنیلور.

مثلا: خواجه نك مکتبده اولوب اولدیغی بیلین شا کرده: «خواجه مکتبده در»، یاخود «دکدر» دیو خبر ویرن متکلمک مقصدی، فائده خبردر. اما مخاطبه: «سن زکنینسن» دین متکلمک مقصدی، لازم فائده خبردر، که «سنک زکنین اولدیغی بیلورم» دیمک اولور.

خبر، بعضاً بویله ساده، یعنی: تأکیددن خالی اوله رق ایراد او- لنور. بعضاً دخی تأکید اولنور.

نته کیم: بروجه بالا ادات خبر، بعض مواقعده «تأکید» ایچون کلور.

و بعضاً تأکید ایچون جمله خبریه تکرار اولنور. مثلاً: «حقکز وار، حقکز وار» دنیلور. بعضاً دخی الفاظ تأکیددن بری، علاوه کلام قیلنور.

«الته»، «شبهه سز»، «محقق»، «تحقیقاً». و «تحقیق علی التحقیق»، «حقیقت»، «صحیحاً»، «طوغریسی» الفاظ تأکیددنبر.

الته بوحالمدن اویارک خبری وار

مصر عنده کی: «الته» و:

حقیقت بی وفا نامهربان خوبان استانبول

ینه دل آرزو ایلر نه چاره الفت اولمشدر

یتنده کی «حقیقت» لفظی کی.



«اینانکہ»، «اللہ بیلورک» ترکیب لری و «اللہ حقیچون» کبی یمینلر  
 دخی اکثریا استاد خبری بی تأکید ایچون استعمال اولنور.  
 «اصلا» و «قطعاً» لفظلری، نفی مؤکد اولورلر: «بو ایشہ اصلا  
 وقوفم یوقدر» دنیلدیکی کبی.

«آ»، «ه»، «یا»، «یه» حرفلری دخی کلامک آخرینہ علاوہ  
 اولندقلرنده اسنادی تأکید ایدرلر. «اوسنک دوستکدر آ!»، «سنی  
 خیلجه اوزدی یا!» عبارہ لرنده اولدینی کبی.  
 ادات تنبیہ دخی کلامی مؤکد اولور. «ایشته سوزک صاغی بودر»  
 ترکیبنده اولدینی کبی.

مادام کہ متکلمک مقصدی، مخاطبہ خبرک حکمنی، یاخود لازمی  
 افادہ در، ہر حالہ مخاطبک حالنہ رعایت ایلمسی و سوزی آکا کورہ  
 علی قدر الحاجہ سویلمسی لازم کلور؛ چونکہ سوز ناقص اولور ایسہ  
 افادہ قاصر اولور و زیادہ اولورسہ کلامدہ حشو و لغو بولنور.  
 ایمدی مخاطب، اگر خالی الذہن ایسہ، یعنی: کندوسنہ القا  
 اولنہ حق خبرک مضمونی حقندہ برکونہ حکم و ترددی یوق ایسہ  
 کلامی تأکیدہ حاجت اولیوب «فلان شی بویلہ در»، یاخود «دکلدر»  
 دنیلور.

و مخاطب، اگر اول خبرک حکمندہ متردد ایسہ، کلامی کذلک  
 اطلاقی اوزرہ، یعنی: بلا تأکید ایراد ایلک جائز اولور؛ فقط  
 تأکیدی مستحسندر.

«فلان شی بویلہ میدر؟» دیو سؤال ایدن کیسہ، متردد دیمک اولدینی

جهتله آنک جوابی دخی بوقیلدندر؛ یعنی: «اوله‌در» دیمک کافی اولور؛ فقط «نه شبهه! اوله‌در» دیو تأکید اولنسه مستحسن اولور. و مخاطب، اگر حکمی منکر ایسه کلامی تأکید ایلک لازم کلور. مثلاً: منکر اولان مخاطبه: «البته فلان شی بویه‌در» یا خود «دکلدر» دنیلور.

و اگر انکارنده اصرار ایلر ایسه «الله بیلورکه»، «صحیحاً بویه‌در» دیو زیاده تأکید اولنور.

الحاصل، مخاطبک ظاهر حالنه نظراً کلام، اوج وجهله ایراد اولنورکه تأکیددن خلوی و استحساناً تأکید و تأکید و جوبیدر. اولیکسنه: «ابتدائی»، ایکنجیسنه: «طلبی»، اوچنجیسنه: «انکاری» دنیلور. اشبو وجوه ثلثه اوزرینه ایراد کلام ایلک، مقتضای ظاهر اوزرینه سوز سوبلکدر. نیجه دفعه لر ایسه اقتضای حاله کوره ظاهرک مقتضاسی ترک اولنور. شویله‌که: بعضاً مخاطبه ایراد اولنان کلامده بر خبره ایما اولنور؛ اودخی آکا مترقب بولنور. بناءً علیه سائل دکل ایکن سائل حکمنده طوتیلور و آنک اوزرینه ایراد اولنسان خبرک تأکید، مستحسن اولور. مثلاً: «او ظالم‌لرک لاقردیسنی ایتمه! علی التحقیق آنلر جزایه مستحقدرلر» دنیلورکه «او ظالم‌لرک لاقردیسنی ایتمه» دنیلده آنلرک حقنده بر فنا حکم اولدیغنه ایما ایدلمش اولور. مخاطب دخی: «عجبا بو حکم نه اوله!» دیو سانکه سائل متردد کبی مترقب اولور. بوجهتله سائل منزله‌سنه تنزیل قیلنور. و آنلر جزایه مستحقدر» کلامی، «استحساناً علی التحقیق» دیو تأکید اولنور.

و بعضاً منکر اولیان مخاطبده، اماره انکار کورلمکله منکر حکمنده طوتیلور و کلام مؤکد ایراد اولنور.

مثلاً: اولومک انکاری قابل اولمدينی جهته «اولوم وار» جمله سی تأکید سز کتورلمک مقتضای ظاهر ایکن اصلاً اولومی دوشونمز مرتبه غفلته طالش اولنله اولومی منکر کی اعتبار اولنله رق آنله خطاباً: «البته اولوم واردر» دنیلور.

و بعضاً منکر اولان کیسه، غیر منکر حکمنده طوتیلهرق آکا ایراد اولنله حق کلام، بلا تأکید کتوریلور.

شویله که انکار ایلدیکی کلامک صحتی ظاهر اولدیغدن بلا تأکید «فلان شی شویله در» دنیلور که «تأمل ایدرسه ک، او حکمک صحتی تسلیم ایلرسین، شبه و تردد یری دکادر» دیمک اولور.

اما خبرک حکمی، مخاطبک معلوم و مصدق ایسه، بو خبرک آکا القاسی، معلومی اعلام قبیلندن اوله جنی جهته جائز اولماز ایسه ده بعضاً مقتضای ظاهرک خلافنه اوله رق اخبار اولنور. شویله که: مخاطب کندو علمک مقتضاسنه منافی برحالده بولندیغی جهته بیلنز مقامنده طوتیلور.

نته کیم: تارک صلات اولان برعالمه، افاده خبر سیاقنده: «نماز فرضدر» دنیلور. و نمازک فرض اولدیغی بیلنز منزله سنه تنزیل اولنور. بونده بر فائده تحقیقه یوق ایسه ده افاده تنزیلیه بولنور.

کذلک سنک الکده کتاب اولدیغی بیلن کیسه، «اوندر؟» دیو سؤال ایتدکده «کتابدر» دیو جواب ویررسین؛ چونکه نه اولدیغی

بیلدیکی جهتله صور مامسی لازم کلور ایکن بر بجه کر زگاه اولمق اوزره  
سؤال اید بچک، سن دخی آکا کتاب اولدیغنی بلیور کی معامله ایلر سک.  
انهای محاوره و مصاحبتده، بو مثللو «ادعائی» و «اعتباری»  
افاده لر، چوق وقوع بولور.

### فصل خامس

انشا بیاننده در

انشاء ایکی قسمدر. بری: «انشاء طلبی» در، که «آخردن برشی طلب  
ایتمک» معناسی متضندر. دیگر ی: «انشاء غیر طلبی» یعنی: «انشاء  
ایقاعی» در، که «موجود اولیان بر معنایی ایقاع ایتمک» در.  
انشاء طلبی، «تمنی»، «استفهام»، «امر»، «نهی» و «ندا» در.  
انشاء ایقاعی: «ترجی»، «تجیب»، «مدح»، «ذم» و «صیغه عقد»  
کی «انشاء» معناسه نقل اولتان خبرلر در.  
تمنی، «آرزو ایتمک» معناسه در که لسان ترکیده «نولیدی» و  
«اولسه» دیو افاده اولنور. فارسیده تمنی ایچون «کاشکی» لفظی قوللا.  
نیلور که ترکیده تحریف ایله «کشکه» دنیلور. ترجی، «اوهمق»  
معناسه در. یعنی: «حصولی محقق و موثوق اولیان امر مرغوبه  
مترقب و منتظر اولمق» دیمکدر. بونک ایچون «اومارم که»، «اوله که»،  
«مأمول که»، «شاید که» کی لفظلر استعمال اولنور. مثلاً: «مأمول که  
یارین بوخسته افاقت بوله» دنیلور.

بعضاً دخی ترجی مقامنده «انشاء الله» ترکیبی قوللانیلور. نته کیم:  
«انشاء الله قریباً بو خسته کسب صحت ایدر» دنیلور. اما حصولی  
قطعی و محقق اولان شیده ترجی جاری اولماز. مثلاً: اوله که بو  
آخشام کونش غروب ایده» دنیلز.

ترقب و انتظار اولنان شی، اکر بر امر مخوف و مکروه ایسه  
«اشفاق» تسمیه اولنور. مثلاً: «قورقارم که»، یا خود «خوفم بودر که»  
بو خسته یارین فوت اولیوریر» دنیلور.

«ترجی» کبی اشفاق دخی «انشاء ایقاعی» قیلندندر. و ایکسیده  
مستقبله مخصوصدر.

«تمنی» ایسه بوجه بالا: «انشاء طلبی» قیلندن اوله رق ماضی  
و مستقبله جاریدر.

شویله که: تمنی مقامنده زمان ماضی ایچون فعل التزامینک روایت  
و حکایه صیغه لری و مستقبل ایچون فعل التزامی شرطی قوللانیلور.  
نته کیم: «کاشکی وقتيله درسه چالیشیدم»، یا خود «چالیشه ایمشم»  
و «کنجلمک عودت ایتسه ده درسه دوام ایتسم» دنیلدیکی کبی.

متمناتک امکائی شرط دکلدر. بلکه اکثریا محال اولور. مذکور  
مثالرده اولدینی کبی.

و بعضاً ممکن اولور؛ فقط حصولی منتظر و مأمول اولماز.  
نته کیم: «بر عظیم دینه بولسه مده شویله بویله یاپسم» دیو خولیالر  
قورمق کبی

و اکر حصولی منتظر و مأمول اولور ایسه تمنی، ترجیه منقلب

اولور؛ بناءً على ذلك فعل التزائم شرطی تمتی ایله ترجی بیننده  
مشارك اولور.

مثلاً: ورودی مأمول اولیان بر ذات حقدہ «فلان کلسده شو  
دوکونده بولنسه» دنیلور ایسه تمتی اولور. وَاکَر قدومنه انتظار  
اولنان بر ذات حقدہ «بو واپور ایله کلسده بو دوکونه یتشسه»  
دنیلور ایسه ترجی اولور.

وَبَعْضاً تَرْجِیْدِن «تمتی» معناسی تولد ایدر. نته کیم: هنده کیتک  
اوزره وداع ایچون بر کیمسه نک یاننه کلان بر هندلویه، اول کیمسه:  
«انشاءالله بنده هنده کیدوبده سزی زیارت ایدرم» دیسه ترجی اولور؛  
فقط آنک هنده کیتسی پک مستبعد اولدیغی جهته محالاته مشابه  
اولدیفندن بو کلامی، «تمتی» معناسی اشعار ایدر؛ لکن کلام ینه  
معنای موضوع لهنده مستعمل اولغله اول معنی، «مستتبعات  
تراکیب» قیلندن اوله رق مستفاد اولور.

کذلك ادات اضراب اولان «بلکه»، بعضاً «احتمالکه» مقامنده  
مستعمل اولوب بودخی بعضاً محاورات ناسده «ترجی» معناسی مستتبع  
اولور.

استفهام، اوکرنمک ایچون صور مقدر. ادات استفهام، «می»  
ادایدیر، که بعضاً طلب تصور ایچون، یعنی: اجزاء جمله نک برندن  
سؤال ایچون اولور. وَدَائِمًا مسؤل عنیه ملتحق و متصل اولور.  
نته کیم: «فلانی کلدی؟». «فلانی ضرودی؟». «مرا می مصاحتیدر؟»

یوقسه عرض مصلحتمیدر؟ «فلان، یاخود فلان کلدیمی؟»  
دنیلوب «ایکیسندن بری کلدیمی» دیمک اولور.

وَبَعْضاً طلب تصدیق ایچون، یعنی: اسناددن سؤال ایچون اولور.  
وَ ضَمیر فعلیلردن صکره وَاَدَات رابطه ایله ضَمیر نسیلردن مقدم  
کتوریلور.

نته کیم: «مکتبه کیتدکی یوقسه کیتدکی؟» وَ «فلان اقدی مکتبه-  
میدر یوقسه دکلیدر؟» وَ «سن قله کیده جکمیسین یوقسه کیتبه-  
جکمیسین؟» دنیلور.

«می» اداتی، فعله ملحق اولدقده تصدیق و تصوّره محتمل اولور.  
و قرائن ایله فرق و تمیز اولنور.

شویله که: شبهه، اگر اصل فعل فَعْلک وقوع وعدم وقوعیده  
ایسه طلب تصدیق ایچون اولور. نته کیم: «فلانی دوکدکی؟ یوقسه  
دوکدکی؟» دنیلدیکی کبی.

وَ شبهه، اگر مسند اولان اصل فَعْلک تعییننده ایسه مسندک  
تصویری طلب ایچون اولور. نته کیم: «فلانی دوکدگی دنیلدیکی» کبی.  
بو احتمال دخی آنجق افعال بسیطه ده اولور. اما افعال مرکبه ده  
مقصد اگر «طلب تصدیق» ایسه ادات استفهام، فَعْلک آخرینه الحاق  
اولنور. مثلاً: «فلانی ضرب ایتدگی؟»، «سب ایتدگی؟» دنیلدکه  
ضرب و سَبک وقوع و عدم وقوعندن سؤال اولغله ایکیسی ده  
«طلب تصدیق» ایچون اولور.

و مقصد اگر طلب تصوّر ایسه ادات استفهام، فَعْلک جزء اولنه

الحاق اولنور. نته کیم: «فلانی ضربمی ایتدک؟ یوقسه سبی ایتدک؟»  
و «فلانه پاره می ویردک؟ یوقسه هدیه می ویردک؟» دنیلور.  
و بو وجهله تکرر ایدن فعللرک ایکنجیسی، چوق دفعه اختصار  
ایچون حذف اولنور. مثلاً: «پاره می ویردک؟ هدیه می؟» دنیلور.  
کذلک ادات استفهامدن صکره تکرار اولسان ادات رابطه نک  
دخی بعضاً ایکنجیسی حذف اولنور.

### بیت لمحرره

چشمکی مخور ایدن ای مست نازا!  
داعیه عشوه میدر؟ باده می؟

کبی.

ادات استفهام، بعضاً ماضی منفی به لاحق اولدوقده «تندیم»، یعنی:  
«مخاطبی نادم ایتک» معناسی قصد اولنور. نته کیم: «درسه گیتدکمی؟»  
دنیلدیکی کبی.

و مضارع منفی به لاحق اولدوقده «تخضیض» و «اغرا» معناسی  
قصد اولنور. نته کیم: متکلمک خانه سی اوکندن کلوب چکمک اوزره  
اولان برافندی به: «افندی! بزه اوغرا مازمیسین؟» دیدکده «تکلیفه  
حاجتی وار؟ تشریف ایتلی دگلیسکز؟» دیمک اوله رق برنوع تو بیخی  
مضمّن اولور.

و بعضاً تو بیخدن عاری اوله رق مجرد نازکانه بر تکلیف ایچون  
اولور؛ بوکا: «عرض» دنیلور. نته کیم: «بیوریکز!» دیو دعوت مقاد  
منده: «افندم تشریف ایتزمیسکز؟» دنیلور.



استفهام، بعضاً مسؤل عنہی مخاطبہ اقرار استدیرمک ایچون اولور. نته کیم: متهمه: «سن فلانی دوگدگمی؟» دنیلور. و بعضاً انکار ایچون اولور؛ آندن دخی یا تکذیب قصد اولنور؛ نته کیم: «مصالحه نامه یی امضا ایچون سکا جبرمی ایتدیلم؟» دنیلور. و یا خود توبیخ قصد اولنور. نته کیم: «پدریکه عاصمی اوله جقسین» دنیلور.

و بعضاً وعید ایچون اولور. نته کیم: ادب سزک ایدن کیسه یی تهدید ایچون: «بن فلانی تأدیب ایتدیمی؟» دنیلدیکی کی. بعضاً تهکم ایچون اولور. «نته کیم: «محکمه جه ویریلان قرارک تبدیلنی یکی کلان ممیز اقدیمی امر ایدیور؟» دنیلور. بعضاً تمئی ایچون اولور. نته کیم: اصلا شفیع اولیان کیسه نک: «کشکه بکا بر شفیع اولسه» دیه جک یرده «بکا بر شفیع وارمی؟» دیمنی کی.

کیم، نه، قاج، قچان (خاچان)، قنی (هانی)، قننی (هانکی)، لفظلری دخی بالوضع استفهامه دلالت ایدر. و هپسی «طلب تصور» ایچون اولور.

شویله که: «کیم»، بر شخصدن، «نه»، بر شیدن، «قاج»، عدددن، «قچان»، زماندن، «قنی»، مکاندن، «قننی»، بر امرده مشارک اولنلرک تعیین و تمیزندن سؤال ایچون اولور.

نته کیم: «کیم کلدی؟»، «نه کتوردی؟»، «قاج غروش ایستیور؟»، «قچان کلدی؟»، «قنی بو دکانک صاحبی؟»، «بو قماشلرک قنغیسنی بکندک؟» دنیلدیکی کی.

## فضرلینک

قننی بتدر یلنزم ایمانی غارت قیلان  
سندہ ایمان یوق کہ سن آلدک دیہم ایمانی

ییتی دخی بوکا بر مثالدر.

«نه» لفظی، «اصل» ایله ترکیب اوله رق: «نصل» دینلد کده، کیفیتدن  
سؤال ایچون اولور. وقاج مقامنده: بعضاً «نه قدر» و قچان مقامنده:  
اکثریا: «نه زمان»، یا: «نه وقت» و یا: «نه دم» دنیلور. مکاندن  
سؤال ایچون دخی شعدی اکثریا: «نره» لفظی قوللانیلور و «نره ده؟»،  
«نره دن؟» «نره یه؟» دنیلور.

بو کلمات استفهامیه دخی بعضاً استفهامک غیری معالرده استعمال  
اولنور. اولحالده: «انشاء ایقاعی» قیلندن اولور. نته کیم تحقیر مقا-  
منده: «بو کیم؟» و تهدید مقامنده: «سن کیم اولیور سین؟» دنیلور.  
تعجب مقامنده: «نه عجیب»، یا خود «نه عجایب» و مقام مدحه:  
«نه کوزل» و مقام ذمده «نه چیرکین» و مخاطبک یا کلش یوله  
کیتدیگنی اخطار ایچون «نره یه کیدیور سین» و مقام استبعادده «آکا  
کوره منتصع اولمق زده؟» دنیلور. كذلك انشاء کثرت ایچون: «بو  
اسکله یه کونده نه قدر قایق کلوب کیدر» و «بو بلده یه نیجه عالم و فاضل  
آدملر کلوب کیتشدرد» دنیلور.

کذلك: «سنی قاج دفعه چاغردم» دنیلوبده «کیچ کلدک»، «بطائت  
ایتدک» معناسی قصد اولنور.

امرء علی وجه الاستعلاء برایشک ایشلتمنی طلب ایتمکدر، که

متکلمک مادونندن طلب ایتمسیدر. نته کیم: بر آدمک خدمتکارینه:  
«سائسه سویله آتی اگرلسون!» دیمسی کی: «سویله»؛ امر حاضر  
«اگرلسون»؛ امر غائبدر.

«امر صیغه لری»؛ بعضاً علی وجه التضرع طلب ایچون استعمال  
اولنور. و بوکا: «نیاز» و «استدعا» دنیلور. نته کیم: متکلمک کندو.  
سندن بیوک برذاته «لطف ایدیکز»، «عنایت بیوریکز» دیمسی کی.  
و بعضاً متکلمک اقرانندن طلبی ایچون استعمال اولنور. بوکا  
ده «التماس» دنیلور. نته کیم اجابدن برینه: «یارین ارکنجه تشریف  
ایدیکزده مصاحبت ایدم»؛ دینلک کی. و بعضاً اباحه ایچون اولور.  
نته کیم: برکیسه نک طعانی یمگه رخصت و یرمک مقامنده آخره  
«بیوریکز» دیمسی کی. بعضاً تسویه ایچون اولور. نته کیم: «سن  
قبول ایت، یاخود ایتمه! محکمه نک قراری بودر» دنیلور؛ که: «سنگ  
قبول و عدم قبولک سیاندر» دیمک اولور.

بعضاً تهدید ایچون اولور. نته کیم: «دیلهدیکک کی یاپ! صکره  
کورر سین!» دنیلور.

بعضاً عجزه نسبت ایچون اولور.  
نته کیم: برغزلی تنظیردن مخاطبک عاجز اولدیغی بیان مقامنده:  
«بو غزلی تنظیر ایت» دنیلور؛ که «ایده مزسین» دیمک اولور. بعضاً  
اهانت ایچون اولور. نته کیم: «هایدی ییقل کیت» دنیلیدی کی.  
و بعضاً تمق ایچون اولور. نته کیم: «کشکه فلان کشی مزاردن  
قالقوبده بو عصرک احوالی کورسه» دنیله جک یرده آکا خطاباً:

«کل! بوعصرك احوالنی کور» دنیلدیکی کبی. نهی، امرک منفیسی  
دیمک اوله رق بر فعلک ایشلنمه سنی علی وجه الاستعلا طلب ایتمکدر.  
فقط بعضاً دخی تضرع ایچون اولور. نته کیم: «یارب! دشمنلرمی  
بکا کولدرمه» دنیلور.

بعضاً التماس ایچون اولور. نته کیم: «برادر! سن بو ایشی یاپمه!»  
دنیلور.

بعضاً تهدید ایچون اولور. نته کیم سوز دکلهمین اوشاغه: «سن  
بیم سوزمی دکلهمه! صکره کورر سین» دنیلور. بعضاً عجزه نسبت  
ایچون اولور. نته کیم: «الکدن کلانی آرقه که قویمه» دنیلور.

امرونی صیغه لری، قواعد عثمانیه ده مفصلاً مذکوردر. اکثریا  
فعل التزامی صیغه لری دخی امر مقامنده ایراد اولنور لر.

نداء حرف ندا ایله مخاطبک توجه و اقبالنی طلب ایتمکدر، که  
«سنی چاغریورم»، «بکا باق» دیمک یرینی طوتار. کلامک ابتداسنده  
کلان «آ»، «ای»، «هی» حرف لری، ندایه موضوعدر؛ فقط بعضاً  
آنلردن ندا معناسی مراد اولیوب دیگر اغراض ایچون استعمال  
اولنور لر.

مثلاً: سکا متوجهاً تظلم ایدن کیسه یه: «آ زواللی»، «بیچاره»  
دیدیکلکه ندانک معنای حقیقیسی مراد اولیوب آنحق مخاطبه در دینی  
سویلك اوزره میدان ویرمک و «سویله! دکلرم» دیمک معناسی قصد  
اولور. و معنای ترحمی «انشا» دیمک اولور.

بعضاً دخی خطاب و ندایه صالح اولیان شیلره ندا اولنهرق «تحسر»

«تَحِيَّ» وَ «تَأْسَف» کبی مغالر قصد اولنور. بو صورتلرده دخی ندا،  
«انشاء ایقاعی» قیلندن اولور.

بیت لؤلفه

ای باد صبح! سویله دلک یاره حالی  
شرح ایت نیازنامه حسرت مألنی  
اوغرا ایه که استانبوله لطف ایله ای صبا!  
اول یاره صور! اونوتدیمی وعد وصالنی؟

وینه محرر فقیرک :

ای باد صبا! اوغراماز اولدک بود یاره  
گل سویله ستانبول طرفدن نه خبر وار  
وار حال پریشانی عرض ایله او یاره  
زیرا او طرفدن نه گلور وار، نه گیدروار

بیتلری، بو قیلدندر.

بعضاً جمله خبریه دن اعلام و اخبار قصد اولنجیوب دیگر اغراض  
مخصوصه مراد اولنور.

مثلاً: مجرد، مخاطبی علمه ترغیب ایچون «بیلن ایله بیلین بردکدر»  
و تعجب مقامنده: «شاشارم سنک عقلکه» و اظهار ضعف و تذلل ایچون:  
«بن پیر اولدم» دنیلور. و مجلسده قدومنه انتظار اولنان بر ذات  
حقنده حضاردن بری، دیکرینه بیان تأسف و تحسیر ایچون: «فلان  
ذات کلدی» دیر. ایشته بونلر هپ جمله خبریه اولدقلری حالده اخبار  
مقصود اولیوب برر غرض مخصوص ایچون ایراد اولندقلرندن، هپ  
«انشاء ایقاعی» قیلندندر لر. «صیغه عقد»، «شهادت»، «قسم»،  
«سبحان الله»، «معاذ الله» و «اللهه صفندق» دخی بو قیلدندر.

خوش کلدی بکا میکده نك آب وهواسی  
بالله نه خوش یرده یابلس ییقلاسی

ییتنده کی تعجب و قسم کی .

و بعضاً ادبه رعایهٔ امر صورتندن احتراز ایله صیغهٔ امر یرنده  
جملهٔ خبریه قوللانیلور و بوصورته «انشاء طلبی» قیلندن اولور .  
نته کیم : «لطف ایدیکز» یرنده «لطف ایدرسکز» دنیلور .



## فصل سادس

الفاظک عطف وربطنه دائردر

«واو» لسان عربیده اولدینی کی لسانمزده دخی حرف عطف  
اولوب مطلقاً جمع ایچوندر .

شویله که : آنکله مسند الیه اوزرینه برشی عطف اولندقه  
ایکیسنک علی الاطلاق بر مسنده اشتراکرینی مختصراً افاده ایلر .  
نته کیم : «خالد و ماجد کلدی» دنیلده بر جمله ایله ایکیسنک ده  
کلدکری افاده اولنمش اولور . و اگر «مغیت» مغاسی افاده اولنق  
استیلور ایسه : «برلکده» یاخود : «برابر کلدیلر» دنیلور . اگر  
معطوف علیہک مقدم کلدیکی افاده اولنق ایستیلور ایسه «خالد  
و متعاقباً ماجد» یاخود «صکره ماجد کلدی» دنیلور . و بعضاً «متعاقباً»  
یرنده : «در عقب» و : «صکره» یرنده «بعد» کی دیگر لفظلر قوللانیلور .  
و بعضاً معطوف ایله معطوف علیه تأکید اولنور . نته کیم : «خالد

وَمَاجِدْ اِيَكْسِيْدِهْ كَلْدِي،، ياخود «خالد وَمَاجِدْ وَنَاشِدْ اَوْچِيْدِهْ كَلْدِي»  
وَياخود «هَبْ كَلْدِيلِرْ» دَنیلور.

مَسْنَدْ اَوْزَرِيْنِهْ بِرْشِيْ عَطْفْ اَوْلَنْدَقْدِهْ اِيَكِيْ وَصْفْكَ بِرْ ذَاتْدِهْ  
عَلَى الْاِطْلَاقِ اِجْتِمَاعِيْ مَخْتَصِرًا اِفَادَهْ اِيلِرْ. نَتَهْ كِيْمْ: «فَلَانْ اِفَنْدِيْ  
كَاتْبِدِرْ» وَ «شَاعِرْدِرْ»، ياخود «كَلْدِي» وَ «كِتْدِي» دَنیلور. وَبَعْضًا  
بِرْ «واو» اِيلَهْ اِيَكِيْ كَلْمَهْ، دِيْكَرْ اِيَكِيْ كَلْمَهْ اَوْزَرِيْنِهْ عَطْفْ اَوْلَنور. نَتَهْ كِيْمْ:  
«خالد اِفَنْدِيْ، قَلْمَهْ وَ بِرَادِرِيْ، مَكْتَبَهْ كِيْدِيور» دَنیلور.

عَطْفْ بِحَسْبِندِهْ مَوْصُوفْ اِيلَهْ ذِيْ الْحَالِ، «مَسْنَدْ اِيلَهْ» حَكْمَنْدِهْ وَصْفَتْ  
اِيلَهْ حَالْدِهْ «مَسْنَدْ» حَكْمَنْدِهْ دِرْ.

مَثَلَّاتْ فِعْلْ اَوْزَرِيْنِهْ «واو» اِيلَهْ عَطْفْ دَخِيْ فِعْلْكَ تَعَلَّقْنْدِهْ مَعْطُوفْ  
اِيلَهْ مَعْطُوفْ عَلَيْكَ اشْتِرَاكِيْ اِفَادَهْ اِيلِرْ. نَتَهْ كِيْمْ: «بَنْ فَلَانِيْ سُوْرْمْ»  
دَنیلور.

بَعْضًا اِخْتِصَارْ اِيْچُونْ واو عَطْفْ حَذْفْ اَوْلَنور. نَتَهْ كِيْمْ: «خالد،  
مَاجِدْ، نَاشِدْ، اِفَنْدِيلِرْ كَلورلِرْ» ياخود «فَلَانْ اِفَنْدِيْ كَلْدِي، كِيْتْدِي»  
دَنیلور.

ذَكَاتِيْ يُوْقْ، ضَرَرْ اِيْتْمَزْ، تُوْكَمْنَزْ، اَكْسَلَنْز  
اَوْلورِيْ آدَمَهْ خُولِيَا كِيْ حَسَابْ فِرْحْ

يَتِيْ دَخِيْ بُوْقِيْلْدَنْدِرْ.

بِرْوَجَهْ مَشْرُوحْ واو اِيلَهْ عَطْفْكَ مَقْبُولْ اَوْلَسْنْدِهْ، مَعْطُوفْ اِيلَهْ  
مَعْطُوفْ عَلَيْهِ بِيْنَسْنْدِهْ جِهَتْ جَامِعَهْ بُوْلْتَمَقْ شَرْطِدِرْ. جِهَتْ جَامِعَهْ،  
مَعْطُوفْ اِيلَهْ مَعْطُوفْ عَلَيْهِ ذَهْنْدِهْ جَمْعْ اِيْدِهْ جَكْ بِرْ عِلَاقَهْ وَمَنَاسِبْتِدِرْ،

که «تضایف»، «تمائل»، «شبه تمائل»، «تضاد»، «شبه تضاد» و «تقارن فی الحیال» قسملرینه منقسم اولور.

مثلا: اقل ایله اکثر بیننده «تضایف» وارد، که برینک تعقلی، دیکرینک تعقلنه توقف ایدر.

و «زهره» ایله «مشری» بیننده «تمائل» وارد، که یکدیگره شبه ونظیر اولان برنوع ییلدزلر اولوب ایکسنه بردن «سعدین» دنیلور. و بیاض ایله صفر، یکدیگره مابین رنگلر ایسه ده بینلرنده تمائله بکزر بر مناسبت وارد. کذلک شمس و قمر بیننده دخی «شبه تمائل» وارد.

بیاض ایله سواد بیننده ایسه «تضاد» و ارض و سما بیننده تضاده بکزر «تقابل» وارد.

«تقارن خیالی» به کلنجه: بونک اسبابی متفاوتدر و احوال و عاداتک اختلافیه مختلف اولور.

مثلا: کاتبه کوره، کاغذ، قلم و قلمتراش بیننده جهت جامعه خیالیه وارد، که بونلردن بری ذکر اولنسه دیکری کاتبک خاطرینه کلور؛ اما بربرک خاطرینه کلز. حال بوکه اوستوره ذکر اولنسه بربرده مقراض و جنبیزی تحظر ایلر. برمنوال مشروح، کلهلر بیننده جهت جامعه بولنور ایسه یکدیگری اوزرینه عطفلری مقبول اولور. و آلا اولماز. نته کیم: «شمس و قمر، عالمی تنویر ایدر» دنیلور. «دو و دوه قوشنک اودلری یوقدر» دنیلور. اما «طاوشان اودی و کونش، محدندر» یاخود «بالق و کرتنکله حیواندر» دنیلسه یاقیشو



آلماز؛ زیرا معطوف ایله معطوف علیه بیننده بر علاقه و مناسبت بولماز. كذلك «فلان افندی شاعر در و کاتبدر» دنیلور؛ زیرا شعر ایله کتابت صاحبزینک خیالنده مقارن و مجتمع اولدقلری جهته مناسبت درکاردر. اما: «فلان افندی شاعر در و قصه بویلددر» دینلک مقبول دکلدر؛ زیرا شعر ایله قصر قامت بیننده مناسبت یوقدر. معطوف ایله معطوف علیه بیننده ذاتاً مغایرت بولنق شرطدر. والا «عطف الشی علی نفسه» لازم کلور؛ فقط بعضاً متحد المعنی اولان ایکی کلمه دن بری، دیگرینی تفسیر ایچون آنک اوزرینه عطف اولنور. «تاب و طاقت» کنی. محرک:

یوق حالی عرض المکه تاب و توان  
جودت! سر شورده بودم درد سفر وار

بیننده کی «تاب و توان» دخی بوقیلدندر.  
کلمه لر کی جمله لر دخی بعضاً و او ایله یکدیگری اوزرینه عطف اولنور. جمله لک عطفه، «وصل» و عطفسز ایراد اولنلرینه، «فصل» دنیلور. یکدیگره وصل اولنان جمله لر بیننده دخی برمنوال مشروح جهت جامعه بولنق لازم کلور. مثلاً: «زیده شاعر در و عمر و» کاتبدر» دینلده اگر بینلرنده محبت، صداقت، یا عداوت کی بر علاقه و مناسبت وار ایسه مقبول اولور. یوق ایسه مقبول اولماز. مسند الیه لک، یا خود مسند لک، و یا خود قیدلرتدن برر قیدک اتحادی دخی ایکی جمله بیننده جهت جامعه اولور. نته کیم: «ناظر

افندیڭ کتخداسی، کاتبدر. و رئیس افندیڭ کتخداسی، شاعردر.  
دنیلدیگی کی.

ایکی شی بینده فی نفس الامر جهت جامعه بولمق عطفک صحی  
ایچون کافی اولمایوب بلکه مقامه کوره او جهتک مقصود و ملتفت  
الیه اولسی شرطدر.

بناءً علیه لایچینه دائر محاوره جریان ایدرکن «لایچیم طاردر  
وَ خانم طاردر» دنیلسه مقبول اولماز. اما طار شیرک تعدادی صره-  
سنده «مهرم طاردر وَ لایچیم طاردر وَ خانم طاردر وَ زقاعی  
طاردر» دنیلسه مقبول اولور.

کذلک «سردار اکرم، صالی کونی دشمن اردوسنی بوزدی و درزی  
اول کون بنم جبه می دیکدی» دنیلسه مقبول اولماز. اما صالی کونی  
وقوعاتک ضبطی قصد اولنور ایسه او وقوعاتک بیانی صره سنده  
بوکلام دخی مقبول اولور.

اما جمله لرك نه حالده وصلی و نه حالده فصلی لازم کلور؟ شویله که:  
صفت، یا حال اولمق کی بروجهله بر محله مربوط اولان جمله، مفرد  
حکمنده اولدیغدن بو ارتباطده، دیگر جمله نك آکا تشریکی قصد  
اولنور و بینلرنده جهت جامعه بولنورسه جمله ثانیه وصل اولنور.  
مثلاً: «اوطالب که همتی زیاده در وَ غیرتی فوق العاده در، آز وقت  
ظرفنده فیضیاب اولور» دنیلور.

اگر جمله ثانیه نك جمله اولایه تشریکی ایستلنز ایسه فصل  
اولنور. مثلاً: «مدیر افندی دیمشکه طلبه ساعت بشده مکتبه

کلمیدر. خواجه افندی بو تنبیهی بکنیور» دنیلور، که «وَ خواجه افندی» دیو وصل اولنسه، بو جمله دخی مدیر افندیکن مقول قولی اولوق لازم کلور؛ بو ایسه مقصده منافیدر.

بر محله مربوط اولیان جمله لره کمنجه: ایکی کلام بیننده جهت جامعه بولخاز ایسه کلام ثانینک وصلی جائز اولماز. نته کیم: «فلان افندی اوزون بویلدیر وَ فلان افندی اویقوده در» دنیسه مقبول اولماز. اگر کلامین بیننده جهت جامعه بولنور ایسه کلام ثانی وصل اولنور. نته کیم: «کونش باتدی وَ آی پارلادی» دنیلور؛ فقط اولکی کلامک بالاسنده بر قید بولنوبده کلام ثانینک آنده تشریکی جائز اولماز ایسه فصلی لازم کلور. مثلاً: «دون فلان افندی کلدی. برادری آرتق کیدر» دیو کلام ثانی فصل اولنور؛ زیرا وصل اولنسه «دون برادری کیدر» دیمک اولور.

برده ایکی کلامدن بری: خبر، دیکری انشا اولور ایسه ایکنجینسک فصلی واجب اولور. نته کیم «سن کل، بن کیدیورم» «بن کیده جکم، برادرم کلسون» دنیلور.

### مَرْفُکْ

تقریر ایدم سوز دل و درد درونم  
سویلمه بنی خاطر زارمده کدر وار

بیتی دخی بو قیلدندر.

کذلک سؤال مقدره جواب اولان جمله استینافیه دخی فصل اولنور. مثلاً: دیدیکه: «الله امانت اولکز» دیدم که: «الله سلامت

ویرسون» دنیلور که اولکی کلامدن جوابنده «نه دیدیکز» دیوسؤال وارد اولغله کلام ثانی آکا جواب اوله رق مفصلاً کتوریلور. کذا خالد افندی به احسان ایتیش سین. خالد افندی احسانه لایقدر، یاخود «اسکی دوستکز احسانه لایقدر» دنیلدیکی کی. کذا کلام ثانی، اولی مؤکده، یاخود آندن بدل و یاخود بیان اولور ایسه فصل اولنور.

نته کیم: «بوایش بویله در. بونده شبهه یوقدر.» یاخود «فلان افندی سزه احسان ایتیش. اون بیک غروش عطیه و بر چوق هدیه اعطاسیله احسان ایتیش» و یاخود «فلان بنی آلداندی؛ سکا شویله بویله معاونت ایدرم» دیدی. جمله لرنده اولدینی کی. بعضاً برقاج کلامدن مرکب اولان بر فقره، دیگر بر فقره اوزرینه عطف اولنور؛ بوکا «عطف القصة علی القصة» دنیلور. اول ایکی قصه بیننده جهت جامعه آرانور.

#### مثالی

«فی الواقع قرآن کریم، نه کلام منظومدر، نه ده کلام منشوردر. [ایکی قسمک خارجنده بر کلام لطیفدر. و سراپا فصیح و بلیغدر] و جمله آیات کریمه، بلاغته بر درجه ده اولیوب بعضیسنک، بعضیسنه نسبتله بلاغته درجه سی ده اعلا؛ فقط جمله سی معجزدر. یعنی: «مثانی وجوده کتور مکدن انسان عاجزدر.» [قصص انبیا] و او ایله معطوف علیه اولان مسند الیه معطوفیله برابر جمع حکمنده در. بناء علیه غائب صورتنده: «فلان و فلان کلیدلر»، یاخود

«کلدی» دنیلور، اما معطوف ایله معطوف علیه تکلم و خطاب و غیبتده مختلف اولدوقلرنده غائبه مخاطب وایکسنه دخی متکلم تغلیب اولنور. مثلاً: «او و سن بو ایشی یاپارسکز»، «او و بن، یاخود سن و بن بو ایشی یاپارز» دنیلور.

مخاطب، اگر خالی الذهن ایسه بروجه بالا و او عطف قوللانیلور. اگر معطوف ایله معطوف علیهك اجتماع و اشتراکندن متردد، یاخود منکر ایسه «او» یزنده «هم» حرفی مکرر اوله رق ایراد اولنور. نته کیم: مخاطب علی و حسن افندیلردن برینک کلدیکنی مصدق اولوبده دیکرینک کلدیکنده متردد، یاخود یالکز برینک کلدیکنی معتقد ایسه «هم علی افندی، هم حسن افندی کلدی» دنیلور. كذلك علی افندی بی آنجق کاتب ظن ایدن مخاطبه، «علی افندی هم کاتبدر، هم شاعردر» دنیلور.

«دخی» و «ده» حرفلری ادات عطف اولوب «او» یزینی طوتارلر و كذلك معناسی افاده ایدرلر. نته کیم: «علی افندی دون بورایه کلدی. بو کون دخی ادرنه یه کتندی»، یاخود: «بو کونده ادرنه یه کیده جک» دنیلور.

و بعضاً جزالره داخل اولور. نته کیم: «سن کیدرسه ک، بن دخی کیدرم» دنیلور. كذلك: «او کلسون، بنده کلورم» دنیلور. و «ده» حرفی بعضاً «هم»، مقامنده قوللانیلور. «بوده کچر اوده کچر» دنیلدیکی کچی.

و فعله لاحق اولدوقده تراخی معناسی افاده ایدر. نته کیم:

«کلدیده کتدی» دنیلور که «کلدی» بعده کتدی» دیمک اولور. بعضاً معطوف علیه، صیغه عطفیه ایله ایراد اولنوب «او» حرفندن مستغنی اولور. معطوف ایله معطوف علیه بر رجمله اولدقلى حالده ایکیسی برکلام حکمنده اولورلر. نته کیم: «فلان آدم شورایه کوروب جیقیور» دنیلور.

و صیغه عطفیه اکثریا مابعدینک تراخی و قوعنی اشعار ایلر. نته کیم «کلدی بعده کتدی» دنیله جک یرده «کلوب کتدی» دنیلور. و بو معنای تأیید ایچون بعضاً صیغه عطفیه به «ده» حرفی الحاق اولنور. «کلویده کتدی» دنیلور.

«یاخود» ادا تریدیدر؛ یعنی: احد امرین ایچون اولوب لسان عربینک «او» حرفنه معادل اولور.

«یا» دخی «یاخود» معنانه در؛ فقط اکثریا مکرر اوله رق ذکر اولنوب عربجه نک کسر همزه ایله «اما» حرفنه معادل اولور. تریدیدر بعضاً شک ایچون اولور. نته کیم «قارشودن بر عسکر «یاخود» بر ضبطیه کلیور» دنیلور.

و بعضاً تشکیک ایچون اولور. نته کیم: «بوکون سنک ایچون رتبه یانشان عرض اولندی» دنیلیدیکی کبی.

و بعضاً تخییر ایچون اولور. نته کیم: «بو آنه، یاشو استره بین» دنیلیدیکی کبی.

و بعضاً تقسیم ایچون اولور. نته کیم: «عدد، یاجفتدر، یاتکدر» دنیلور.

ادات تردید نادراً حذف اولنور. محرر فقیرک :

بوکون یارین دیو امید وار اولوب قالدی  
کبار وعده سنه دوندی کیتدی وعد وصال

بیتی کبی، که: «بوکون»، یاخود «یارین» دیمکدر .

ادات تردید ایله تعدد ایدن مسند الیه، احد امریندن عبارت اوله رق معنی مفرد اولغله مسندی دائماً مفرد اوله رق ایراد اولنور. امثله سابقه ده اولدینی کبی .

فقط بودخی غائب صورتنده در . اما معطوف ایله معطوف علیه تکلم و خطاب و غیبتجه مختلف اولدقلمی تقدیرده هر برینک مسندی، آروجه ذکر ایله : «عطف الجملة على الجملة» قیلندن اوله رق ایراد اولنور لر .

نته کیم : «بو مکتوبی بن، یارادرم، یاخود سن یازار سین» دنیلور . کذلک «بن یازایم، یا او یازسون» دنیلور . و کذلک «یاسن یاز، یا برادرک یازسون» دنیلور .

اما «شو مکتوبی بن یاسن یازارم» دینلر . کذلک «برادرم یاخود بن یازه جفم» دینلر . و کذلک «سن یاخود برادرک یاز» دینلر .

ادات تردید، مقام استفهامده دخی احد امرین ایچون اولور . نته کیم : «قله خلیفه، یاخود میز کلدیمی؟» دنیلده که: «ایکیسندن بری کلدیمی؟» دیمک اولور . و جوابنده «اوت» یاخود «خیر» دنیلور . و اگر اصل فعلک ثبوتی، یعنی: ایکیسندن برینک کلدیکی، متکلمک

معلومی اولوبده برینک تعینتی طلب ایلر ایسه ادات تردید یرنده «یوخسه» قوللانیلور.

مثلاً: «خلیفه می یوخسه میز می کلدی» دنیلور. بوجمله استفهام «قنئی» مقامنه قائم اولوب «فلان کلدی» دیو ایکسندن برینک تعینتی لازم کلور. بوسورتده «یوخسه» لفظی عربجه نك «ام» متصله سی مقامنه قائم اولور.

کذلک طلب تصدیق مقامنده دخی «یوخسه» قوللانیلور. نته کیم: «خلیفه افندی کلدیمی؟ یوخسه کلدیمی؟» دنیلور. جوابنده: «کلدی» یاخود «کلدی» دنیلور. «فلان افندی خانه سنده میدر؟ یوخسه دکلدر» دنیلور. «خانه سنده در» یاخود «دکلدر» دیو جواب ویریلور. بومثالو مقاملرده، «یوخسه» لفظی «یوق بلکه» دیمک اوله رق ام منقطعه مقامنه قائم اولور.

«یوخسه» لفظی، فی الاصل «یوق ایسه» دیمک اوله رق «وَالَا» مقامنده قوللانیلور. بوسورتده قاف ایله یازلق مناسب اولور. نته کیم: «بنم سوز می دکه یوقسه سنی تأدیب ایدرم» دنیلور. وَبَعْضاً بروجه بالا «ام» حرفنه معادل اولور. بوسورتده «خا» ایله یازیلور. وَبَعْضاً اختصار ایچون «یوخسه» لفظی حذف اولنور. نته کیم: «خلیفه افندی کلدیمی؟ کلدیمی» دنیلور.

«بلکه»، ادات اضرا بدر؛ یعنی: حکمی، معطوف علیهدن صرف ایله معطوفه نقل ایچوندر. نته کیم: «هوانک برودتنه نظر آ جانب شخالده یاغمور، بلکه قار یاغمش اولمق کر کدر» دنیلور. کذلک «برودتک



شدته نظراً بوجیه طاغیره قار دوشه جك، بلکه دوشمشدر، دنیلور.  
 «حتی» قویدن، ضعیفه، یاخود ضعیفدن، قوی به انتقال ایچوندر.  
 نسه کیم: «فلان قلمك کاتبلری، حتی ملازملی بیله بوندن اعلی  
 یازارلر» و «فلان محکمہ نك میزلی، حتی باش میزی بیله بویله بر اعلام  
 یازامازلر» و كذلك «افندی یاندی، حتی او یودی» دنیلور.

«ایمدی»، «لکن» و - فتح همزه ایله - «اما» دخی جمله لری  
 یکدیگره ربط ایدرلر. ایمدی، تفصیل ایچوندرکه برکلام مجملی تفصیل  
 ایچون ایراد اولنان کلامك اوزرینه داخل اولور. و برکلام مجملی  
 شرح و ایضاح ایچون ایراد اولنان تفصیلاته، اکثراً «شویله که»  
 عباره سیله بدأ اولنور.

«لکن»، استدراک ایچوندر، که بر جمله نك ابهام ایلدیکی خاطره یی  
 دفع ایچون ایراد اولنان جمله نك اوزرینه داخل اولور. «آنحقی»  
 «فقط» لفظ لری دخی بعضاً بمقامده استعمال اولنورلر. «اما»  
 دخی بونلره قریب بر معناده استعمال اولنور. شویله که: بر کلامده  
 مبهم قالان بر شیئی ایضاح ایچون کتوریلان جمله نك اوزرینه داخل  
 اولور.

«الحاصل»، «ایمدی»، «تفصیل اجمال»، «لکن»، دفع ابهام،  
 «اما»، ایضاح مبهم ایچوندر.

«زیرا» و «چونکه»، ماقبلنك سبب و علتی اولان کلامك اوزرینه  
 داخل اولورلر.

و بعضاً سبب و علت اولان جمله، «که» اداتیه ماقبلنه ربط اولنور.

بوکون شادم، کہ یار آغلار بنچون

مصراعندہ اولدینی کی ۔

وسبب و علت اولان کلام، اگر مقدم کتوریلور ایسه مابعدی  
آکا «بوسیدن ناشی» یا «بوجهتله» ویا «بناءً علیہ» کی بر عبارتہ ایله  
ربط اولنور۔ و بعضاً بردیلدن صکره صراحۃً ذکر اولنان نتیجہ سنک  
اوزرینہ «اولیہ ایسه» عبارتہ سی ادخال قیلنور۔

وسبب و علت اولان جملہ، مابعدندہ کی جملہ یہ قید اولوبده ایکسی  
برکلام اعتبار اولنہ حق اولدینی خالدہ اولکیسی: صیغۃً صلہ اولہرق:  
«اولدینچون» یا «اولدیندن» ویا «اولدینہ بناءً» کی بر صورت ایله  
جملہ ثانیہ یہ ربط اولنور۔

و بعضاً جملہ اولایہ: «دیو» لفظی علاوہ سیلہ جملہ ثانیہ یہ ربط  
اولنور۔ و بو «دیو» لفظی بعضاً «تعلیل»، بعضاً «ترجی» مقامندہ  
مستعمل اولمغله عربجه نك: «لعل» حرفه معادل اولور۔ و «دیو»، بعضاً  
مابعدینی مفسر و مبین اولور۔ مثلاً: «صدوره یازیلان تذکرہ یہ»،  
«سماحتلو» دیو باشلانور، «نیلدکده» «دیو»، «دیہرک» دیمک اولوب  
باشلامق فعلنی بیان ایلر۔

و بعضاً جملہ اولی، صیغۃً عطفیہ اولہرق ایراد اولنور۔

بیت لمحرره

غالب گلوب خزان وشتابی بهارینہ  
دورک صفای نشہ سی دگمز خارینہ

کی ۔

وَبَعْضاً جَمَلُهُ ثَانِيَهُ نَكَ جَمَلُهُ اُولَايَهُ اَنْجَذَابٌ وَارْتِبَاطٌ مَعْنَوِيٌّ  
وَاضِحٌ وَرَوَابِطٌ لَفْظِيَّةٌ دَن مَسْتَقَى كُورِيلَه رَك فَصَل اُولَنُور .

### للمؤلف

اوينماز زمان کیمسه یه حقیله چاره سر  
لاقید اولوبده کیتلی آدم اویارینه

یارک وفاسی یوق دل اغیار کینه جو  
جودت عزیمت اغلی عزلت دیارینه

یتلرنده اولدینی کبی .

اکثریا ارسال مثل طریقیله ایراد اولتان جمله لر دخی بوقیلدن  
اوله رق فصل اولنور . نته کیم :

تحمل المیز زور هوایه پردۀ عصمت  
کریانجاکی کل دست بیداد صبادندر

یتنده کی مصرع ثانی، ارسال مثل قبیلندن اوله رق مصرع اوله  
اوقدر کوزل مربوط و منجذبدر، که ادات ربطه محتاج دکلدرد .

### فصل سابع

ایجاز و اطناب حقنده در

معنای مقصودی عبارة متعارفه دن اقل اولان عباره ایله ادا  
ایلتک، «ایجاز»، آندن اکثر عباره ایله ادا ایلتک، «اطناب» در .  
عبارة متعارفه، اوساط ناسک معاملات و محاوراتنده استعمال ایده .

کلدکری عادی عباره لردر، که مرادلری آتجق اصل معنای دلالت  
وضیعه ایله افاده در. مقتضیات احواله رعایت دکدر.

بناءً علیه فن بلاغته عبارة متعارفده ذاتاً مزیت یوق ایسه،  
بلغادن بری، مخاطبک حالنه رعایه عبارة متعارفیه مساوی الفاظ ایلا  
افاده مرام ایلا ایسه مقتضای حاله رعایت بولنه جنی جهتله بلیغ  
اولور. و بوکا «مساوات» دنیلور.

و دها مختصر بر عباره ایراد ایتدکده اگر عباره سی اصل معنای  
افاده یه وافی ایسه «ایجاز» دنیلور و آز لفظ ایله چوق معنا افاده  
ایدلمش اوله جنی جهتله عندالبغا پک مقبول اولور. اگر وافی  
دکل ایسه «اختصار مخل» دنیلور و عندالبغا مردود اولور. مثلاً:

جهلا و حقاچه یاشامق  
کدر ایله یاشامقدن یکدر

یتندن مقصد، «جهل و حماقت ایله راحت یاشامق» دور اندیشانه  
وعاقلانه مکدر یاشامقدن اولادر» دیمک ایسه ده عباره سی بو معنای  
افاده دن قاصر اولدیغنه منی «اختصار مخل» دیمک اولدینی جهتله  
مردود اولور.

و عبارة متعارفده دن دها زیاده الفاظ ایله افاده مرام اولندقد  
اگر زیاده سی فائده ضمننده ایسه «اطناب» دنیلور بودخی عندالبغا  
مقبولدر.

و اگر زیاده سی فائده سز ایسه «تطویل» دنیلور و عندالبغا  
مردود اولور. مثلاً: «کذب و دروغ ایکسی دخی بر معنای اولدینی

حالدہ «یا لان» دنیله جک یرده «کذب و دروغ» دنیله تطویل قیلندن اولغله مقبول اولماز.

کذلک مبانی الانشائک خطبه سنده «اول منشی» اسالیب مشاعر و حواس و مرتب صحائف تکوین اساس «عبارہ سنده مشاعر و حواس بر معنایه اوله رق تطویلده هایدی بوکا «عطف تفسیر» دیلم. اما «اساس» کله سی، مجرد سجع ایچون کتورلمش بر حشو اولدینی جهتله مقبول اوله ماز.

ایجاز، یا بلا حذف اولوب «ایجاز قصر» دنیلور، یا خود حذف ایله اولوب «ایجاز حذف» دنیلور.

ایجاز قصر: «قصاصده حیات وارد» کلامی کبیدر، که بوندن مراده «انسانک نه وقت قاتل اولور ایسه قتل اولنه جغتیی بیلمسی، «قتله جسارت ایتمه سنی بادی اولور. بوجهتله پک چوق کیسه لر، «قتلدن قورتیلور و قاتلک قتلی، آنلرک موجب حیاتی اولور.» دیمکدر. ایشته اول کلام موجزده حذف بولمادینی حالده بو قدر چوق معناری مفید اولور.

### مصرع لمعره

شأنه زلف سخندر اعتراض

دخی بو قیلدندر، که «زلف طراندجه کوزلشدیکی کبی سخن دخی اعتراض کوردجه تصحیح اولنه رق کوزلشور» دیمکدر.

ایجاز حذفک انواعی چوقدر. بعضاً جمله نیک بر جزئی حذف اولور. مثلاً «فلان قریه اها لیسندن صور!» دنیله جک یرده، «فلان

قریه دن صورا، دنیلور. «مکتب فنون رشديه» یزنده «مکتب رشديه» و «طریق رجال علیه» یزنده «طریق علیه» تعبیرلری دخی بو قبیلدندر. فصول سالفهده دخی بو مثللو ایجازلرک امثال کثیره سی سبق ایتشدرد. و بعضاً جمله شرطیه حذف اولنور. نته کیم «یارین بزه کل، سکا اکرام ایدرم» دنیلور، که «اکر کلور ایسه، اکرام ایدرم» دیمک اولور. و بعضاً جمله جزائییه حذف اولنورق یرینه دیکر بر جمله اقامه اولنور. نته کیم «سکا معترض وار ایسه اسلاف ادبایه نیجه معترض وار ایدی» دنیلور. که «سکا معترض وار ایسه قید ایتمه، زیرا اسلاف ادبایه نیجه معترض وار ایدی» دیمک اولور.

ایجازک کوزل بر مثالی دخی «بارقه حقیقت تصادم افکاردن چیقار» کلام حکمت اشمالیدر، که تلفظ اولنور ایکن ذهن سامعه کوزل تشبیهلر توارد ایدیور؛ زیرا بارقه نصل که آفاقی آیدینلق ایدرسه حقیقت دخی انفسی تنویر ایلر، حالبو که بارقه یی تعقیب ایدن یاغمور، نصل که باغ و بوستانی اروا ایدرایسه حقیقته متفرع اولان علوم یقینیه دخی حدایق عرفانی احیا ایلر و افکارک اختلاف و تدافعی اجزاء فردیه نک قوه برقیه واسطه سیله تصادمه پک بکزر. آز لفظ ایله نه چوق و نه کوزل مغالر افاده اولنشدرد. اطنابده دائماً بر نکته آرانور. از جمله بعضاً «ایضاح بعدالابهام» ایچون اولور. نته کیم: «انسان قوجه دتجه ایکی خصلتی تازه لنور. آنک بری: حرص، دیکری: طول امل در» دنیلور. بو کلامک اختصاری استیلور ایسه «حرص و طول املی تازه لنور» دنلک لازم کلور؛

فقط سامعك نظر دقتی جلب ایله سوزی کرکی کبی اصفا ائلسی  
ایچون ابتدا مبهم اوله رق ایراد اولنوبده بعده ایضاح اولمشدر.  
«ایکی شیک قبل الزوال قدری بیلنمز. بری: صحت، دیکری: امنیتدر»  
فقره سی دخی بو قیلدندر.

و بعضاً بر لفظ اعمك ذکرندن سوکره آنک مشغلاتندن اولان  
بر اخصك ذکريله اولور. بو دخی اخصك فضل و مزیتنه تنبیه  
ایچوندرد. شویله که: «اعمدن خارج بشقه بر نوع» ایش کی ادعا  
ایدلش اولور.

نته کیم: انواع حیواندن بری، انسان اولدینی حالده سائر انواعه  
نسبتله فضل و مزیتی اولدیغندن کویا جنس حیواندن دکل ایش کی  
آنک اوزرینه عطف اولنهرق «حیوان و انسان» دنیلور.  
و بعضاً معنای مقصودی تقریر و تأکید ایچون بر قیدك علاوه-  
سیله اولور. و بوکا «تیم» دنیلور.

نته کیم «کوزمله کورددم. بک افندی مسافرینی اک زیاده سودیکی  
آته بندردی» دنیلدکه «کوزمله» و «اک زیاده سودیکی» لفظلریک  
علاوه سی کی.

و بعضاً لکنته سوزك تکراريله اولور. نته کیم: تأکید انذار  
ایچون «بویله ایتمیکنز! صکره کوررسکنز! صکره کوررسکنز!» دنیلور.  
اما بلا سبب تکرار اولنور ایسه تطویل قیلندن اولغله مردود  
اولور.

و بعضاً بر جله یی تأکید ایچون آنک معناسی مشغل اولان بر جله

الحاق اولنور. و بوکا «تذیل» دنیلور. نته کیم: «آنلر بلالرینی بولدیلر.  
انسان ایتدیکنک جزاسنی چکر» دنیلور.

بعضاً دخی کلامده خلاف مقصدی ابهام ایدر. برشی بولمغله آنی  
دفع ایچون بر سوز علاوه اولنور.

نته کیم: «احبابی یاننده قوزی کبیدر؛ اما اعدایه قارشو آرسلاندر.»  
دنیلور، که اولکی جملهده خلقنک ملایمتی جباتندن اولمق احتمالی  
وارد خاطر اولمغله آنی دفع ایچون جملهٔ ثانیه علاوه اولنمشدر.  
وبعضاً دفع ابهامدن بشقه برنکتهیه مبنی سوز آردسنه بر جمله  
ادخال اولنور. بوکا «جملهٔ معترضه» دنیلور.

نته کیم: «استانبول شهری - الله تعالی دها زیاده معمور ایتسون -  
عالمک فهرستیدر» دنیلور کده مسند الیه الیه مسند آردسنه جملهٔ دعائییه  
ادخال اولنمسی کی.





## باب ثانی

طرق افاده بیاننده اولوب برآمده ایله بش فصلی مشترکدر

مقدمه

بالاده بیان اولندینی اوزره حقیقت، معنای موضوع لهنده مستعمل اولان لفظدر. و معنای حقیقیسی متعدد اولان کلمه، «لفظ مشترك» دنیلور. «کوز» لفظی کی، که لسان ترکیده «انسانک» آلت بصری و «صو منبعی» معالرنده مشترك اولوب استعمالده قرینه معینه ایله یومعالردن بری تعین ایدر. «چاللق» دخی بوقیلدندر، که «چاڭ چاللق» و «مال چاللق» معالرنده مشترکدر.

فقط بر معنای لغویدن برعلاقه و مناسبتیه مبنی بر معنای شرعییه و یا عرفیه نقل ایله وضع اولنان کلمه، «منقول» دنیلور، که برجهتله «حقیقت» و برجهتله «بجاز» اولور.

مثلا: «صلات» لفظی، لغتده «دعا» معناسنه اولدینی حالده اصطلاح شرعده «نماز» معناسنه وضع اولنمش اولغله دعا معناسنده استعمال اولندینی حالده لغته نظراً: «حقیقت» و اصطلاح شرعه نظراً: «بجاز» اولور.

«دابه» لفظی دخی لغت «ریوزنده کزن حیوان» دیمک اولدینی حالده عرفاً: «فرس» معناسنه نقل اولنمغله اولکی معناده استعمال اولندینی حالده لغت: «حقیقت» و عرفاً: «مجاز» اولور و «فرس» معناسنده استعمال اولندینی حالده لغت: «مجاز» و عرفاً: «حقیقت» اولور.

کذلک «صاریق»، صارمق فعلندن مشتق برصفت اوله رق علی- الاطلاق «صارلمش اولان شی» دیمک اولور. اما عرفاً صورت مخصوصده باشه صاریلان و «عمامه» دنیلان بزه تخصیص اولنمشدر. و مناسبت کوزدلیه رک بر معنادن دیگر معنایه نقلاً وضع اولنان کلمه یه: «مرتجیل» دنیلور. و هر قنی معناده استعمال اولنسه آکا موضوع اولدینی جهتله «حقیقت» اولور. بر مناسبت ملاحظه اولنمقسنزین چوجقلره وضع اولنان اسملر کی.

اما وضع و علاقه اولمقسنزین بر لفظک معنای موضوع لهندن بشقه بر معناده استعمالی صحیح اولماز. مکرکه غلط اوله رق استعمال اولنه. نته کیم: بر کتابه اشارت اولنه رق «طوت شواتی» دنیلدیکی کی. و بر لفظ، بلا وضع بر علاقه یه مبنی- موضوع لهک غیری بر معناده مستعمل اولدینی حالده اگر موضوع لهک اراده سنه مانع قرینه بولنماز ایسه: «کنایه» دنیلور. و اول وجهله قرینه مانعه بولنور ایسه: «مجاز» دنیلور. و بعضاً مقید اوله رق: «مجاز لغوی» دخی دنیلور، که: «مجاز عقلی» مقابلی اولور.

مجاز عقلی، اسنادده «مجاز» دیمکدر. اما علی الاطلاق «مجاز»

لفظی ذکر اولندینی حالده «مجاز لغوی» مراد اولور. ایشته بونک  
علاقه سی مشابہت ایسه: «استعاره» و بشقه بر مناسبت ایسه: «مجاز  
مرسل» دنیلور.

بونلرک هربری برر فصلده بیان اولنه جقدر. و «تشبیه» بین الادبا  
کثیر الاستعمال اولان استعاره نک مبنی علیہ اولدقدن بشقه تشبیه اتده  
پک چوق لطائف بیانیه بولنغله ادبانک آت اوینا دقلری بر میدان  
مسابقه در. بناءً علیه تشبیه ایچون دخی بر فصل مخصوص یازیله.  
جقدر. من الله توفیق.

علمای بیانیه بونده متفقدرد، که «مجاز و کنایه، حقیقتدن، و استعاره،  
تشبیهدن ابلغدر.



## فصل اول

مجاز عقلی بیاننده در

«مجاز عقلی» بر فاعلی ماهو لهنه، یعنی: عند المتکلم حق اولان  
ملابسنه اسناد ایتیموبده ماهو لهک غیری اولان ملابسنه اسناد  
ایتمکدر.

فعله فاعلی ملابس اولدینی کبی زمان و مکان و سببی دخی ملابس  
اولور. و بونلرک فعله ملابسده فاعل ایله اشتراک لری مجاز عقلینک  
علاقه سیدر؛ فقط بونده دخی قرینته مانعه بولنق شرطدر.

مثلاً: برمتدین کیمسه: «موسم بهاره، اوتلری انبات ایلدی» دیدکده

«مجاز عقلی» اولور؛ زیرا آنک عندند اوتلری انبات ایدن؛ باری تعالی  
حضر تلریدر، فقط وقتی بهار اولغله صانکه اوتلری اول موسم انبات  
ایدیور کبی تحیل ایدهرک «انبات» فعلنی زمانه اسناد ایلر. اما  
بوسوزی بر دهری سوتلش اولسه «مجاز» اولیوب «حقیقت»  
اولور.

مجاز عقلینک یا ایکی طرفی حقیقت و یا ایکسیده مجاز لغوی،  
یاخود بری؛ حقیقت، دیکری: مجاز لغوی اولور. نتهکیم: مثال  
مذکورده ایکی طرفی دخی حقیقتدر. و: «زمانک نوجوانلنی یری  
احیا ایلدی.» دیدیکمزده ایکی طرفی دخی مجاز اولور؛ چونکه نوجوانلق،  
انسانک حرارت غریزه سی زیاده و قوی اولمقدن عبارت اولدینی  
حالده بوراده مجازاً «قوة نامیه نک ازدیادی» معناسنده مستعملدر.  
حقیقه: «احیا» دخی: «حیات و یرمک» معناسنه اولوب حس و حرکت  
ارادیه بی مقتضی و بدن و روحه محتاج اولور؛ لکن بوراده مجازاً:  
«قوة نامیه بی بالتهیج انواع نباتات ایله یره حسن و رونق و یرمک»  
معناسنده مستعملدر. و «موسم بهار، یری احیا ایتدی» دیدیکمزده  
مسندالیه طرفی، «حقیقت»، مسند طرفی، «مجاز» اولور. و: «زمانک  
نوجوانلنی اوتلری انبات ایلدی» دیدیکمزده مسند الیه، «مجاز»،  
مسند، «حقیقت» اولور.

کذلک «سردار اکرم دشمنی منهزم ایتدی» دیدیکمزده طرفینی  
حقیقت اولدینی حالده «مجاز عقلی» اولور؛ چونکه حقیقت حالده  
دشمنی منهزم ایدن، سردارک عسکریدر. کندوسی آمر و مدبردر؛

فقط بوفعلده دخل عظمی اولدیغدن اول فعل، سبینه اسناد قیلندن اوله رق آکا اسناد اولور.

«مجتکز بنی بورایه قدر کتوردی» و «ملاقاتکز بکا مسرت ویردی» جمله لری دخی بو قیلنددر.

«فلان آدم عین عدالتدر» یا خود: «عدالت مجسمه در» یا خود: «عدالت اودر» جمله لری دخی کذلک «مجاز عقلی» قیلنددر؛ چونکه عدالت، اول آدمک ایشلیدیکی ایشله محمول و مسند اولور؛ ذاته محل و استاد اولسه ماز؛ فقط چوق عدالت ایلدیکی جهته کویا عدالت تجسم ایتش کی تخیل اوله رق آکا اسناد اولنور.

اگرچه بو مثللو ترکیبلرده مضاف محذوفدر؛ یعنی: «اهل عدالت» یا: «صاحب عدالت» دیو تأویل اولنق دخی قابل ایسه ده بو تقدیرجه مطلوب اولان مبالغه فوت اولوب عادی سوز حکمنه کیرر.

### تذیل

بروجه بالا مضاف حذف اولنوبده مضاف الیه آنک مقامنه اقامه اولندیغی حالده: «مجاز حذفی» دنیلور. یرینه کوره بودخی برطریق مسلوکدر؛ فقط متکلمک غرضنه عائد بر مسلکدر.

نته کیم: برشیئی اوکرنمک ایچون: «اهل قریه دن صور» دنیله جک یرده: «قریه دن صور» دنیله «مجاز حذفی» اولور. اما برکیسه خراب و اهاالیسی نایاب اولان بر قریه نک اوکندن کچر ایکن نصح و ایقاظ یولنده رفیقنه، یا خود عبرت و ایقاظ یولنده کندو کندویه: «شو

قریه به صور که اهایلی نه اولدی» دیسه مجاز حذفی به حمل اولنه ماز. کذلک بروجہ بالا «فلان آدم عدالتدر» دنیلسه، مبالغه حصولی ایچون مجاز عقلی به حمل اولنق مناسب اولماز.

## فصل ثانی

مجاز مرسل بیاننده در

«مجاز مرسل»، معنای موضوع لهک اراده سنه مانع قرینه اولدینی حالده مشابہدن بشقه برعلاقه مبنی معنای موضوع لهک غیریسندہ مستعمل اولان لفظدر.

«علاقه»، موضوع لهک غیری اولان معنائک معنای موضوع لهه دهنده فی الجمله لزوم و اتصالیدر. یعنی: بو معنای حقیقیدن اول معنای مجازی به ذہنک انتقالی <sup>مصحح</sup> اولان بر مناسبتدر.

لسان عثمانیده مشابہدن بشقه مشہور اولان علاقہ لر، شونلردر: «آلیت»، «مظہریت»، «حلول»، «سببیت»، «جزئیّت»، «عموم»، «اطلاق»، «کونیت»، «اولیت».

«آلیت»، معنای حقیقینک، معنای مجازی به آلت اولمسیدر. نته کیم: آلت تکلم اولان عضو معلومه موضوع: «لسان» لفظی، لغت معنا- سندہ استعمال اولنور. وَ: «لسان عرب»، «لسان ترک» دنیلور.

«مظہریت»، معنای حقیقینک معنای مجازی به محل ظہور اولمسیدر. نته کیم: «قول»، قوت وَ قدرتک محل ظہوری اولدیغندن «قدرت»

معناسنده استعمال اولنور و «سَنَك قَوْلِكَ اوزوندر» دنیلور.  
 «حلول»؛ معنای حقیقی ایله معنای مجازیدن بری دیگره محل  
 اولمقدر. مثلاً: «منغلی یاق» دنیلور و ذکر محل و اراده حال طریقله  
 «ایچنده کی کور» اراده اولنور. «بو آتشی اوته کی اوطهیه» کورتور  
 دنیلور و ذکر حال و اراده محل طریقله «ایچنده آتش اولان منغل»  
 مراد اولنور.

«سببیت»؛ معنای حقیقی ایله معنای مجازیدن بری؛ دیگره سبب  
 اولمقدر. نته کیم: «برکت یاغیور دنیلور» و ذکر سبب و اراده مسبب  
 قیلندن اوله رق برکتن «یاغیور» قصد اولنور. «آتش باصدی»  
 دنیلور و سبب و علت اولان آتشدن «حرارت» قصد اولنور.  
 «جزئیّت»؛ معنای حقیقی ایله معنای مجازیدن بری؛ دیگرینک جزئی  
 اولمقدر. نته کیم: ذکر جزء و اراده کل قیلندن اوله رق: «طرناغمی  
 کسدم»، «صقالی کسدردم» دنیلور.

«عموم»؛ معنای حقیقی ایله معنای مجازیدن بری؛ دیگرندن اعم  
 اولمقدر. نته کیم: «حیوان» دنیلوبده خصوصیت وجهله «آت» اراده  
 اولنور. اما عامک خاص ضمننده تحقیقی اعتباریله بر فردی مراد  
 اولدینی حالده «حقیقت» اولور. مثلاً: «بر حیوان کورددم» دنیلبدکه  
 حیوان افرادندن بر فردی ضمننده تحقیقی اعتباریله معنای موضوع  
 لهنده استعمال اولنمغله «حقیقت» اولوب «مجاز» اولماز.

«اطلاق»؛ معنای حقیقی ایله معنای مجازیدن برینک؛ «مطلق»  
 و دیگرینک؛ «مقید» اولمسیدر. نته کیم:

عالم، او عالم اولدیغی شمدی آکلادم  
عالمده آدم اولدیغی شمدی آکلادم

یتیمده کی آدمدن، «کامل و وفاکار آدم» اراده اولندیغی کی.

«کونیت»، بر شیئی حال سابقک اسمیه تسبیحه ایتمکدر. نته کیم:  
«یتیمده ماللرینی و یریکز که سن رشده بالغ اولدیلر» دنیلور و «مقدما  
یتیم اولان یکتیلره ایتم صندوقلرنده محفوظ اولان ماللرینی و یریکز»  
دیمک اولور.

«اولیت»، بر شیئی صکره بولنه جنی حالک اسمیه تسبیحه ایتمکدر.  
نته کیم: «آتش یاق» دنیلور و «آتش اوله جق کوری یاق!» دیمک  
اولور. کذلک «بغدایلر بتدی» دنیلور و «بغدا ی اوله جق اکنلر  
بتدی» معناسی اراده اولنور.

«مجاز مرسل»، بعضاً دخی لفظ مرکب اولور. نته کیم: «اقرانم  
منقرض اولدی». «قدریمی بیلن قالمدی» دنیلور. و سببیت علاقه سیله  
«محزونم، مکدرم» معناسی قصد اولنور. صیغ عقود کی «انشا» معنا-  
سند مستعمل اولان سائر «جمله خبریه لر» دخی بوقیلنددر.

ذکر اولنان علاقه لر، بعضاً مشابیهت ایله مجتمع اولور. بناءً علیه  
بر لفظ، بر جهته «مجاز مرسل» و دیگر جهته «استعاره» اولور.

مثلاً: «آنک حالی بویه سویلیور» دینلده سویلکدن، «دلالته»  
معناسی مراد اولور و سویلتنک دلالته سبب اولدیغی ملاحظه  
اولنورسه: «مجاز مرسل» اولور و اگر افهام مرآمده دلالته نطقه  
تشبیهی ملاحظه اولنورسه: «استعاره» اولنور.



## فصل ثالث

تشبیه بیاننده در

«تشبیه» بر شیئه مزید اختصاص و تعلق اولان وصفده، دیگر  
شیئک مشارکت و مماثلتنه دلالت ایتمکدر.

بو ایکی شیء تشبیهک طرفیندر، که بری: «مشبه»، دیگرى:  
«مشبه به» در. و ایکیسنک مشارک اولدقلری وصفه: «وجه تشبیه»  
و «وجه شبه» دنیلور. ارکان تشبیه، درتدر: «مشبه»، «مشبه به»، «وجه  
شبه»، «ادات تشبیه» در.

لسان ترکیده اادات تشبیه، «کی» حرفیدر. و بعضاً بومقامده:  
«صانکه» و «گویا» کی لفظلر قوللانیلور.

تشبیهده، طرفینک ایکیسی دخی مذکور اولوق شرطدر. بریسی  
مطوی اولور ایسه: «استعاره» اولور؛ نته کی: تفصیلی فصل مخصوص-  
صنده کلور.

اما طرفیندن بری، قرینه یه بناء حذف اولنور ایسه مذکور  
حکمنده اولغله یه تشبیه قیلندن اولور. مثلاً: «فلان نصدر؟»  
دیین کیسه یه جواباً: «آرسلاندر.» دنیلدکده: «او کیسه آرسلان  
کیدر» دیمک اوله رق «تشبیه» قیلندن اولوب «استعاره» اولماز.  
«وجه شبه»، مذکور اولور ایسه «تشبیه مفصل» دنیلور. و متروک  
اولور ایسه: «تشبیه مجمل» دنیلور و مبالغه یی مفید اولور. مثلاً:  
«زید، شجاعته آرسلان کیدر» جمله سنه نسبتله «زید» آرسلان

کبیر، جلہ سی، تشبیہ دہا مبالغہ لیدر. تشبیہ مجملہ، «وجه شبہ»  
بعضاً ظاہر اولوب آنی ہرکس آکلار. نته کیم: «زید، آرسلان  
کبیر، ذیلد کدہ وجہ شبہ: «شجاعت» اولدینی ظاہر در. و بعضاً  
خفی اولوب آنی آنجق خواص آکلار.

قیلدی مقتون نکهک دلری ہاروت مثال  
ایتمدن غزمہ لک فتنہ بہ آغاز ہنوز

یلتندہ اولدینی کی.

ینہ تشبیہ مجملہ، بعضاً طرفیندن برینک، یاخود ایکسینک وجہ  
شبہی اشعار ایدن وصفی ذکر اولنور.  
نته کیم:

مسافات حیاتی قطع ایچون کردوئے عمرہ  
سپہرک مہر وماہی چرخ ایشی ایکی تکرلکدر

یلتندہ «عمر»، عربہ یہ تشبیہ اولدینی کی «مہر وماہ» دخی ایکی  
تکرلکہ تشبیہ اولنوب دوز، مصمت و مدور اولق دخی «وجه  
شبہ» در، کہ «چرخ ایشی» وصفی، آنی اشعار ایدر.

عاقبت کوکلم اسیر ایتدک او کیولرلہ سن  
ہی نہ جادوسین، کہ آتش باغلادک مولرلہ سن

یتی دخی بوقیلدندر، کہ خارق العادہ ایش کورمک، «وجه شبہ» اولوب  
«یانار آتش کی اولان کوکلی مولرلہ باغلامق» وصفی دخی آنی  
اشعار ایلر.

وجہ شبہدہ اتم واشہر اولان طرف، «مشبہ بہ» قیلنور. بہادر  
آدمی، آرسلانہ و حجتی شمشہ تشبیہ کی.

بعضاً مبالغه ایچون امر بالعکس اولور. و «مشبهه» قیلان طرفک  
اتیتی، ایهام ایدیلور. بوا یسه، ادعائی بر اتمتدر. ایشته بوکا «تشبیه  
مقلوب» دنیلور. آرسلائی، بر بهادره، شمس، حجت باهره یه تشبیه  
کی.

عبر آمیز اسرار نسیم صبا  
عجبا یار کا کلنی طرار

یتتی بوقبیلندر، که «بوی»، «عبره»، «شمیم»، کا کل یاره تشبیه اولنمشدر.

نرکس نکه دیدۀ ییارینه مشتاق  
سنبل کره طره طرارینه مشتاق

یتتی دخی بوقبیلندر.

الحاصل، کرک حقیقه، کرک ادعاء وجه شهده اتم واشهر اولان  
طرف، «مشبهه» قیلنور و ناقص اولان طرف، «مشبه» قیلنهرق  
آکا اطلاق اولنور.

اما ایکی شیک بر امرده جمعی قصد اولنور ایسه تشبیهدن صرف  
نظر اولنهرق «تشابه» و «تساوی» یولنه کیدیلور.

سرمو فرق یوقدر ییئزده زلف دلبره  
سیه بختز، پریشان روزکارز، خانه بردوشز

بیتیه:

ییلز اولدم ساقیا! درد فراق یار ایله  
میمدر بویا سرشک چشم کریا نمیدر؟

بیتنده اولدینی کی.

طرفینک وجه شهده اشتراکی، یا «تحقیق»، یا خود «تخیلی» اولور.

بکزر؛ نصل که قیو جی، حلیاندن برشی یاپه جق اولدینی حالدہ اوْلا :  
 درر وجواہری سچر، ثانیاً : آنلرک متناسب اولنلرینی یان یانہ دیزر  
 ایسہ ادیب دخی کلمات فصیحہ یی سچر و آنلری یکدیگرندن متنافر  
 اولمہ جق وجہلہ دیزر. ایشته آنک بوا یکی ایشی، فصاحت دیمکدر؛  
 فقط قیو جینک بروظیفہ سی دہا واردرکہ یاپہ جفی شینک نرہ یہ طاقلہ -  
 جغنی بیلوبدہ آکا کورہ ایشلسیدر. یوخسہ کردنلک بیچمندہ بریوک  
 کوبہ یاپار ایسہ ایشہ یاراماز. ایشته بوامر ثالث دخی مقتضای حالہ  
 مطابقئتک مثالیدر .

بورادہ حالدن مراد، حاصل معنای افادہ ایلہ برابر برخصوصیتی  
 اعتبارہ سبب اولان شیدر. کہ آکا «مقام» دخی دینور. کلامک اولیلہ  
 بروجہ مخصوص اوزرہ ایراد اولتمسندن مقصود اولان اغراضہ:  
 «معانی ثوانی» و ترکیبک مجموع مدلولاتہ: «معانی اوْل» دنیلور .  
 مثلاً: برخواجہ، چوجققرہ عقاید دینیہ تعلیم ایدرکن «انسان  
 اولدکن صکرہ دیریلہ جکدر» دیر و بوخصوصدہ چوجققرہ خالی  
 الذہن اولدقنلرندن کلامی تأکیدہ محتاج اولمیوب بویلہ اطلاقی اوزرہ  
 براغور؛ اما آخرتی منکر اولان کیسہ یہ خطاب ایدہ جک اولدینی  
 تقدیردہ: «انسان اولدکن صکرہ البتہ دیریلہ جکدر» دیو کلامی  
 تأکید ایلر. بوصورتدہ «البتہ» قیدی، اصل معنی اوزرینہ زائد  
 برخصوصیتدر و مجموع عبارہ نک مدلولی، معانی اوْلدندر و مخاطبک  
 انکارینی رد ایتک، معانی ثوانیدندر؛ کہ کلامک مؤکد اولہرق  
 ایرادندن غرض اودر و مخاطبک انکاری، مقام تأکیددر؛ یعنی :

بوصورتده طرفین دخی بعضاً مفرد و بعضاً اول وجهله مرکب،  
یعنی: برر هیئت منتزعه اولور.  
نفیعنک آت مدحنده اولان:

جهان سرعته کویا فلکده کاسه سمی  
سرمیخی ثوابت نعل زریندر یکی آبی

ییتنده اولدییی کبی، که آتک طرفناغی، «مشبه»، و فلک، «مشبه به» اولوب  
ایکیسی دخی مفرد در. بر مقعر جرمک اطرافنده کچوک کچوک پارلاق  
جرملر ایله بر شکل مقوسدن منتزع اولان هیئت دخی «وجه شبه» در.  
ایکی فرقه عسکریه نك تصادميله اجرا اولنان اسلحه بیضا محاربه.  
سنک بیانی مقامنده: «یردن قالقوبده باشلرمزک اوزرنده تکائف  
«ایدن توز ایچنده قلیچلرمزک پارلاشی، کیجهلین علی التوالی بربری  
«اوزرینه دوشن ییلدزلرک کورنشی کبی ایدی» دنیلدکه یردن قالقوبده  
تکائف ایدن توز ایله جهات مختلفه یی سرعت ایله حرکت ایدن  
قلیچلردن منتزع اولان هیئت، «مشبه» و کیجهلین متوالیاً متساقط اولان  
شهابلردن منتزع اولان هیئت، «مشبه به» اولوب بر قرا کلک شی ایچنده  
مشرق و مستطیل و متناسب جرملرک جهات مختلفه حرکتلرندن  
منتزع اولان هیئت دخی «وجه شبه» در. بوجهتله اوچی دخی هیئت  
منتزعه اوله رق مرکدرلر.

زلفن دوکوب عذارینه او ماهرو کرر  
کویا درون ابر فلکده قر کرر

یتیله مؤلفک :

ککش سروی تماشا ایتون اول مه بحر اشکمه  
کوزمده چون خیال قد سیم اندامی قالمشدر

بیتی دخی بو قبیلدندر.

بویله مرکبک مرکبه تشبیهی، بعضاً بر صورتده اولور، که  
طرفینک اجزاسی دخی یکدیگره تشبیه اولنه بیلیر ایسه ده اصل لطافت  
و حسن تأثیر، هیئتک هیئته تشبیهنده اولمغله اجزائک یکدیگره  
تشبیهی، مقصد اصلی اولماز. سالف الذکر مثاللرده اولدینی کبی.  
بعضاً بر صورتده اولور که اجزائک یکدیگره تشبیهنده حسن  
و لطافت بولماز.

نته کیم: «مشتری» نك آرقه سنده «مریخ» ك كورنشی، بر امیرك  
اوکنده مشعله ایله ضیافتدن عودت ایدیشه تشبیه اولندقه هیئت  
منتزع نك هیئت منتزعه تشبیهی، مستحسن اولور ایسه ده مریخك  
رأساً ضیافتدن عودت ایدن امیره تشبیهی، چندان مستحسن اولماز.  
كذلك فضولینك:

سبزه اوزره کزدر بر گل برکنی باد صبا  
صانکه سبزه آسماندر کوبک سیار گل

بیتنده: ورق کلک سبزه اوزره سیرندن منتزع اولان هیئتی، کوکده  
کوبک سیرندن منتزع اولان هیئته تشبیهی، مستحسن ایسه ده  
منفرداً سبزه نك، گوگه، کلک، کوبکه تشبیهی کوزل اولماز.

احاطه ایتدی تن زردمی سرشك كدر  
میان جویده قالدیم مثال نیلوفر

بیتی دخی بو قبیلدندر، که هیئت منتزع نك هیئت منتزعه تشبیهی،

مستحسن ایسده یالکز تن زردک نیلوفره تشبیهی، چندان مستحسن  
دکدر. و كذلك:

رخنده خال هندو خوابه وارمش کا کل اورتمش  
شہ ملک حبشدر کل دوشمش سبل اورتمش

یتی، مرکب مرکب تشبیهی قیلندن اولوب بونده رخک، کله  
و کاکلک، سبله تشبیهی مستحسن اولور ایسده برعادی تشبیه قیلندن  
اولور. منفرداً خالک شہ ملک حبشه تشبیهی ایسہ چندان کوزل  
اولماز.

بعضاً ایکی ضدک، ضدیتده اشتراکیرینه بناءً نفس تضاددن وجه  
شبه انتزاع اولنهرق تملج یا تمکم واسطه سیله تناسب منزله سنه تنزیل  
قیلنور. نتہ کیم: مزاح و لطیفه سیاقنده، یا خود استہزا مقامنده  
قورقاق بر آدم حقنده: «آرسلان کبیدر» و بخیل کیسه حقنده:  
«حاتم کبیدر» دنیلور.

تشبیهک طرفینی، بعضاً متعدد اولور. شویله که: یا مشہلر بربرینه  
و مشہلر دخی آبروجه بربرینه مربوط اوله رق ایراد اولنور لر.  
ایشته بوکا «تشبیه ملفوف» دنیلور.

حسد قلب عدو لطف ایلہ اولماز زائل  
ستکده مضمحل اولان آتہ آب ایتراثر

یتندہ اولدینی کی کہ قلب عدو، طاشہ، حسد، آتہ و لطف، صویہ  
تشبیه اولنمشدر.

پاک طینت کوشہ غربتده. خوار اولسونمی هیچ  
کوهر آغوش صدقندن دور اولور قیئلنور

بیتله :

یار ایچون اغیاره منت ایتدیکم عیب ایله  
باغبان برکل ایچون بیک خاره خدمتکار اولور

بیتی دخی بوقیلدندر .

یاخود هر مشبه به، کندو مشهنگ یاننده کتوریلور . بوکا دخی  
«تشبیه مفروق» دنیلور . «یوزی کلدور، صاحی سنبل، کوزی ترکس،  
قدی سرو» کی .

سینه ده بر لحظه آرام ایله ! کل جاتم کی  
کجه ای روح ! روان عمر شتابم کی

بیتی دخی بوقیلدندر که جانانک سینه ده آرامی، جانک تنده طور مسنه  
و بلا توقف: کچمی، عمرک سرعت مرورینه تشبیه اولمشدر .  
اگر یالکز مشبه متعدد اولور ایسه «تشبیه تسویه» دنیلور .  
زلف یار ایله عاشقک حالنی، «لیالی به»، و یارک دیشلریله عاشقک کوز  
یاشلرینی، «لالی» به تشبیه کی .

گاه انکشت محاسن کھی لعن اموب  
دانه عناب ایله نوش شراب اغزمیسین

بیتی دخی بوقیلدندر .

و اگر یالکز مشبه به متعدد اولور ایسه «تشبیه جمع» دنیلور .

بخت قینی ظلت لیلی جمال لیلی بی  
باشنه جمع ایلیوب اول شوخ کیسو قومیش آد

بیتنده اولدینی کی .

دئلله اوغرا دیم درده بن بو عالمده  
نه بلبل اوغرا دی نه طوطی شکر گفتار

بیتی دخی بوقیلدندر .



وجه شبه اعتباریله تشبیه، ایکی قسمه تقسیم اولنور. شویله که: «وجه شبه»، اگر تدقیق نظره محتاج اولمقنیزین بادی رأیده ظاهر اولور ایسه: «تشبیه قریب مبتدل»، و خلافی تقدیرنده: «تشبیه بعید غریب» دنیلور.

مثلا: شمسک، استداره و استنارده مدور آینه یه تشبیه، «قریب مبتدل» در. اما آخشام اوستی شمسک ید مرتعشده کی آینه یه تشبیه، «بعید غریب» در، که بونده وجه شبه، هیئت منزعه در؛ یعنی: مستدیر و مستنیر اولان جرمدہ ضیائک حرکت سریعسی و صانکه دائره سنک اطرافنه طاشه جق کبی کورنمسی خصوصلرندن منزع اولان هیئت و کیفیتدر. بونده تفصیل بولمغله بادی رأیده ظاهر اولمیوب تأمله محتاج اولور.

کذلک روزکار ایله آشاغی یوقارو تمایل ایدن قیرمزی شقایق، زبرجددن مصنوع قارغیلر اوزرینه آچلمش یاقوتدن بیراقلره تشبیه ایتدی کمزده: «بعید غریب» اولور، که بونده دخی «وجه شبه»، بر هیئت منزعه خیالیله در.

و کذلک اوق دمرنلری انیاب اغواله تشبیه اولندقدہ وجه شبه، «وهمی» اولمغله «بعید غریب» اولور.

و بعضاً «قریب مبتدل» ی ابتدال دن تخلیص ایده جک وجهله تصرّف اولنور.

ای آفتاب! یار ایله دعوی حسنی قو  
رفع نقاب ایدوب سنی برکون حجابہ قور

بیتندہ اولدینی کی، کہ وجہ حسنک آفتابہ تشبیهی، «قریب مبتذل»  
اولدینی حالده: «رفع نقاب» ایله: «حجاب» سوزی، آنی ابتذالدن  
چیقارمشدر. تشبیهدن غرض، اکثریا مشبہه عائد اولور. بودخی  
یامشبهک حالتی بیاندر، یعنی: نه حال وصفده اولدینی تعریفدر.  
بوصورتده مشبهه بهک وجہ شبه ایله اعرف واشهر اولسی لازمدر.  
بر آتک نه رنکده اولدینی تعریف ایچون رنکی معلوم اولان آتہ  
تشبیه اولنسی کی.

واردقہ خواب نازہ دخی کا کل اورتور  
خال عذاری کل دوشنور سنبل اورتور

بیتندہ اولدینی کی، که جانانک رخساری، کله وکا کلی، سنبله تشبیه  
ایله اینکسنک دخی رنکبری تعریف اولنمشدر.

سیاه بخت و پریشان و خانه بر دوش  
بوروزکارده مانند طره دلدار

بیتی دخی بو قبیلدندر.

یامشبهک مقدار حالتی بیاندر، یعنی: حال وصفتنک ضعف  
وقوتجه و نقصان و زیادهجه درجه و مقدارینی تعریفدر. بوصورتده  
دخی مشبهه بهک، وجہ شبه ایله اعرف اولسی فقط درجه و مقدار-  
جه متساوی اولملری لازمدر.

نته کیم: برشیئک مقدار صفرتی بیان ایچون لیونہ، یاخود کهریایه  
تشبیه اولنور. یاخود «قاریه صاریسی» دیو تعریف قیلنور.

موبو دقتلر ایتدم قیل قدر فرق ایتدم  
قاشلرک بالله بکم دوشکده کی سموردن

بیتی دخی بو قبیلدندر.

ويا سامعك ذهن و خيالنده مشبك حال و شاتي تقرير و تقويه در.  
 بوضورتده مشبهبك وجه شهبده هم اعرف، هم اتم اولسي  
 لازمدر. بودخي اكثر يا معقولي محسوسه تشبيه ايله اولور، كه انسانك  
 محسوس ايله الفتى و طبيعتك آكا ميلاني زياده اولديغندن معقول  
 آكا تشبيه ايله خيالده تجسم ايتديريلور. نته كيم: سعي و عماندن قائده  
 كورمين كمسه حقنده: «بوز اوستنه يازو يازار» دنيلور.

كاسه فففور لبريز اولسه هيچ و يرمن صدا  
 ثروت افزايش بولنجه اغنيا خسته لنور

بیتی دخی بو قیلدندر.

آق دکر بوغازينك وصفنه دائر اولان مشهور مقاله منشيانه دن:  
 «آخشا ملرينك لطافتی صبا حارينك روحايتنه نسبت اولنسه  
 «آره لرنده، اويقوسزلقدن جمالنی رنگ ملال بوريمش و جامه خواب  
 «يرينه سياه کيسولرينه بورونمش ده هنوز اويقويه وارمش براسمر  
 «کوزليله صرمه صاچلريني بويننك اوستنه طاغتمش و غایت خفيف  
 «برسحاب ايله مستور اولان نور سحر کي کوکسني براينجه تل ايله ستر  
 «ايتمش هنوز مائي کوزلريني اويقودن آچمش صاف چهره لی بر دلبر  
 «قدر فرق بولنور.»

فقره سی دخی بو قیلدندر.

ياخود وقوعی استبعاد اولنان حکمك ديكر حکمه تشبيه ايله امکان  
 وقوعنی بياندر. بوضورتده مشبه بك معروف و مسلم اولسي  
 لازم كلور.

امتیاز ثابت و سیاره مشکدر خیال  
ظن ایدر سکان کشتی ساحل دریا یورر

بیتنده اولدینی کبی، که ثابت و سیار مشاهداتدن اولمغله یکدیگر کردن  
تمیز اولناملری مستبعد و امکانش بر حکم کبی کورندیکی حالده مصرع  
ثانی ایله بیان و اثبات اولنمشدر.

چراغك حننی انکار ایدنلر روز روشننده  
سمتزار ایجره کورسونلر فروغ شمع کلناری

بیتی دخی بو قیلدندر. یاخود مشبهی، سامعك ذهننده تزیین  
و تحسیندر. بو صورتده دخی مشبه بهك حکمی، یعنی: وجه شبهك  
اکا ثبوتی، معروف و مسلم اولمق لازم کلور.

وصف دندانتي که دل محزون سویلر  
سویلز سویلز اما درمکنون سویلر

بیتنده اولدینی کبی، که یارک دندانتي، «درمکنون» تشبیه ایله تحسین  
قلنمشدر.

نسیم اول دکلو نازك طرح ایدر آب اوزره امواجی  
که لوح سیمه استاد ایده من اوله قلنکاری

بیتی دخی بو قیلدندر.

و یا تقبیلدر. و بونده دخی مشبه بهك حکمی معروف و مسلم  
اولمق لازمدر. نته کیم: «بال» ی، «قوصموخ» تشبیه کبی.

و یاخود مشبهی، بر امر غریبه تشبیه ایله استظرافدر. یعنی: تعجب  
اولنه جق بر حالده تحیل ایتدرمکدر. یانوب آتش کسلش اولان  
کموری، طالعهلری آتشدن اولان دریای مسکه تشبیه کبی.

بوی کل تقطیر اولمش نازک ایشلمش اوجی  
یری اولش خوی، یری دستمال اولش سکا

ییتی دخی بو قیلنددر .

و بعضاً تشبیهدن غرض، مشبه به عائد اولور. بو دخی ایکی  
نوعدر. نوع اول، «تشبیه مقلوب» در، که بالاده بیان اولمشدر.  
نوع ثانی، مشبه بهک اهمیتنی بیاندر. ایشه بوکا «اظهار مطلوب»  
دنیلیر. قارنی آج اولان کیسه نك «بدر تابان» ی، اشراق واستدارده  
«بیاض پیده» یه تشبیه ایتسی کی .  
ایشته بواغراضی مفید اولان تشبیهلر، مقبول، اولیانلر، مردود  
اولور.

ادات تشبیه کلنجه: آنک حذقی، مبالغه یی مفید اولور. و بوکا: «تشبیه  
بلیغ» دنیلور. مثلاً: «زید آرسلاندر» جمله سی، «زید آرسلان کیدر»  
جمله سندن ده مبالغه لیدر؛ چونکه بونده، زید، آرسلا نه تشبیه اولنور؛  
آنده ایسه آرسلانک افرادندن بر فرد اولدینی ادعا قیلنور. بوجهتله  
استعاره کی مبالغه یی مفید اولور. شوقدرکه استعارده بر مرتبه ده  
مبالغه بولنور. شویله که استعارده مشبه، مشبه بهک افرادندن اولمق  
ادعاسی دخی کیر و براغیلهرق آنک افرادندن اولدینی مسلم اعتبار اولنور.  
مشبه بهک مشبه اضافتی دخی تشبیه بلیغ قیلنددر.

غزال مهر ایدر آواره هر شام و سحر جولان  
کهی صحرای مغرب کاه دشت خاورستانی

یتینده مشبه به اولان غزالک، مهره اضافتی کی .

## فصل رابع

استعاره بیاننده در

«استعاره»، مشابَهت علاقه سیله وَ قرینه مانعه ایله معنای موضوع الیهک غیریده مستعمل اولان لفظدر .

و بعضاً مصدر اوله رق مشابَهت علاقه سیله «بر لفظی، معنای موضوع الیهک غیریده استعمال ایتک» معنانه کلور . و اولوجهله استعمال ایدن کیسه یه: «مستعیر» وَ مشبه بهک لفظنه: «مستعار» وَ معنانه: «مستعار منه» وَ مشبهک معنانه: «مستعار له» دنیلور .

اگر استعاره، لفظ مفرد ایسه: «استعاره مفرده» وَ مرکب ایسه: «استعاره مرکبه» دنیلور .

«استعاره مفرده»، یا: «استعاره مصرحه» و یا: «استعاره مکنیه» در .

استعاره مصرحه، مشبه بهه دال وَ مذکور وَ معنای مشبهده مستعمل اولان کلمه در، که: «اصلیه» وَ: «تبغیه» قسملرینه تقسیم اولنور .

شویله که اگر اسم عام ایسه: «اصلیه» اولور . مصدر لر دخی اسم عامده داخلدر . مثلاً: «بو کون حامده بر آرسلان کورددم» عبارده - سنده کی «آرسلان» لفظی، «حام» قرینه سیله رجل شجاعده مستعمل اوله رق: «استعاره مصرحه اصلیه» در .

«دین حق» معنای مستعمل اولان: «طریق مستقیم» دخی بو قیلدندر . کذلک: «صو طغیان ایتدی» عبارده سنده کی: «طغیان» لفظی، تکرر معنای مستعمل اوله رق: «مصرحه اصلیه» اولوب وجه شبه دخی: «استیلائی مفرط» در .

وَ اَکَر ذات فعل، یا فرع فعل وَ یاخو د حرف ایسه: «استعاره تبعیه» اولور. یعنی: اصل فعل، استعاره اصلیه اولوب آکا تبعاً ذات فعل ایله فرع فعل دخی «استعاره تبعیه» اولور. وَ حرف لَرک متعلقاننده «استعاره اصلیه» اولوب آنلره تبعاً حرف لَر دخی معانی جزئیّه سنده «استعاره تبعیه» اولور.

حرف لَرک متعلقانندن مراده، اول معانی مطلقه در، که حرف لَرک مغالریخی بیان مقامنده آنلر ایله تعیر اولنور. مثلاً: «ایچون»، ادات تعلیلدر؛ دنیلوب «ایچون» حرف لَرک معناسی، تعلیل ایله بیان اولنور. ایمدی «بوات اوچویور» دنیلدکده آتک سگرتمی، سرعتده قوشک اوچسنه تشبیه اولنهرق «اوچق» مصدری، «سگرتک» معناسنده استعمال اولنغله: «استعاره اصلیه» اولور. وَ آندن: «اوچویور» فعلی اخذ اولنهرق: «سگردیور» معناسنده «استعاره تبعیه» اولور. کذلک «آتک حالی بونی ناطقدر» دیندیکمزده، نطق، «دالت» معناسنده «استعاره اصلیه» وَ آکا تبعاً ناطق دخی: «دال» معناسنده «استعاره تبعیه» اولور.

نازدن حاموشسین یوخسه زبانتک طویمدن  
ایسته ک بیک داستان سویلرسین ابرورله سن

یتدی دخی بوقیلدندر، که: «سویلمک»، «افاده» معناسنده «استعاره اصلیه» اولوب آکا تبعاً «سویلرسین» دخی «افاده ایلرسین» معناسنده «استعاره تبعیه» اولور.

وَ «ایچون» حرفی، ادات تعلیل اولوب غرضه لاحق اوله کلورکن

بعضاً بر فعلك غایتنه لاحق اولور. ومثلاً: «بو خانه لری خراب اولمق ایچون بنا ایدیلورلر» دنیلور، که غایت بر فعله مترتب اولمقده غرضه تشبیه اولنه رق «استعاره اصلیه» اولوب اکا تبعاً: «ایچون» حرفی دخی «خراب» اولمق فعلنك غایتی اولان معنای خصوصیده استعمال اولنه رق «استعاره تبعیه» اولور.

اما عملرده استعاره جاری اولماز. مکرکه بر وصف ایله مشترک اوله رق اسم عام حکمنده اوله. «حاتم» کبی که «جود» ایله مشترک اولدیغدن «حاتم» لفظی، بعضاً: «سخی آدم» معنانه مستعار اولور. شوده معلومك اولسون: استعاره، اگر «تشبیه تملیحی»، یا «تهکمی» به منی اولور ایسه «استعاره تملیحیه» ویا «تهکمی» دنیلور. نته کیم: مزاح، یا استهزا مقامنده: «حاتم» دنیلوبده «برنجیل آدم» مراد اولنق کبی.

«استعاره مکنییه» به کلنجه: برشی ذهنده دیگر شیئه تشبیه و ارکان تشبیهدن یالکز مشبه ذکر و تصریح و فقط مشبه بهک لوازمندن بر شینك ذکر یله اول مضمیر ضمیر اولان تشبیه، رمز اولنور ایسه «استعاره مکنییه» اولور.

مثلاً: «اولومك طرناق لری فلانه صاپلاندی» دنیلده «اولوم»، نافع و مضرى فرق ایتمکسزین اهلاکده «یرتیجی حیوان» ه تشبیه قیلنمش و یرتیجی حیوانك لوازمندن اولان «طرناق» ایله بوتشیه رمز اولنمش اولمغله «یرتیجی حیوان»، «استعاره مکنییه» و اولومه طرناق اثباتی، «استعاره تخیلییه» اولور. «استعاره تخیلییه»، دائماً «استعاره مکنییه» نك



قرینه سی اوله رق آندن منفک اولماز و «مجاز عقلی» قیلندن اولمغله  
مجاز لغوینک اقسامندن عد اولنه ماز.

«استعاره» نك قرینه سندن بشقه مستعار لهك، یا مستعار ملایمی  
اولان برشی ذکر اولتماز ایسه: «استعاره مطلقه» دنیلور. بالاده  
مذکور مثاللرده اولدینی کی.

و اكر مستعار لهك ملایمی ذکر اولنور ایسه: «استعاره مجرد»  
دنیلور. نته کیم: «بو کون قهوه خانه ده مسلح بر آرسلان اوتوره-  
یوردی» دنیلده کده قهوه خانه، «قرینه» و مسلح، «تجرید» اولور.

و اكر مستعار منهك ملایمی ذکر اولنور ایسه: «استعاره مرشح»  
دنیلور. نته کیم: «بر بحر عمیق ایله مباحثه ایتدم» دنیلده کده مباحثه،  
«بحر» دن «برعالم» اراده اولندیغه قرینه و «عمیق»، «ترشیج» اولور.  
کذلك: «آنک لسان حالی بویله سویلیور» دنیلده کده لسانک حاله  
اضافتی، «استعاره تخیلیه» و حالک انسان متکلمه تشبیه اولندیغه  
«قرینه» و «سویلك»، «ترشیج» اولور.

کذلك:

لال اولور البت زبان خامه پیچیده موی  
قیلجه غمدن طبع ارباب سخن علتلنور

ییتنمه: «خامه»، انسان متکلمه تشبیه اولنوب «زبان» ک آکا اضافتی  
تخیلیه و قرینه در. «لال» دخی ترشیجدر.

«ترشیج»، تناسی تشبیه مبنی اولمغله مطلقه دن ابلغ اولدینی کی  
مطلقه دخی مجرد دن ابلغدر.

«استعاره مرکبه»، بر هیئت منترعه به دال اولان عبارده در، که «تشبیه تمثیلی» به مبنی مشبه اولان هیئت منترعه ده مستعمل اولور. بونک «وجه شبه» ی دخی مرکب اولدیغندن «استعاره تمثیلیه» دنیلور.

نته کیم: بر خصوصده متبردد اولان کیمسه حقنده: «بر آدیم ایلرو کیدیور» و «بر آدیم کیرو چکیلیور» دنیلور، که اول کیمسه نک بر ایشی ایشلمکه نیت و همان آندن فراغت ایلمسندن بر هیئت انتزاع اولنوب و بر شخصک بر آدیم ایلرو کیمسیله بر آدیم کیرو چکلیمسندن دخی بر هیئت انتزاع ایله هیئت اولی آکا تشبیه قیلنوب هیئت ثانیه به دال اولان عبارده، هیئت اولاده استعمال اولنمشدر. «وجه شبه» دخی کاه اقدام و کاه احجامدن منترع اولان هیئتدر.

«استعاره تمثیلیه» نک استعمالی شایع و منتشر اولور ایسه «مثل» اولور. ولسانمزده: «ضرب مثل» دنیلور. و: «ضروب امثال» دیو جمعلور. «آیاغکی یورغانکه کوره اوزات!» مثلی کبی.

وجه شبه اعتباریله استعاره، ایکی قسمه تقسیم اولنور. شویله که: اگر وجه شبهی ظاهر اولور ایسه: «استعاره عامیه» و «استعاره مبتدله» دنیلور. «رجل شجاع» معناسنده مستعمل اولان «آرسلان» کبی. و اگر خفی اولور ایسه: «استعاره خاصیه» و «استعاره غریبه» دنیلور.

بویدن خوش رنکدن پاکیزه در نازک تنک  
بسه مش قویننده کویا کیم کل رعناسنی

یتنده: «کل رعنا» بی، «دایه» به تشبیه کبی.

وَبَعْضاً «استعاره عامیه» ده برنوع تصرف ایله «غرابت» حاصل اولور. نته کیم:

کوشه کوشه مهرلر مهرلر بدید اولسونده کور  
سیر سعد آبادی سن بر کره عید اولسونده کور

ییتنده مهرلر و مهاردن مراده، «سیره به کلان کوزلر» در. کوزلرک  
مهر و ماهه تشبیهی، عادی بر تشبیه ایسه ده سعد آواده کلان کوزلری  
ایکی قسمه تقسیم و بر قسمی ماهه تشبیه ایله استعاره به «غرابت» ویرلشدر.  
استعاره نك حسن و مقبولیتی، متضمن اولدینی تشبیهك فصل تشبیهده  
بیان اولنان جهات حزنه رعایت ایتمکله و استعاره به من جهة اللفظ  
تشبیه رایحه سنی آلدردم مقله اولور. شو قدر که تشبیهك الغازه مؤدی  
اولیه جق مرتبه جلی اولسی دخی لازم کلور. و وجه شبه پک خفی  
اولان یرده تشبیه جاری اولور ایسه ده استعاره جائز اولماز.  
مثلا: «فلان آدمک آرسلان کبی آغزی قوقار» دنیلور، اما:  
«آغزی قوقار بر انسان کوردم» دیوبده «آرسلان» معناسی قصد  
اولنسه: «لغز» قیلندن معدود اولور. بناءً علی ذلك هر تشبیه جاری  
اولان یرده، استعاره جاری اولماز. و «علم» ایله «نور» و «شبه» ایله  
«ظلمت» کبی وجه شبهلری قوی اولغله متحد کبی اولان شیلرده  
استعاره تعین ایدوب تشبیه، کوزل اولماز.

### فصل خامس

کنایه بیاننده در

«کنایه»، لغت عربیه ده، تصریحك خلافیدر. اصطلاح علم بلاغته ده،

اول لفظدرکه معناسنک ملزوم و متبوعنده استعمال اولنور. و بو  
ملزوم اولان معنی، زهنده آکا لازم اولور.

و اشبو معنای مراده دلالت ایدر «قرینه معینه» بولنور؛ فقط  
معنای حقیقینک اراده سنه مانع اولماز.

و بعضاً مصدر اوله رق اولوجهله لازمی ذکر ایدوبده ملزومی  
اراده ایتمک معناسنده قوللانیلور. و لفظه، «مکنی به» و معنایه،  
«مکنی عنه» دنیلور.

«مکنی عنه»، یا ذاتدر. نته کیم: قلبدن کنایه اوله رق «محل حسد»  
و اناسندن کنایه اوله رق «ایکی آياغی اوزرنده یورر، طرناققری کنش  
بر حیوان» دنیلور.

جوشش اشکه دل پر خون بر مجرا ایکی

مصرعی دخی بوقیلدندر، که «مجرا»، بوراده «کوزدن» کنایه در.  
یاخود «صفت» در. نته کیم: «کریم» و «سخی» معناسندن کنایه  
اوله رق: «قبوسی آجیق» «سفره سی میدانده» و «آبله» معناسنه اوله رق  
«قبا قولاق»، «قالین قفالو» دنیلور.

خسبم وار بنم؛ قصاب ایله قانلی بچاقلیز

مصرعی دخی بوقیلدندر که بوراده: «قانلی بچاقلی»، «خسبم الد» دیمکدر.  
یاخود «نسبت» در. یعنی: صفی موصوفنه ائباتدر. نته کیم: «تخنه  
جلوس ایتدی» دنیلور و: «حکمدار اولدی» و: «حکومتی اله آلدی»  
دیمک اولور.

صراردی بکزی حسدن بتمه یاری کوروب  
رقیب روسیه پر غریب رنک اولدی

بیتی دخی بو قیلندره، که «بکزی صراردی»، «مکدر اولدی» دیمکدن  
کنایه در.

عبارۀ کنایه ده، اگر صفتک موصوفی مذکور، یا مقدر اولماز ایسه  
«تعریض» قیلندن اولور.


«تعریض»، «برجهتی کوستر و بده دیگرجهتی قصد ایتمکدر. نته کیم:  
شوکا بوکا بد معامله ایدن بر شخصک یاننده: «انسان کامل، آتجق  
ناسه حسن معامله ایدن کیسه در» دیر سین و «سن، انسان کامل  
دکلسین» دیمکی قصد ایدرسین. موصوف اولان مخاطب ایسه عبارده ده  
«مذکور» اولدینی کبی «محدوف» دخی دکلدرد.

«کنایه»، تلویح، رمز، ایما و اشارت قسملرینه دخی تقسیم اولنور.  
شویله که: اگر لازم ایله ملزوم آره سنده واسطه لر چوق اولور  
ایسه: «تلویح» دنیلور. نته کیم: «رمضانده آنک مطبخنده یومیه  
شوقدر چکی اودون صرف اولنور» دنیلده ده بو عبارده دن، «مطبخده  
چوق یمک پیشدیکنه» و آندن، «اکله نک و مسافرینک کثرته»  
و آندن، صاحب خانه نک «مضیاف و کریم» اولدیغنه انتقال اولنور.  
و اگر واسطه آز اولوبده لزومده خفا اولور ایسه «رمز»  
دنیلور. نته کیم: «قالین قفالو» ترکیندن، «ایله» معناسنه انتقال، بر آز  
فکر ایله حاصل اولور.

و اگر لزومده خفا دخی بولماز ایسه «ایما و اشارت» دنیلور.

نتہ کیم: «لطف و کرم، آنک خانہ سنده در» دنیلور. و: «صاحب خانہ اہل لطف و کرمدر» دیمک اولور.

کذلک: «کرم دیدکلری شی، آنک قوناغہ قونمش و اورادہ یاصلانوب قالمش» دنیلدکده کرمک اول قوناغہ قونمش، اورادہ وجودندن کنایہ در؛ اورادہ وجودی دخی صاحب خانہ یہ نبوتندن کنایہ اولور و «کرم»، بورادہ مسافرہ تشبیہ اولمغله «استعارہ مکنیہ» دخی وارد.



## باب ثالث

صنایع بدیعه حقنده در

«صنایع بدیعه»، «کلام بلیغ و جوه تزیین و تحسینی» دیمک  
اوله رق ایکی قسمه تقسیم اولنور.  
قسم اول: معنایه عائد اولان محسناتدر.  
قسم ثانی: لفظه عائد اولان محسناتدر.  
بویاکی قسمندن هر بری، بمنه تعالی برر فصلده تعریف قیلنه جقدرد.  
صنایع بدیعه یه ملحق بعض محسنات اولمغله آنلر و برده متأخرین  
شعرا بیننده متداول اولان «صنعت تازیخ» دخی بشقه جه برر فصلده  
ایراد اولنه جقدرد.

## فصل اول

محسنات معنویه حقنده در

۱ - «صنعت طباق»، که «مطابقت» و «تضاد» دخی دنیلور،  
بیلرلنده تضاد و دیگر وجهله تقابل بولنان شیرلی جمع ایتمکدر.  
بیاض ایله سیاهی و دوست ایله دشمنی بر یرده جمع ایتمک کبی.

بارینی کردن اجابہ ایدنلر تحمیل  
نقدراولسه سبکروح اولور البته ثقیل

بیتی ایله مؤلفک :

ایدن وصلت دمنده فکر هجران آغلسون کولسون  
دوکنلر اشک شادی بویله هر آن آغلسون کولسون

و :

لی جان تازه لر بیمار جسمی جان آلور جودت  
اوشوخه دل ویرن دلخسته هر آن آغلسون کولسون

بیتلری بو قبیلنددر. طباقک بر قسیده «مقابله» دنیلان صنعتدر، که  
متوافق مغالری ایراد ایلدکن صکره صره سیله مقابللرینی ذکر  
ایتمکدر.

دله صفای عشقک دیده غمکه پریم  
براوده عیش وشادی براوده یأس وماتم

بیتنده اولدینی کبی، که متوافق اولان: «عیش وشادی» ایراد اولندقدن  
صکره مقابللری اولان: «یأس وماتم» کتورلمشدر.

۲ - مراعات نظیر - که صنعت تناسب و تلفیق دخی دنیلور -

متناسب شیلری جمع ایتمکدر.

«قلم، قلمتراش»، «حقه، مقراض»، «طوپ، تفک»، «قلج،

مزراغ» ی بریرده ذکر ایتمک کبی.

کیدرمی سینۀ اهل محبتدن خیال یار  
نیجه منفک اولور صورت هیولای مرایادن

بیتنده کی «صورت» ایله «هیولا» و «مرایا» بو قبیلنددر.



ابوت ایله بنوت کبی متضایفین، بریرده مجتمع اولدقلری جهته  
بینلرنده صنعت طباق بولنور ایسه ده متلازم اولدقلری اعتباریه  
دخی بینلرنده: «مراعات نظیر» واردر.

بعضاً بر لفظك مراد اولیان معناسی اعتباریه «تناسب» بولنور.  
ایشته بوکا: «ایهام تناسب» دنیلور، که «مراعات نظیر» ملحقدر.  
نته کیم:

عجیبی طوتسه ال اوستنده ترکسی دلدار  
ازلدن آره لرنده کوز آشنالنی وار

ییتنده: «کوز آشنالنی»، «معارفه» معناسته اولوب آنحق کوزك معنای  
لغویسی اعتباریه «ترکسه» مشابته و مناسبتی معلومدر.

کلزار دهر ایچنده نسیم صبا کبی  
خلقك اسوب صاوردینی باد هوا ایش

ییتنده کی: «هوا» لفظی دخی بو قییلندر.

نوروز اربوب اغیار ایله سیر ایلدی دلبر  
کیجه یله کونم اولدی بنم شمعی برابر

ییتی دخی بو قییلدن معدود اولور.

«تشابه اطراف» صنعتی - که کلامی ابتداسنه مناسب اولان شی  
ایله ختم ایتمکدر - «مراعات نظیر» دن معدوددر.  
نته کیم:

خلق ایدر دادوستد بز پر تلاش و بی نصیب  
چارسوی عالمك بر اوکمدق دلایلز

بیتند اولدینی کی، که: «دادوستد» ایله «چارسو» و «بی نصیب» ایله  
«اوگمدق دلال» متناسدر.

یوقدر بر مراد ونهال وامل دیو  
باغ جهانده چکمه الم هب اولور بت

بیتی دخی بو قبیلندرد.

ینه بوقبیلدن اوله رق برده: «ارصاد» واردرد، که: «تسهم» دخی  
دنیلور. بوده بر صنعتدر که کلامک اولنده بر سوز بولنوب حرف  
«روی» معلوم اولدینی حالده فقره نك، یاخود بیتک آخربنه دلالت  
ایلر.

نژده، «فقره» شعرده، «بیت» منزله سنده اولوب «حرف روی»  
دخی فقره ده، یاخود بیتده تکرر ایدن حرفدر.  
مثلا:

اول مستعین اسم جلام که دفعة  
فتح کلامه قدرتمی مستعان ویرر

بیتند: «حرف روی» ک نون اولدینی معلوم اولیحق، مصرع اولده کی:  
«مستعین» لفظی، «مستعان» دلالت ایلر.

وطنک ذوق، ملاقات احبا ایله در  
بی ملاقات احبا وطنی نیلیم

بیتی دخی بو قبیلندرد.

۳ - «صنعت مشاکله» برشیئی صحبتند بولندینی برشیئک اسمیه  
ذکر ایتمکدر.

نته کیم: برقوناغه یالین آباق کلان بر فقیره: «نه درلو یمک ایستر»

سین پیشورملم، دنیلسی اوزرینه: «بکا بر چفت آیاق قابی پیشیریکز»  
دیمیسی کی.

کذلك آتاج غرس ایتمکده اولان بر چفتلك صاحبنه بر مسافر  
کله رک: «خاتم طای کی غرس ایت» دیوبده: «انعام واحسان ایت»  
معناسی مراد ایلمسی دخی بو قبیلدندر.

۴ - «عکس»، کلامک بر جزئی: دیگر جزئک اوزرینه تقدیم  
اولندقدن صکره بر عکس اوله رق ایراد اولتمقدن. «عادات السادات  
العادات» و «باری تعالی اولودن دیری و دیریدن اولو اخراج ایلم»  
عباره لرنده اولدینی کی.

بی نقاب و بانقاب عرض جمال ایلردی یار  
که هلالی بدروکه بدری هلال ایلردی یار

بیتی دخی بو قبیلدندر.

۵ - «رجوع»، بر سوزی سویلدکدن صکره لنکنت آئی نقض  
ایتمکدر.

چشم امان ایله باقدیقه وجود وعدمه  
صحن جنت کورینور آدمه صحرای عدم  
غلط ایتدم نه رواجته تشبیه ایتک  
بشقهدر نعمت آسایش مأوای عدم  
طوته لم آندهده اولمش نم کونا کون  
اویله محتاج تناولیدر آلائی عدم

کی

کوش ایت کوکل بیان میان سویلرم سکا  
بوق بلکه رشته دل و جان سویلرم سکا

بیتله :

ایدنلر دور جاناندن بی جاننده بولونلر  
غلط دیدم دکل جاننده جانانده بولونلر

بیتی دخی بوقیلدندر .

۶ - «جمع»؛ متعدد شیلری بر حکمده جمع ایتمکدر.

عشقده دوشمش ابتدا برنای، بر بن، بر کوکل  
داغ، داغ ایشلا برنای، بر بن، بر کوکل

و :

هم کوکلی، هم عقلی، هم صبری آلدک  
ای شوخ جفا پیشه! بکا سن نهلر ایتدک

بیتلرنده اولدینی کی .

دل آتش، دیده آتش، سینه آتش، روی یار آتش

مصراعی دخی بوقیلدندر .

۷ - «تفریق»؛ ایکی شیئک بیننده کی فرق و تفاوتی بیان ایتمکدر.

نیجه تشیه ایدم قد نهال یاره  
یوغیکن وجه شبه تازه نهال چنی

او بولور کسوه سبزیں ورقله رونق

یار ایدر کسب لطافت چقاروب پیرهنی

قطعه سنده اولدینی کی .

۸ - «لف و نشر»؛ صنعتی که متعدد شیلر ذکر اولندقدن صکره

هر برینه عائد اولان حکمملر ایراد اولنقدردر، ایکی قسمدر. قسم اول،

«مرتب»، قسم ثانی، «غیر مرتب» در.

«لف و نشر مرتب»

سوز عشقك سينده سودای زلفك قلبده  
ناردر کلخنده کویا ماردر کنجینه ده

یتنده اولدینی کی.

«لف و نشر غیر مرتب»

فکر زلفك دلده، تاب سوز عشقك سينده  
ناردر کلخنده کویا مار در کنجینه ده

یتنده اولدینی کی.

۹ - «مذهب»، کلامی متکلمینک اصولی وجهله، یعنی: طریق  
برهانی مطلوبه دلیل کتورمکدر.

نته کیم [ابراهیم] (علیه السلام) حضرتلری، «نظر واستدلال ایله  
قومی الزام ایچون آخشام اولوبده بر پارلاق ییلدز کورندکده  
ایشته بونم ربمدر» دیدکدن صکره ییلدز غروب و غیوبت ایدیجک:  
«بن بویله غائب اولان شیلری سوم» دیمسی، ییلدزك اله اولمديغنه  
استدلالدر. شویله که: «ییلدز» ثباتسزدر، نم ربم ایسه ثباتسز  
دکلدر. او یله ایسه ییلدز نم ربم دکلدر» دیمک اولور.

۱۰ - «حسن تعلیل»، بر اعتبار لطیف غیر حقیقی ایله وصف  
ایچون برعلت مناسبه ادعا اولنقدردر؛ یعنی: نفس الامرده علتی اولمیان  
معنی، آکا علت اولوق اوزره اعتبار قلمقدردر.

بو وصف، ایکی قسمه منقسم اولور. شویله که: یا بر صفت ثابته  
اولوبده علتنک بیانی قصد اولنور، و یا ثابت اولمیوبده اثباتی مراد  
اولور. نته کیم:

اولدی رخساریکه تقلید ایله کل خار ایله خور

مصراعنده کلک رخسار یاره تقلیدی، خار ایله خور اولمسنه حسن  
تعلیلدر؛ اما کللرده خار بولمسنک علت حقیقه سی، حکمت بالغه  
صمدانیه ایجابندن اولوب بین الناس معلوم اولان امور عادیه دن  
دکلدر.

پریشان اهل عالم آه وافغان ایتدیکمندر  
پریشان اولدیقم خلقی پریشان ایتدیکمندر

بیتی دخی بو قبیله ندر، که شاعر، آه وافغانی، خلقک پریشانلغه  
وخلق پریشان ایتدیکنی، کندو پریشانلغه علت اعتبار ایدوب بو  
ایسه حسن تعلیلدر؛ اما نفس الامرده کیم بیلورکه بو پریشانلغه  
سبب نه ایدی. و سنبزاده وهی:

چاه ذقن افتاده سی دلسته زلفز  
زنجیری قوی آنک ایچون مکفزدرد

یتنده، زنجیری قوی ستمنده ساکن اولدیغه مصراع اولی حسن  
تعلیل اوله رق ایراد ایلشدر؛ حال بوکه کندوسنک زنجیری قوی  
جوارنده ساکن اولدینی ثابت واوراده صاحب خانه اولدینی ایسه  
معلومدر.

علولندی دلنده آتش رشک کف دستی  
برا اولدی شاخ مرجانیله صنمک قمر دریایی

بیتی دخی بو قبیله ندر، که دریانک بعض موقعنده قعرینک قیزل کو-  
روغمنسی، دروننده کی مرجانلردن ناشی اولدینی معلوم ایکن شاعر،

کندو ممدوخنک وسعت و کثرت احسانه دریانک علو افروز آتشی  
حسد اولدیفنی آکا حسن تعلیل قیلشدر .

و:

سرمایه شاعران توکنز  
دنیا توکنور یالان توکنز

ییتنده، سرمایه شاعرانک توکنز اولسی ممکن اولسهده مستبعد  
اولدیفندن آنلرک سرمایه سی یالان اولوب یالان ایسه توکنز اولدیفنی  
بیانیله اثبات اولمشدر. بودخی حسن تعلیلدر .

کیم سویلشور اول غمزه لرایله زیر  
هر بر مژه بر نادره پرداز محبت

ییتی دخی بوقبیلندره

داغدار اولسه خشمکه اکر  
مبتلای کلف اولمازدی قر

خدمتک ایتمه جوزا نیت  
باغلاماز ایدی میانه کر

قطعه سنده ممدوحنک خشمیله قمرک داغدار اولسی، و آنک خدمته  
جوزانک نیت ایتمسی ممکن اولدیفنی حالدیه حسن تعلیل قیلندن  
اوله رق اولکیسنه، قمرک کلفدار اولمسیله وایکنجیسنه، جوزانک نطق  
بند کورلمسیله استدلال اولمشدر .

شک اوزرینه بنا اولنان کلام دخی حسن تعلیله الحاق اولمشدر.

اسدجه باد صبح پریشانین ای کوکل  
بکرر اسیر طره جانانین ای کوکل

پیتندہ اولدینی کی .

شمس نافہیہ دائر صبادہ وار بر اثر  
عجب او آہوی نازندہ کا کلنی طرار

پیتی دخی بو قیلدندر .

۱۱ - «بالغہ» کہ بروصفک شدت یاضعفہ مستبعد، یا محال

درجہ سنہ بلوغی ادعا اولتقدیر «تبلیغ»، «اغراق»، «غلو» دیو اوج  
قسمہ تقسیم اولنور .

شویله کہ : مدعاء اگر عقلاً و عادتاً ممکن ایسہ : «تبلیغ» دنیلور  
و عند البلغا مقبول اولور .

ہم اول نادرہ سنج کھر تازہ ظہور  
کھنہ مضمونہ دکل کنج خیالم تحزن

پیتی کی .

و اگر عادتاً محال و عقلاً ممکن اولور ایسہ : «اغراق» دنیلور .

بودخی مقبولدر .

فتح خیر اولہ لی التامشدر کیسہ  
زور بازو ایلہ بر بویله حصاری تسخیر

پیتی کی .

و اگر عقلاً دخی محال ایسہ : «غلو» دنیلور . بر قصر عالینک ستایشی

حقندہ نفینک :

دکل مھر و یاض صبح افقدہ سیر ایچون سقن  
فلک باش قالدیرنجہ خاکہ دوشدی تاج و دستاری

پیتی کی .



«غلو»، مقبول اولماز؛ مکرکه صیغه شرطیه یا تشبیه کی بروجیه  
صحت و امکان راده سنه تقرب و تعدیل قیلنه. نه کیم: قصیده  
مذکوره نك:

صانورلر برکل زر دوزدر بر نطع خاراده  
رخامنده کورنلر عکس خورشید پر انواری

ییتنده: «صانورلر» تعبیری ایله مبالغه، صحته تقرب قیلنشدرد.  
و کذا برآت مدحنه دائر اولان:

شکست ایتز جابن ایتسه جولان روی دریاده  
طوقنسه برق نعلی نرم ایدرکن سنك خارایی

ییتنده کی: «غلو» دخی فرض اوزرینه مبنی اوله رق صیغه شرطیه  
ایله بر مرتبه تعدیل اولنشدرد.

یا خود مکرکه برکوزل خیال بولنه؛ او حالده دخی: «غلو»،  
«مستحسن» اولور.

نازی آب ایتشه بر فواره رسم ایتش خیال  
ایشته اوصودر آتیش قامتک اولش سنك

ییتنده اولدینی کی.

و یا خود «هزل» مقامنده ایراد اولنه؛ او حالده دخی «غلو»،  
«مجاز» اولور.

نه کیم: «نه عجب یارین عشرت ایتکه نیت ایتسه»، دوندن سرخوش  
اولورم «دنیلدیکی کی».

بو صورتلردن ماعدا غلور مقبول اولماز. هله نفعینك:

بم اول ناظم اندیشه که سمسار قضا  
ایده مز قیمت عقد در نظم تقدیر

کبی اشع غولری قطعیاً مردود و منکر در .

مبالغه مقبوله قبیلندن عد اولنغه شایان برصنعت دخی: برغرضی،  
نقیضه بکزر تعبیر ایله تأکید ایلمکدر .

ایشته بونک برقسنه: «تأکید المدح بما یشبه الذم» دنیلور. که  
«ذم یوللو مدح» دیمکدر .

نته کیم: «بوقلیجک قصوری یوقدر؛ فقط محاربه لرده چوق قوللا-  
نلش اولدینندن اوزرنده بک چوق قان لکسی وار دنیلدکه اکر  
قلیجده قان لکسی عیب صاییلور ایسه ایشته بوقلیجک اوعیبی واردر؛  
لکن قان لکسی قلیجده عیب صایيله ماز. اويله ایسه بوقلیجده عیب  
تصور اولنماز» دیمک اوله رق مدحی مؤکد اولور .

حسنه هیچ دیه جک یوق اما

نکمی اوق کبی ایشلر جانه

بیتی دخی بوقبیلدندر .

دیگر برقسنه دخی: «تأکید الذم بما یشبه المدح» دنیلور که:  
«مدح یوللو ذم» دیمک اولور. نته کیم: «آندن خیر کلز؛ لکن ایسک  
کور دیکی آدمه کملک ایدر» دنیلور. «فلان آدم فاسقدر اما جاهلدر»  
و «کناهنه کیر میهیم؛ اوروج یدیکنی کوردم اما نماز قیلدیغنی کوردم»  
عباره لری دخی بوقبیلدندر .

۱۲ - «تجاهل العارف»؛ بر نکته یه بناء معلومی غیر معلوم  
سیاقنده ایراد ایلمکدر . نته کیم:

بر نهانیجه تبسمده می صیغمر جانا  
سویله بالله دهنک تا اوقدر تنکمیدر

بیتنده فم جانانک کچوکلکنی مدحده مبالغه ایچون استفهام طریقته  
کیدلشدرد. کذلک:

شمیدر بو یاسواد آه بنهاعمیدر  
شمع مجلس شعله داغ نمایاعمیدر

بیتنده: «توله» «تخیر» نکته سنه بناء استفهام یولی اختیار ایدلشدرد.  
۱۳ - «ادماج» ، بر معنایه دیگر معنی تضمین ایتدیرلمکدر. نته کیم:

صدرکده سنی ایله حق دائم و باقی  
هب عالمک ایتدکری شمدی بودعادر

بیتنده شاعرك غرضی، عمدوحی اولان صدر اعظمه دعادر؛ فقط  
جمله دعاییه، آنک اصلاح احوال عالمه سیبیتی ایله مدخی دخی  
تضمین ایدلشدرد؛ چونکه عالمک اولیه دعا ایتسی، البته فائده لرینه منی  
اولمق لازم کلوب بو ایسه عمدوحک آکا سیبیتی متضمن اولور.

و بعضاً بو ایکی معنی، بر غرضه عائد اولور. شویله که: بر غرض  
ایچون سوق و ایراد اولنان معنی، ینه اول غرضه دائر اولان بر  
معنای زائدی مستتبع اولور. ایشه بوکا «استتباع» دخی ذیلیر.

ننه کیم: «اول بهادرک رؤس اعدا اوزرنده صاعقه سیفی بش  
بلوت جولان ایتدیرر» ترکیبی، اول بهادرک شجاعته مدخی مفید  
اولور؛ فقط بش بلوتدن مراد، بش پارماق اولوب پارماقلاک بلوته  
تشبیهی ایسه، سخا و کرم ایله مدخی دخی مستتبع اولور. حال بوکه  
ایکی معنی، بر غرضه، یعنی مدحه عائد اولور.

۱۴ «توجیه» صنعتی که «محتل الضدین» دخی دنیلور. سوزی  
ایکی مختلف معنایه محتل اوله رق ایراد ایلکدر.  
نته کیم: «یک چشم درزی بکا برجه دیکمش؛ کاشکی ایکی کوزیده  
سیاه اولیدی» دین کیمسه، جبه دن ممنون اولوبده درزینک کورر  
کوزی کبی دیگر کوزینک دخی کورر اولسنی تنی ایلک، یاخود  
ناخشنود اولوبده کورر کوزی حقنده بدعا ایتک مغالزینه محتل  
اولور.

«توریه»، که: «ایهام» دخی دنیلور. بر لفظک قریب وبعید ایکی  
معناسی اولوبده قرینه خفیه به اعتماداً معنای بعیدی اراده اولنقدرد.  
اشبو توریه صنعتی، لفظک تعدد معناسه مبنی اولوق ملاسه سیله  
علمای عربیه آنی محسنات مغنویه دن عد ایلشلردرد؛ لکن توریه یی  
حاوی اولان عباره بشقه لسانه ترجمه اولنسه اکثریا بو صنعت ضایع  
اوله جفنه نظراً آنی محسنات لفظیه دن عد ایلک مناسب اولور.  
مثاللری بروجه آتی ایراد اولنور.

بیت

کل کوله دائم آغله بلبل عجب دکل  
زیرا کیمینه آغله دیشلر کیمینه کل

دیگر

میان نازکی مویه بکزد رسم اگر  
کروه اهل صفاء «اوله در بلی» دیرلر

## دیگر

هر یانه بوی کا کلنی تار مار ایدر  
قالماز صباه ایتدیکی بو روز کاردر

## دیگر

صوصادم صودیلدم چاره زنخاندندن  
برعرب بکرایمش بن آتی خالی صاندم

شیخ الاسلام مکی زاده عاصم افندینک وفاتنده وقعه نویس اسعد  
افندی مشیخته منی و مترقب ایکن عارف حکمت بک افندی،  
شیخ الاسلام اولدقده اسعد افندینک سویلمش اولدینی:

بو یتیم یادکار اولسون جهانہ      تخلفله درونم غمله طولدی  
بکا لایت ایکن جاه مشیخت      خدانک حکمتی عارف بک اولدی

قطعه سنده کی حکمت دخی بو قییلدندر.

## فصل ثانی

محسنات لفظیه حقنده در

«صنعت جناس» ایکی لفظک مغالری مختلف اولدینی حالده  
تلفظده تشابه لریدر. بونک اقسام عدیده سی واردر. نته کیم: بروجہ  
آتی تعریف اولنور:

«جناس تام» ایکی لفظک وجوه اربعه ده، یعنی: نوع و عدد  
و ترتیب حروفده و هیئتده، یعنی: حرکه و سکونده متفق اولملریدر.  
«شیر شیرخوار» کی.

جاہلہ جاہلہ رفعتی کلور عالمہ  
علم افزا ز معارف دراولان صاحب توغ

و :

باغده می ایچیلوب نالہ لر ایلر نیلر  
سی چیماز عجا بلبل او یورمی نیلر

و :

اولمه، جفای صاعکے دوراندن اوکرنور  
بی مهر و بی وفائی دورآندن اوکرنور

بیتلرنده کی «جاہلہ»، «نیلر»، «دوراندن» جناسلری دخی بوقیلدندر.  
اگر وجوه اربعہ مذکورہ دن یا لکز برندہ اختلاف بولنسه،  
«جناس تام» اولمیوب بشقہ بر اسم ایله تسمیہ اولنور.

شویله کہ: اختلاف، اگر ہیئتہ ایسه: «جناس محرف» دنیلور.  
«جبة البرد جنة البرد» عبارہ سنده کی «برد»، «برد» لفظلری کبی کہ با  
حرفی اولکیسندہ، مضموم وایکنجیسندہ، مفتوحدر.

«جاهل، یا مفرط یا مفرط اولور» عبارہ سنده کی مفرط و مفرط  
دخی بوقیلدندر، کہ اولکیسی، فاء ساکنہ وراء مخففہ وایکنجیسی،  
فاء مفتوحہ وراء مشدده ایله در.

و اختلاف اگر ترتیب حروفده ایسه: «جناس قلب» دنیلور.  
«روزکار زورکار» کبی.

و اختلاف اگر عدد حروفده ایسه «جناس ناقص» دنیلور. ساق  
ایله مساق کبی.

مؤلف فقیرک بر قصیدہ سندن :

آسمان پایه، هاسایه هایون کوکب

مصراعنده کی: «هما» ایله «هایون» دخی بو قیلدندر. اختلاف، اگر  
نوعده ایسه، یعنی: متجانس لفظلرک یالکز بر حرفی نوعاً مختلف  
اولوبده بو حرفلر بیننده قرب مخرج بولنورسه: «جناس مضارع»  
دنیلور. «دام» ایله «طام» کی.

اما بینلرنده قرب بولتماز ایسه: «جناس لاحق» دنیلور.  
«ستار» ایله «سیار» و «ستاره» ایله «سیاره» و «جبة البرد» «جنة البرد»  
عباره سنده کی «جه» ایله «جنه» کی.

قصیده مذکوره دن:

آب لطفکه زمان ابتدی زمینی سیراب  
تاب قهرکه قضا دشمنی ایلر تهید

بیتی دخی بو قیلدندر.

و اختلاف، اگر نقطه جهتیه اولورسه: «جناس مصحف» دنیلور.  
سوق ایله شوق کی.  
مؤلف فقیرک:

لب نکارده بن بنجه پک نشاط ویرر  
که نقطه نقش ایله جودت اولور سراب شراب

بیتی دخی بو قیلدندر.

«صنعت اشتقاق» دخی جناسه ملحقدر. «کاتب» ایله «مکتوب»  
«قول» ایله «قائل» کی.

جور دهر ایله اولور بلبل غرابه همنشین  
ینه شکوائی غراب ایلر غرابت بونده در

پیتندہ کی: «غراب» ایلہ «غرابت» بوقیلدندر.  
 «شبه اشتقاق» صنعتی دخی كذلك جناسه ملحقدر. «خال» ایلہ  
 «خالی» لفظلری کی.

۲ - «موازنه» فاصله لرك وزنًا متساوی اولمیریدر.

عالمه جام صفا صوندینی دم باكه فلك  
 برقدح صوندی كیم ویرمیه بیک درلوکسل

پیتندہ کی: «فلك» و «کسل» کی.

«فاصله» نژده، فقره لرك، و نظمدہ، مصراعلرك صوك کلمه لیریدر.  
 اگر فاصله دن بشقه دیگر جزو لرك جمله سی، یا خود اکثری وزنًا  
 مقابللری کی اولور ایسه: «مماثلہ» تسمیه اولنور.

مشیر سلطنت، عقل مصور  
 پناه مملکت، عدل مجسم

پیتندہ اولدینی کی.

۳ - «سجع» فاصله لرك برحرف اوزرینه متوافق اولمیریدر.  
 نژده سجع، نظمدہ قافیه کیدر. و اویج قسقه منقسمدر. شویله که  
 فاصله لر وزنًا مختلف اولورلر ایسه: «مطرف» دنیلور.

نته کیم: «طلبه: علم بلاغتی اکمال ایتدیلر. علم حقوقده دخی ایچه  
 کسب کمال ایتدیلر.» دیدم کمزده «اکمال» ایله «کمال» کی.

شعردن نظیری، مؤلفك سالف الذکر قصیده سنک مطلق اولان:

خدا لله که بکا یاور اولوب بخت سعید  
 ایلدی چرخ ایله سرنامه صلیحی تجدید

پیتیدر.



وَ اکر فاصله لر وزنآ دخی متوافق اولور لر ایسه: «سجع متوازی»  
دنیلور.

نته کیم: قصص انبیانک: «آندن صکره سائر ناس، آنلردن  
اوره دی وَ نیجه قوملر وَ صنف صنف انسانلر توره دی» عباره سنده کی:  
«اوره دی»، «توره دی» کلمه لری کی.

ینه قصص انبیانک: «کروه مشرکین، بر حمله ده اهل اسلامی  
بتورمک اوزره مدینه منوره اوزرینه یوریدی؛ خلقی خوف و دهشت  
یوریدی» عباره سنده کی: «یوریدی»، «یوریدی» کلمه لری دخی بو  
قبیلندر.

شعردن نظیری دخی:

آفرین ای روزگارک شهسوار صفدری  
عرشه آص شمدنکیرو تیغ ثریا جوهری

بیتیدر.

اگر فاصله لرده اولدینی کبی ماقبللرنده کی اجزانک اکثری  
سجعاً وَ وزنآ ماقابللری کی اولورسه: «سجع مرصع» دنیلور.  
«فلان افندی، زبده امانل و اقراندر؛ وَ برادر سربلندی، عمده  
افاضل و اعیاندر» عباره سنده اولدینی کی.

سجع، هر حالده کلام بلیغه زینت ویرر؛ فقط فاصله لر متحد المأل  
اولیوب هر برینک بشقه بشقه معناری اولق شرطدر. وَ آلا مجرد  
سجع ایچون بر نوع تکرار دیمک اوله جغه مبنی تطویل قبیلندن  
اولور. مثلاً: «بزه پک چوق احسان ایتدی وَ لطف بی پایان ایتدی»  
دنیلسه مقبول اولماز.

۴ - «صنعت تشدید» - که «التزام» و «لزوم مالا یلزم» دخی دنیلور -  
شعرده، حرف روینک، و نثرده، آنک مقامنه قائم اولان حرفک  
تکراری قافیه و سجع ایچون کافی ایکن آندن فضله بر شی التزام  
اولنقدرد.

مثلا: «کرم» و «هم» کبی کلهلرده، قافیه و سجع ایچون یالکز  
میک تکراری کافی ایکن: «کرام» و «بنام» کبی کلهلرده، میک  
ماقبلنده کی الفک دخی تکراری التزام اولنورسه «لزوم مایلزم»  
قیلندن اولور.

براهل همت ار بول، ای دل مجبور ار نلردن!  
که اولسون منزل و صلاک یولنی کوسترنلردن

بیتی، بوقبیلندرد، که آخر کلمده یالکز نونک تکرار یله قافیه حاصل  
اوله ییلور ایکن درت حرفک دها تکراری التزام اولنشدرد.  
«ذوالقافیتین» غزلله، هب بوقبیلندرد.

شعر للمؤلف:

صفا ویرر بزه یاره، ایتسه پرعتاب خطاب  
که تلخ اولنجه ایدر طبعی نشئه یاب شراب  
وطن جلاسی جفا سن صورار ایتسه ک ساقی  
نوا ی ناله چینی ویرر جواب جواب

کبی.

سامینک دخی بویولده بر مشهور غزلی واردرد، که مطلبی بودرد.

جوشش اشکه دل پر خون بر مجرا ایکی  
حیف کیم فاک دل مشحون بر در یا ایکی

«محسنات لفظیه» نك اصل حسنی، معنی لفظه تابع اولیوب بلکه لفظك معنایه تابع اولسیدر؛ چونكه معنی، طبیعتنه براغیلور ایسه كندوسنه لایق اولان لفظی ایستر؛ و آنك ایستدیكى لفظ كتوریلور ایسه لفظ و معنی، ایكیسی ده كوزل اولور. اكر تسجیع ایچون تكلف ایله عباره تصنیع اولنور و معنی لفظه تابع قیلنور ایسه لفظ و معنی، حلیه حسن و قبولدن عاری قالور.

### فصل ثالث

صنایع بدیعیه نك لواحق حقنده در

«تلمیح»؛ برقصه یه، یاخود بر مثل مشهوره اشارت اولنمقدرد. نته کیم: سلیمان فهم افندینك:

بزه عرض جمال ایتزمی بلقیس امل آخر  
فهیم خاتم داغ محبتله سلیماتز

بیتمده [سلیمان] (علیه السلام) ایله [بلقیس] قصه سنه اشارت اولنمشدر.

اختر مطلب آفاق فلکده طوغماز  
کونده بیک شی طوغورر لیلّه جلای عدم

بیتمده: «اللیلة حبلى» مثل مشهورینه ایما قیلنمشدر.

تلمیحده: مقصده دلالت خفی و بعید اولور ایسه «الغاز» ملحق اولور و صدددن خارج قالور.

«اقتباس»: کلامه، قرآن کریمدن، یاخود حدیث شریفدن برشی  
تضمین اولمقدرد.

مؤلف فقیرک بر بهاریه سندن :

ترانه لب هر جویبار «فاعتبروا»  
زبان بلبك اورادی یا اولی الابصار

ییتنده و دیگر بر بهاریه فارسیه سندن :

شنوز جو ومن الماء کل شیء حی  
شنوز صوت سبوان ربنا لففور

ییتنده اولدینی کی .

«تضمین»؛ بر شاعر کندو شعرینه آخرک شعرندن برشی تضمین  
ایشدیرمکدر. شو شرطله که غیرک شعری اولدیفنه تنبیه اولنه.  
مکرکه بین الادبا معروف بر شعر ایسه تنبیه حاجت قالماز.  
نته کیم: نفی بر بهاریه سنک :

بحمدالله زمانکده بقول صبری\* شاکر  
کریبان فلک مهجور دست آه شکوادر

ییتنده [صبری] نك استخی تصریح ایده رک بر مصراعنی تضمین ایلشدرد.  
ایشته میدان هنرا کیتیمه لم شیرازه

مصراع مشهورینی سروری تضمین ایله :

رومده آکه سروری کله منی قارشو  
ایشته میدان هنرا کیتیمه لم شیرازه

دیدیکی کی .

مؤخرأ فهم دخی:

حلب آنده ایسه بونده بولنور اندازه  
ایشته میدان هنر، کیتیه لم شیرازه

دیو تضمین ایشلدر.

کذلک بالاده ذکر اولندیغی اوزره:

فکر زلفک دلدۀ تاب، سوز عشقک سینه ده  
نار در کلخنده کویا مار در کنجینه ده

بیتک مصراع ثانینسی تضمین ایله:

سوز عشقک سینه ده سودای زلفک قلبه ده  
نار در کلخنده کویا مار در کنجینه ده

بیتی یا ایشلدر.

اما بر شاعر، دیگر شاعرك اشعارندن مصراع، یا خود بیت کبی بر  
شی آلوده کندو شعری کبی اعلان ایدر، یا خود بعض الفاظنی  
تبدیل ایله مضمونی چالوده کندو شعرینه قاتار ایسه سرقت صا-  
یلور. بو ایسه مذموم و مقدوحدر.

سرقت شعر ایدنه قطع زبان لازمدر  
بوyle در شرع بلاغته فتاوی سخن

وَ اکر خلف سلفک شعریخی اخذ و اصلاح ایله آتی ده اعلای  
صورتده نظم ایلر ایسه مقبول اولور.  
وَ بعض متشعرین، که:

فہما شاعران بو الوسده قالمش انصاف  
قناعت الیز مضمونہ دیوانی چالار چاریار

مؤداسنجہ دیوانلردن بکندیکنی آلوده کندو نامنه اعلان ایدرلر؛  
شعردن معدود اولدقلری جهتله موضوع بچشدن خارج قالورلر.  
و بعضاً ایکی شاعرك بر برندن خبری اولقسزین بر مصراع،  
یاخود بر بیت ایکسینک دخی خاطرلرینه سnoch ایلر بوکا: «توارد»  
دنیلوب سرقه صائلاز. هله تاریخلرده بو توارد، چوق دفعه وقوع  
بولمشدر. نته کیم فصل آتیده امثله سی ایراد اولنه جقدر.  
شعراى عجم، بعضاً اشعار عربیه یی کندو شاعرلرینه تضمین ایله  
«ملع» طرزنده شعر یاپارلر.

ننه کیم: حافظ شیرازی، یزیدک:

ادر کأسا وناولها  
الا یا ایها الساق

یتنی بر مصراع اولق اوزره تضمین ایله:

الا یا ایها الساق ادر کأسا وناولها  
که عشق آسان نمود اول ولی افتاد مشکها

مطلعی سوبلشدر.

«ملع»، بر مصراعى بر لساندن و دیگر مصراعى دیگر لساندن  
اوله رق نظم اولنان شعردر.

هیچ کیمه دکل سرقدردن آگاه  
لا حول ولا قوة الا بالله

بیت مشهوری ایله مؤلف فقیرک بر ملح غزلندن:

جودت اوله لی چشمکه مفتون جانا  
لانوم له طول لیال بالله

## وَدیکر بر مَلع غزلندن :

هوای زلفیدر اقصای آرزوءِ جودت  
سواد طره نماید مرشبِ معراج

بیتلری کجی .

عروض فارسی، اکثراً عروض عربی به مخالف دوشر . مثلاً:  
بحر رمل ایله بحر هزج، عروض فارسی اصولنجه هر بیتتی، بعضاً  
سکزر و بعضاً آلتیشر جزء دن مرکب اوله رق استعمال اولنور . اما  
عربیده ایکسی دخی سکزر جزء دن مرکب اوله رق استعمال اولنماز .  
بناءً علیه بوجه بالا یزیدک ایکیشر جزء دن مرکب اولان ایکی  
مصراعندن، حافظ شیرازی بر مصراع یامیشدر .

شعراي روم، اوزانده عروض فارسی اصولنه تابع اولدقلرندن  
لسانمژده فارسی ایله ترکیدن «ملع» شعر سویلک سهلدر . اما عربی  
ایله ترکیدن ملح شعر سویلک جای نظر ودقتدر .

مثلاً: بحر رملدن بر ملح سویلنه جک اولدینی حالد هـ مصراعی،  
اوچر جزء دن ترکیب اولنور ایسه هم فارسی، هم عربی عروضنه  
توافق ایلر . وَاکَر دردر جزء دن ترکیب اولنور ایسه عربی عروضنه  
مخالف اولور و شعراي عربدن بری کورسه آنی ناموزون صانور .  
مع مافیه ملح شعرلرده بو مثللو اختلافلر معفودر . اما کاملاً  
عربجه شعر سویلنه جک اولور ایسه اوزان عربیه توفیق اولنقی  
لازمدر .

بناءً علیه بعض متعربینک، قصیده طنطرانیه کجی هر بیتتی سکزر

جزء دن مرکب اوله رق بحر رملدن سویلدکلی عربی شعرلره،  
شعراى عرب اشعار عربیه نظریله باقازلر.

بعض متأخرین ادباء، یالکز مهمل، یعنی: نقطه سز حرفلردن شعر  
سویلمک کی صنعتلر اختراع ایتشلردر. نته کیم:

اودل که اوله هوادار مدح اهل کرم  
اولوز عرائس الهام کردکازه حرم

ییتنده، هیچ نقطه لی حرف یوقدر.

بوده بر هنردر. لکن اسلاف ادبا بو مثللو خطه عائد اولان  
صنعتلری محسنات بدیعیه دن عد ایلماشلردر.

شعراى متأخریندن بعضیلری، «الغاز» و «تعمیه» یولنده  
منظوم کلاملر سویلمشلردر. لکن بونلر دخی محسنات بدیعیه دن  
معدود دکلرلدن.

«الغاز»، لغز سویلمکدر. «لغز»، بیلجه دیمکدر، که بر شیئک  
علام و اوصافی ذکر ایله آکا سائر اشیادن متمیز اوله جق صورتده  
و رمز یولنده دلالت ایدن کلامدر.

«تعمیه»، کلام موزونده بر ذاتک نامنه رمز وایما ایله دلالت  
ایتیمکدر. اول کلامه دخی «معما» دنیلیر.

نته کیم:

بند یوق صبر و سکون، سنده وفادن ذره  
ایکی یوقدن نه چیقار، فکر ایدلم بر کره

ییتنده [نابی] نامنه ایما اولمشدر.



صنعت تاریخ اربابی دخی بر مصراعك حسابجه نقصان، یا زیاده سنه  
رمز و ایما ایتمه «تعمیه» دیر لر .  
نته کیم: فصل آتیده کلور .

### فصل رابع

صنعت تاریخه دائردر

متأخرین ادبانك اختراع ایتدکری برده: «صنعت تاریخ» وارد ر، که  
بر وقعه یی مشعر اولان مصراعك، یا خود بیتك بحساب الجمل عدد  
حروفی، اول وقعه نك تاریخ وقوعه مصادف اولمسیدر. بودخی  
صنایع بدیعیه دن معدوددر. اوائلده بوضعت یوق ایدی. صکره لری  
بر وقعه یه تاریخ اولمق اوزره برکله، یا خود بر عباره بولنمق بین الادبا  
دأب و عادت اولمشدر.

شویله که: ۷۹۱ سنه هجریه سنده فوت اولان حافظ شیرازینک  
وفاته تاریخ اولمق اوزره «خاک مصلی» ترکیبی بولنمشدر، که ابجد  
حسابیله عدد حروفی سنه مزبوریه موافقدر.  
و ۸۰۳ سنه سنده تیموزک سیواسی تخریب ایتدیکنه «خراب»  
کله سی تاریخ دوشمشدر.

و فاتح سلطان محمد خان ثانی حضرتلرینک ۸۵۶ سنه سنده  
روم ایلی حصارینی بنا ایتدیکنه «بنیان محمد خان» ترکیبی و ۸۵۷  
سنه سنده استانبولی فتح ایتدیکنه «بلده طیبه» عبارة شریفه سی

و ۸۷۸ سنه سنده اوزون حسنه غلبه سنه [وینصرك الله نصرا  
عزیزا] آیت کریمه سی تاریخ واقع اولمشدر.

و ۸۹۸ سنه سنده ملا جامی وفات ایتدکده [ومن دخله کان  
آمنا] آکا تاریخ دو شمشدر.

و یاوز سلطان سلیم خان حضرتلرینک، ۹۲۲ سنه سنده سلطان  
غوری یه غلبه سنه تاریخ اولق اوزره کمال پاشا زاده: «فتح ممالك العرب»  
عباره سنی بولوب بعده ۹۲۳ سنه سنده دیار مصری فتح ایتدیکنده  
دخی: «فاتح ممالك العرب» دیمشدر.

ایشته ابتدالری بویله منشور اوله رق تاریخ آرانوب بولنور ایکن  
۸۵۰ سنه سنده سلطان محمد خان ثانی حضرتلری، برجامع شریف  
بنا ایتدکده اول عصرک علای ادباسندن «قصیده نونیه» صاحبی  
مشهور خضرک:

جامع زید عمر من عمره

مصراعنی سویلش و آندن صکره شعرا منظوم تاریخ بولمغه دخی  
هوس ایلش ایدی.

و استانبولک تاریخ فتحی اولق اوزره:

اهل دین استانبولی آلدی جدال و جنکله

مصراعی سویلنشیدی.

طقوز یوز سنه هجریه سندن صکره کزیده تاریخلر سویلنمکه  
باشلادی. مثال اوله رق بعضیلری بروجه زیر تحریر اولنور.

سنه	تاریخ	اسامی
۹۳۲	انکروسی منہزم قیلدی سلیمان زمان	نظمی
۹۴۷	آصف الہ کیردی سلیمان مہری	لادری
۹۶۲	سلیمان وردی مہرین آصفینہ	لا
۹۶۶	شامی احیا ایلدی سلطان رومک جامعی	شعی
۹۷۴	شاہ شد سلطان سلیم کامیاب	امیری
۹۷۸	آلدی قبرس آطہ سن شاہ سلیم	نیازی
۹۹۰	سعادتہ صفا کلدک افندم	هاشمی
۹۹۱	اہل سنت منزلی اولدی روان	لا
۹۹۱	قلعہ زاد عمر بانہا	لا
۹۹۷	روحی بغدادی : صفار ایلدی صافی جناہ باصدی قدم	

الحاصل خضر بکک آچدینی چغرة کیدہرک شعرا ایچون برشاہراہ اولوب وقوعات مهمہ ایچون برمصراع وبعضاً بر بیت اولمق اوزرہ تاریخ نظم ایلمک باشلامشدر ایلدی. بیک تاریخندن صکرہ بوکا دہا زیادہ اعتنا ایلدی. و بروسہ علماسندن سالف الذکر ہاشمی افندی، بک کوزل و غایت مصنع تاریخ سولیلہرک و بویولده سائرینہ تقدم ایلیہرک صنعت تاریخندہ امام اولمشدر.

بناء علی ذلک بیک تاریخندن صکرہ سولیش اولان تواریخ منتخبہ دن بر آز مثالر کتورہلم:

سنه	تواریخ	اسامی
۱۰۰۲	مسجد مستحسن ارکانہ	لادری
۱۰۰۳	خان محمد اولدی سلطان جہان	طالبی
۱۰۰۴	ایتدی قدری چلی عزم بقا	طیبی
۱۰۱۸	کتدی شعی چلی دنیادن	لا

برده اسم عامدن قرینہً حالہ ایلہ بر فرد معین مراد اولنور  
ایسہ فعل ایلہ ترکیب اولنہ ماز. مثلاً: متکلم، علی الاطلاق کتاب  
ایستر ایسہ «بکا کتاب ویر» دیر. اما مخاطب ایلہ بینلرنده معلوم  
اولان کتابی ایستر سہ «کتابی ویر» دیمسی لازمکلور.

بعضاً فاعلک ہیئتنی مبین اولان حال دخی وجہ مشروح اوزره  
فعل ایلہ ترکب ایلر. نته کیم: «یاپان کلدی.»، «راجلا کلدی.»،  
«یالکز کلدی.»، «آنسزین کلدی.»، «بقتہ کلدی.»، «دنیلور.

### پیت لمرره

ضبط اولنماز عنان آہ سحر  
چاره سز کشف راز ایدر کوکلم

دخی بوقبیلدندر.

بومثللو افعال مرکبہ نک موقع استعمالی، پک مختلفدر.  
شویله که: جزء اولی، بروجه بالا بعضاً مفعول به حال اولدینی کبی  
بعضاً دخی اسم مصدر اوله رق اصل فعلی مؤکد اولور. نته کیم:  
«بر اوروش اوردی که تعریف اولنماز» دنیلور.

بعضاً اصل فعلک وصف و نوعی مبین اولور. نته کیم: «کوزل  
یازدی» «سرعتلی یوریور» دنیلور.

و بعضاً تأکید ایچون فعل مرکبک جزء اولی تکرار قلنور.  
نته کیم: «احسان ایت افندم احسان» دنیلور.

مسندالیہ ایلہ مسندده جاری اولان بدل، بیان و تفسیر اصولی،  
متعلقات فعلده دخی جاری اولور. نته کیم: «برادریکز فلان افندی بی

شعرانك تاريخلرندن مقبول و مستحسن اولنلريني جمع ايله بر مجموعه يه قيد ايدوب وفاتنده عزت ملا دخي عصرنده سويلنان تاريخلرك منتخبلريني بوكا علاوه ايتمشدر. بعده وقعه نويس اسعد افندي دخي انتخاب ايلديكي تاريخلري آكا قاتمشدر. حقاكه اسلاف شعرانك اك كزیده تاريخلريني جامع بر اثر بي نظيردر.

سروري، اول مجموعه يي اصل «تواريخ منتخبه تركيه» ايجون ترتيب ايلش ايسهده بعض تواريخ فارسيه و عربيه يي دخي قيد ايلمشدر. حتى ۱۱۹۴ سنه سنده انشا اولنان حميده كتابخانه سي ايجون سويلش اولديني:

قد بنی دار الکتب سلطاننا عبد الحمید

تاريخني دخي اول مجموعه يه قيد ايتمشدر. بو تاريخك بالاسنده كي قصيده سي دخي هپ عربيدر. حالبوكه بالاده بيان اولنديني اوزره بحر رملك سكر جزء دن تركيي، اصول عروض عربي يه مخالفدر. «ملع» شعرلرده بوكا بر درجه يه قدر مساغ اولسه بيله اوزان فارسيه اوزره هپ عربي اوله رق نظم اولنان شعرلر مقبول اولماز. و برده: «الكتب» لفظي اوزره وقف ايتديكنه مبنی عصری ادباسندن بعضيلري، آكا اعتراض ايتشلايدی. بو اعتراض دخي بجا و اقوادر؛ چونكه اشعار عربيه ده كرك وقف، كرك اشباع، اتحق بيتك آخرنده و برده مصراع، يعني: مثنوی يا مطلع ايسه مصراع اولك دخي آخرنده اولور؛ سائر محللرنده جائز دكلدر. فارسى و تركى شيوه سي اوزره عربي شعر سويلك ايسه مستحسن اولماز.

تاریخك اڤاعلاسی، حشودن عاری و مراد اولان معنای کمال  
وضوح ایله مفید اولان مصراع آزاده، یعنی: دیگر مصراعه مربوط  
اولمایان بر مصراع بر جسته در.  
سرورینك:

اولدی صالح افندی دقتدار

مصراعی کبی، که بونی استماع ایدن کیمه، صالح افندی نامنده بر ذاتك  
دقتدار اولدیغنی فهم ایدر و جمیع حروفی حساب اولندقدده  
۱۲۱۴ سنه سنده وقوعی معلوم اولور؛ فقط بویله تاریخلر، پك نادر  
تصادف ایدر.

سروری، بیکلرجه نظم ایلدیکی تاریخلرینك ایچنده اڤ زیاده  
بونی بکنورمش:

سنگ سنگ سروری کلدی قره

مصراعی دخی بو قیلنددر، که بونی مطالعه ایدنلر، ۱۲۰۵ سنه سنده  
سرورینك قرق یاشنه واصل اولدیغنی درحال فهم ایدر لر.  
۱۲۱۳ سنه سنده قهوه دن توبه ایتدیکنه دائر سولش اولدیغنی:  
قهوه دن قیلدی سروری توبه

مصراعی دخی بو قیلنددر.

بو یولده سولش اولان تاریخلرک کزیده لرندن بوجه آتی  
بر آز مثالر ده اکتوره لم:

سنه

تواریخ

اسامی

۱۱۹۸

سروری: قیلدی ابراهیم افندی ارنحال

- وله : ارحال ابتدی محمد چلی ۱۲۰۲  
 وله : تزوج ابتدی عاصم بك افندی ۱۲۰۹  
 وله : خان سلیم اوج کمی ایندیردی ۱۲۱۵  
 وله : ایلدی رحلت کلوب قدسی افندی کعبه دن ۱۲۲۱  
 وله : میر عارف ابتدی عقد ازدواج ۱۲۲۲  
 وله : یثربی آلدی جند خان محمود ۱۲۲۷  
 حکمت : وفات ابتدی جمال الدین افندی ۱۲۲۷  
 وله : رفت رحمتی زعالم فانی ۱۲۲۷  
 ذائق : روم ایلینه عزم و عودت قیلدی خان عبدالمجید ۱۲۶۵

هروقت بویله برجسته مصراعلر بولنه ماز؛ چونکه اکثریا معنای مراده دلالت ایدن لفظلرک عدد حروفی تاریخچه موافق دوشنر. بناءً علیه حسابی طولیدیرمق ایچون حشو وزائد لفظلر علاوه اولنور. ایشته بوعلاوه لر نقدر مقامه مناسب ولطائف بیانیه و بدیعیه یی مشتمل اولور ایسه تاریخچه اوقدر مقبول اولور.

بویولده سولیمش اولان تواریخ مقبوله دن دخی بر وجه آتی بر آز مثالر کتوره لم:

اسامی	تواریخ	سنه
سروری : باریک الله پادشاه عادل اولدی شه سلیم		۱۲۰۳
وله : خان شیرینی وپردی فرهاد		۱۲۰۴
عینی : محره ایام شتاده ایندی اوج فلك جدید		۱۲۱۳
سروری : کچدی غالب دوده جاندن یا هو		۱۲۱۴
وله : حیف کیم قیلدی محمد بك افندی رحلت		۱۲۱۹
وله : کوچدی مبرد نصف شتاده		۱۲۱۹
وله : دیوب الحکم الله کوچدی قاضی زاده مأوا به (ولادت هایون)		۱۲۱۹
طالب : قیلدی تولد مزده کیم شهزاده مر عبد الحمید		۱۲۵۸

تاریخ، ابتدا بروجه مشروح حقیقت دائره سنده آرانور. و بولنه ماز  
ایسه: مجاز، کنایه، تلخیص و توریه یولی اختیار اولنور. و بویولده  
بولنان تاریخ، نه قدر رنگین و معنای مراده دلالتی نه قدر واضح  
اولور ایسه اومرتبه مقبول و مستحسن اولور. نته کیم زیرده تحریر  
اولنه جق مثاللردن آکلاشیلور:

(تاریخ وفاتی کافی)

- ۱۲۰۶ سنبلزاده وهی: کیتدی کوهر ایدی کویا اومعارف کافی  
۱۲۰۸ سروری: حق بو انبار جسمی ایده کنج برکت  
۱۲۰۹ غالب: دوکلدی قالب مقبول و مطبوعه دوکخانه  
۱۲۰۹ سروری: مقید زاده قید تبندن اطلاق ایلدی روحی  
۱۲۱۱ وله: سراپا عشقه سوزان ایکن محو اولدی یان ملا  
۱۲۱۱ وله: ماء حیوان سمتنه آقدی بالق بازارینک  
۱۲۱۱ وله: ایلدی اقبالی اوج آنبارلی یه آنلر کبی  
۱۲۱۳ وله: اوج کمی یول بولدی کمزآت کبی قوشدی یه  
۱۲۱۳ وله: آت کبی بزدن سکیردوب اوج کمی بولدی یمن  
۱۲۱۳ وله: قوش کبی اوج قطعه قالیون اوچدی لر سوی یه  
(معادن امینی ضیا پاشانک صدارتی)  
۱۲۱۳ وله: پادشه معدنده بولدی مهرینه لایق کهر  
(وزارت طیار پاشا)  
۱۲۱۵ وله: اوج اعلاى وزارتده هادر طیار  
۱۲۱۷ وله: حق بو انبار بلندی ایده کنز البرکات  
۱۲۲۰ وله: کل اوق سید سلیمان روحی ایچون فاتحه  
۱۲۲۰ وله: فاتحه عثمان افندی روحه  
۱۲۲۲ وله: محفل عدنی مقر ایتسون بلال  
۱۲۲۲ وله: شربی صوندی شکر زاده یه ساقی اجل



۱۲۲۳

عارف : اولدی عدلی خان محمودک جلوسنده عیان

(مخلصی عدلی اولدینی جلوسنده میدانہ چیقمشدر.

۱۲۲۳

عزت : محمود خانہ مولی ملکى ایدہ مبارک

۱۲۲۷

سروری : جهاندن کوچدی بلبل خواجه قوندی عدن اعلايه

۱۲۲۷

حکمت : کعبہ خلدی مکان ایلہ روح مدنی

(صدارت درویش پاشا)

۱۲۳۳

عزت : قطب عالم صاحب مہر ایلدی درویشی

(ریاست پرتو پاشا)

۱۲۴۲

ولہ : سایہ شاہانہ دہ آلدی ریاست پرتوین

(ولادت ہایون)

۱۲۵۸

حق : فروپردی کلدی عالمہ شہزادہ من عبد الحمید

۱۲۶۵

صفوت : قوشدی کاوی زادہ بی کردونہ موتہ اجل

(وفات والی مصر)

۱۲۶۵

ولہ : ام دنیا قوجہ سن ایتدی تلف

(جلوس سلطان عبد العزیز)

۱۲۷۷

جودت : ویردی اورنک جهاندارۃ فر عبد العزیز

بعضاً ایکی اوج شاعرک بر تاریخده توارد ایتدکلی واردر.

زیرده محرر تاریخلرده اولدینی کی :

(سروری. عزت)

۱۲۲۲

مصطفی خانہ بیعت ایلدی ناس

(سروری. حکمت)

۱۲۲۵

اوجدی صحن جنانہ طوطی شیخ

(سروری. حکمت. رافت)

۱۲۲۷

جانی عدن ایلسون قدرت بک رب قدیر

(حق. شناسی)

۱۲۶۱

یابدی خان عبد الحمید یم ہم جسر جدید

بعضاً بر بیتک مجموعی، بر تاریخ اولور. نته کیم: سرورینک (۱۲۰۶)  
سنه سنده سویلدیکی :

سهله میدانده آلدی منزلی  
دیکدی طاش سلطان سلیم کامبین

بیتی کبی.

و بعضاً بر بیتک هر مصراعی برر تاریخ اولور. نته کیم سرورینک:

قرقلری هر حالده مولی معینی ایلیه  
سنی قرق اولدی جناب شه سلیمک بوسنه

بیتنک هر مصراعی ۱۲۱۵ عددینه مساوی اوله رق بشقه بشقه  
برر تاریخدر.

تاریخ، یا «تام» اولور، که جمیع حروفی داخل حساب اولور.  
بالاده مذکور تاریخلر کبی.

یا خود یا لکز نقطه لی حرفلری حساب اولنوب «تاریخ معجم»  
و «تاریخ مجوهر» دنیلور.

و یا خود یا لکز نقطه سز حرفلری حساب اولنوب «تاریخ مهممل»  
و ساده دنیلور.

تاریخ معجمه مثال :

سروری

بر صبی رشید مکتبده  
شو حدیث اولدی جوهرین تاریخ  
ایتدی ختم تلاوت فرقان  
خیرکم من تعلم القرآن

## سروری

کرونی الشیم عاشر افندی مفتی عالم  
که وقتک قطیدر ذات شریفی فضل و تقواده  
سروری جوهر کلدن ایدن تاریخن استنباط  
موقدر مجرد عقل عاشر نقل فتواده

۱۲۱۳

## سروری

کنامی وار ایسه عفو اوله معجمله دیدم تاریخ  
نصوحی زاده قیلدی توبه قرب حقه عزم ایتدی

۱۲۱۸

تاریخ مهمله مثال :

## سروری

حرف ساده لرله ایلدم تحریر تاریخن  
بکر آغا قوروب سور تزوج بر مراد اولدی

۱۱۹۲

## طالب

فر ویرر مهر ایله غالب کبی پاشا صدره

۱۲۳۹

بعضاً مصراع تاریخک عدد حروفی بر قاج ناقص یا زیاده کلدکده  
مقامه مناسب تعمیه ایله ضم یا تنزیل اولنور .

بویله تعمیه ایله سولتمش اولان رنکین تاریخلردن بر قاج مثال  
کتوردم :

سروری

بایله یازدی قلم ثبت ایدیجک تاریخن  
قشله ده ابتد بنا والده سلطان حمام

۱۲۰۹

اشبو مصراع، تاریخک عدد حروفنده ایکی نقصان اولوب با  
حرفنک عددی اولان ایکی ضم ایله اکمال اولنمشدر.

سروری

شکل کرداب کلور فکره یازارکن تاریخ  
سوردی یلکن کورک اعدایی قبودان پاشا

۱۲۰۴

بو مصراع، تاریخده بش نقصان اولمغله شکل کردابده اولان  
وبشه دال بولنان (۵) رقی ضم ایله اکمال قیلنمشدر.

سیر و هبی

شه عالم آلتجه بهمنک تاجن دیدم تاریخ  
عجمدن کلدی مفتاح روان باب هایونه

۱۱۳۷

بو مصراع تاریخک ایکی زیاده سی وارد ر . بهمنک تاجی، یعنی :  
حرف اولی اولان با حرفنک اخذ و تنزیلی ایله تسویه اولنمشدر.

سروری

دل کان رشکله قویدقده دیدم تاریخن  
آلدی مهری کرمک معدنی یوسف پاشا

۱۲۱۳

بو مصرع، معدن امینی یوسف پاشانک صدارتی تاریخی اولوب  
بر زیاده سی وارد در. کانک قلبی اولان الفک تنزیلی ایله تسویه قیلنمیشدر.  
بعطاً بر مصرعک عدد حروفی، مراد اولان سنه نك تمام ایکی  
قاتی اولوب «دوتا» دنیلور. تاریخ تام کبی مقبول دکلدرد. فقط بر  
مصرعک هر نصفندن برر تاریخ چیقار ایسه مصنع و مقبول بر  
تاریخ اولور. نته کیم: سرورینک،

بر جمعه کون شوکت ایله سلطان عثمان اولدی شاه

مصرعی، ایکی تاریخی مشتملدر. شویله که: «بر جمعه کون شوکت  
ایله» عباره سنک عدد حروفی، ۱۱۶۸ اوله رق سلطان عثمانک جلوه  
سنه تاریخ اولدینی کبی «سلطان عثمان اولدی شاه» جمله سی دخی  
بشقه جه بر تاریخدر.

کذلک مصرع تاریخک حروف مجمه و مهمله سندن برر تاریخ  
چیقار ایسه تواریخ مصنعه دن معدود اولور. نته کیم: سرورینک،

موقسین سروری معجم و مهمل دوتاریخه  
مربع وفق کشور مصطفی خاندن مکارمله

یتنده کی مصرع تاریخک حروف منقوطة سی (۱۲۲۲) اولوب  
ساده حروفی دخی اوقدر اولمغله ایکی سی دخی سلطان مصطفای  
رابعک جلوسنه برر تاریخدر.

تواریخ مصنعه نك انواع کثیره سی وارد در. از جمله بریسیده  
بودر، که بیتک ایکی مصرعی برر تاریخ اولدینی حالده هر مصرع  
عنک احاد و عشرات و مائی، یکدیگره مساوی اولدقده نقل یکدیگر

اصولی ایله آلتی تاریخ دها پیدا اولور. نتهکیم: (۱۲۱۶) سنه سنده  
مصرک فرانسه جمهوری یدندن استخلاصنه تاریخ اولوق اوزره سر-  
ورینک سویلیدیکی :

رزمه اسلامیان بوزدی فرانجه جیشنی  
ایلیوب جمهوری نابود آلدی مصری شه سلیم

یتندن منوال مشروح اوزره سکز وجهله تاریخ چیقار.  
تواریخ مصنعه نك برنوعیده اخراج وادخال اصولیدر. نتهکیم:  
(۱۱۴۲) سنه سنده اشرف خان افغانی عساکر عثمانیه ایله وقوع  
بولان محاربه سنده منهزماً فرار ایتدکده تاریخ مصنع اوله رق مشتاق  
«اشرف ازتیغ پادشاه کریخت» مصراغنی سویلشدر. حسابی بو  
وجهله درکه «تیغ پادشاه» ترکینک عدد حروفی، (۱۷۲۳) اولوب  
آندن (اشرف) اسنک عددی اولان (۵۸۱) طرح اولندقدده (۱۱۴۲)  
قالیر.

کذلک (۱۱۴۴) سنه سنده واقع اولان مصالحه یه تاریخ اولوق  
اوزره مسرود خان: «جدل رقت ازمیان شهریاران اتحاد آمد»  
دیمشدر. حسابی بو وجهله در.

شهریاران ۷۶۷

جدل ۱۰۳۷

۷۳۰

اتحاد ۴۱۴

۱۱۴۴

تواریخ مصعنه نك برنوعی دخی لفظاً و معنی تاریخی مشكل اولان  
مصراع یا خود یتدر. زیرده کی تاریخلر کی.

سنه	اسامی
۱۰۰۳	هاشمی . خان محمد ایلدی دادایله بیک اوچده جلوس
۱۰۰۸	هادی . باقی افندی کتدی عقیابه بیک سکرده
۱۰۳۰	هاشمی . یول اولدی اسکداره بیک اوتوزده آق دکر طوکدی
۱۱۰۱	لادری . صدر عالی آلدی بیک یوز برده اردل ملکنی
۱۱۱۰	دری . بیک یوز اونده بولدی دنیا راحت صلح و صلاح
۱۱۱۶	سروری . بیک ایکوز اون آلتیده آلوب مصری بنام اولدق

سرورینک :

بیک ایکوز اون سکرده ثابا  
اولدی عصمت بک افندی صدر روم

یتدی دخی بوقیلدندر.

(استقرار)

تاریخلرک حسابنده تلفظه اعتبار اولنموب خطه اعتبار اولنور.  
مثلاً: دعوی کی یا ایله یازیلوبده الف ایله اوقونان کله لر یا ایله  
حساب اولنور.

و «مفتی الانام» عباره سنده یا ایله همزه وصل تلفظ اولنمیدنی  
حاله یا وهمزه حسابه داخل اولور.

خواجه کله سنده دخی هم (واو) هم (الف) حسابه ادخال  
قیلنور.

فاتحه کی آخرنده تاء تأیث اولان عربی کله لر حال وقفده ها  
کی بش حساب ایدیلیر.

« فاتحه شریفه » ترکیبدهء « فاتحه » نك آخرنده کی « هاء رسمیه »  
 بش حساب اولندینی کی اوزرنده کی همزه دخی بشقه جه بر اوله رق  
 حساب ایدیلیر.

« مفتیء عالم » عباره سنیده (یاء) حسابه داخل اولدینی کی همزه  
 دخی بشقه جه حساب ایدیلیر.

نساء کی آخرنده الف معدوده اولان کلمات عربیه نك همزه سیء  
 لسانمزدده لفظاً وَ خطاً ترك اولنه رق « نسا » یازیلیر وَ او یله جه اوقونور؛  
 فقط موصوف یا خود مضاف اولور ایسه همزه اعاده اولنور وَ « نساء  
 حسان » وَ « نساء زمان » دنیلیر.

جزء کله سیء، اکثریا عربیده (واو) ایله « جزؤ » یازیلیر ایسه ده  
 لسانمزدده یالکز همزه ایله « جزء » یازیلیر.

« ایکی یوز » لفظی ترکیب ایدرك بر (یا) ایله « ایکوز » یازمق  
 جائز وَ شایع ایسه ده تاریخلرده اصلی اوزره ایکی (یا) ایله یازمق اولی  
 کورلمشدر.

« افسدییه » « شمدییه دك » لفظلرینی دخی « افسدییه » « شمدییه  
 دك » یازانلر وار ایسه ده اصلری اوزره یازمق راجحدر.

« قائم مقام » ایکی میم ایله یازیلیر. فقط بر میم مشدده ایله « قائم مقام »  
 یازمق دخی جائز اولور.

« بیک » از قدیم یا ایله یازیله ککش ایسه ده صکره لری یاسز اوله رق  
 « بک » یازمق متعامل اولمشدر.

« اوقومق » مصدرینك امر حاضر یء، واو ایله « اوقو » یازیلیر؛



فقط اسلافدن بعضیلری یا ایله «اوقی» یازمشلردر. مورخلر دخی حسابلرینه نصل کلیرسه اوילה یازارلر.

«قلدی» یا ایله یازیلیر؛ فقط مورخلر بعضاً تعدیل حساب ایچون یاسز اولهرق «قلدی» یازارلر. «کیتدی» لفظی دخی بو قیلدندندر. شوقدرکه اسلاف مورخینک اکثری، بونی یاسز یازمشلردر. «ینه» بر یا ایله اولوب آنجق اشعارده بعضاً وزن ایچون یایی مد ایدرلر وایکی یا ایله «ینه» یازارلر.

«آینه» ایسه بالعکس ایکی یا ایله اولوب بعضاً اشعارده بر یا ایله «آینه» یازیلیر.

لسان عربیده «صلوة» «ذکوة» رسم عثمانی اوزره واو ایله یازیلیر ایسهده لسان عثمانیده الف ایله «صلات» «ذکات» یازیلیر. عربیده «مصراع» الف ایله اولوب جمعی، «مصاریع» کلیر؛ فقط شعرای ایران، الفسز اولهرق «مصرع» قوللانمشلر. بز دخی ایکی وجهله استعمال ایدرز.

لسان عربیده همزه، ایکی قسم اولوب بری: «همزه وصل» دیکری: «همزه قطعیدر.» همزه وصل قطعی، و همزه قطع وصلی جائز دکلدر. شعرده اولسه دخی محل فصاحت اولور. فارسیده هر همزه نك وصلی جائزدر. شعرای روم دخی بو خصوصده شعرای فرسه اقتفا ایتمشلردر. نته کیم: مؤلف فقیرک

کلدی خوابکه وصله ایدوب ناز بکا  
نلر ایتدی نلر اول غمزه سی غماز بکا

بیتک مصراع ثانیسنده کی همزه لر ایله

کیجه لر عزم ره یار ایدردم جودت  
شعله آهم اگر اولسه غماز بکا

بیتک مصراع ثانیسنده «ا کر» حرفنک همزه سی وصل اولمشدر.

بعض شعرای روم، همزه کی عینی دخی وصل ایدرلر. نته کیم:

فهمیک ء

صبح صادق کی صادق اولیق یار بکا  
روز روشن اولور عینله شب تار بکا

بیتنده «عینله» لفظنک عینی، همزه کی وصل ایدلمشدر.

بی تقاب و بانقاب عرض جال ایلردی یار

مصراعنده کی «عرض» کله سنک عینی دخی وصل ایتک لازمدر.

وَالَا تَقَابُکَ الَّتِیْ حَذَفَ اَوَّلُتُحْقَ لَازِمَ کَلُورَ بُو اَیْسَه هِیْجَ جَائِزُ دَکَلَدِر.

عارف حکمت بک افسدی کی فضلا ی ادباء، عینک اوילה همزه کی

وصل اولمشنی اصلا تجویز ایتزلردی. بونی تجویز ایدن شعرا دخی

نژده تجویز اولنمیان نیجه شیلر ضرورت شعریه به منی تجویز اولنور.

علی الخصوص، تار یخلزده بر مرتبه ده ا اتساع کوسترملک لازم کلور

دیرلر ایدی «کل اناء یترشح بمافیه».

خاتمه

اوج مقامده، یعنی: ابتداء، تخلص و انتهایه سوزک فصاحتنه پک

زیاده دقت و اعتنا اولتملیدر.

چونکه ادباء مقصده شروعدن مقدم، «تغزل» یا «تفخر» یا خود

زمانه دن «تشیکی» یا «تشرک» کبی بر مقدمه ایله کلامه ختام ویررلر.  
ابتدا سامعک قولاغنه طوقونه جق سوز، افصح، و معناسی اوضح  
اولدینی حالده، آلت طرفنی کمال اهمیت ایله دکر. وَا لَا آلت طرفی  
هر نقدر کوزل اولسه چندان قولاق آسماز. بناءً علیه حسن ابتدایه  
زیاده اعتنا اولنق لازمکلور. وَا ک اعلاسی، مقصدی مشعر اولان  
سوزلر ایله ابتدا ایتکدر. ایشته بوکا «براعت استهلال» دنیلور.  
مبادیدن مقصده بر مناسبت ایله کچیلور ایسه «تخلص» دنیلور. وَا کر  
مناسبت آراقمقسنرین کچیلور ایسه «اقتضاب» دنیلور، که قدمانک  
مسلکدر. بعضاً دخی «بعدذا» یا «بعدازین» یاخود «مقصده کلمه»  
کبی بر سوز ایله مقصده کچیلوب بو دخی تخلصه قریب بر اقتضابدر.  
متأخرین ادباء حسن تخلصه پک زیاده اعتنا و اتمام ایتشلردر.  
چونکه مخاطب، مبادی بی دکر ایکن مقصده مترقب اولور. بوجهته  
کریزگاه نه قدر کوزل اولور ایسه، کلامده او قدر تحسینی جالب اولور.  
«انتهاء کلام» ایسه، سامعک اک صکره قولاغنده قاله جق سوز اولمغله،  
کوزل اولدینی حالده اوسب طرفنک قصورلرینی اورتر. وَا انتهانک  
احسنی، کلامه تمام اولدیغنی مشعر اوله جق وجهله ختام ویرمکدر.  
(الحمد لله الذی هدانا لهذا وما كنا لنهتدی لولا ان هدانا الله)



# ایکنجی دفعه طبع اولتان بلاغت عثمانی کتابنک فهرستیدر

صحیفه

۳	اخطار مهم
۵	دیباچه
۱۲	مقدمه
۳۰	لاحقه

## باب اول - کلامک مقنضای مال مطابقی مقننده در

۴۱	مقدمه
۴۳	فصل اول - احوال مسند الیه بیاننده در
۶۰	فصل ثانی - احوال مسند بیاننده در
۶۶	فصل ثالث - مسمات جمله بیاننده در
۷۹	فصل رابع - اسناد خبری بیاننده در
۸۴	فصل خامس - انشا بیاننده در
۹۴	فصل سادس - الفاظک عطف وربطنه دائر در
۱۰۷	فصل سابع - ایجاز واطناب حقننده در

## باب ثانی - طرق افاده بیاننده در

۱۱۳	مقدمه
۱۱۵	فصل اول - مجاز عقلی بیاننده در
۱۱۸	فصل ثانی - مجاز مرسل بیاننده در
۱۲۱	فصل ثالث - تشبیه بیاننده در
۱۳۴	فصل رابع - استعاره بیاننده در
۱۳۹	فصل خامس - کنایه بیاننده در

## باب ثالث - صنایع بدیعه مقننده در

۱۴۳	مقدمه
۱۴۳	فصل اول - محسنات معنویه حقننده در
۱۵۷	فصل ثانی - محسنات لفظیه حقننده در
۱۶۳	فصل ثالث - صنایع بدیعه تک لواحق حقننده در
۱۶۹	فصل رابع - صنعت تاریخچه دائر در
۱۸۶	خاتمه